

925

205
U-15
1894

8670

290
648-00

Գրքատան

ՏԱՍՆ ՊԵՏՈՒԻՐԱՆ

205 Կր.
U-15

51-07



Հոգին ճշմարտության
ստուգողընդեցե՛ ձեզ ամե-
նայն ճշմարտութիւնք:
Յովհ. Ժզ. 13.

ՍԱՀԱԿ ՔԱՀԱՆԱՅԻ ՍԱՀԱԿԵԱՆՑ

Միաբանի Մոդեստ սուրբ Գեորգ եկեղեցւոյ:

220
650-0

1004
6661



Տ ֆ Խ Ի Ս
Արագ. տպար. Մն. Վարսիրոսեանցի եւ Ընկ.
Միքայելեան փող. տան N 81.

1898

2001

20489-60



Տ Ա Ս Ն Պ Ա Տ Ո Ւ Ի Ր Ա Ն

Տ Ե Ս Ո Ւ Թ Ի Ի Ե Ի Վ Ե Ր Ա Յ Տ Ա Ս Ն Պ Ա Տ Ո Ւ Ի Ր Ա Ն Ա Յ

(II. Մոզս. հ. 1—22*)

Այն օրէնքը, որ Աստուած Մովսէսի ձեռով յայտնեց, դրոշմուած էին երկու քարէ տախտակների վրայ (II. Մովս լա. 18. լդ. 1.), որպէսզի չմոռացուի և (եղիցի անշարժ առաջի աչաց քոց) արձան լինի (V. Մովս. գ. 8.): Առաջին տախտակի վրայ դրոշմուած

Дозволено цензурою, Тифлиси, 11-го Декабря 1897 г.

*) Ուսուցչի հմտութեանն է թողնում նախապատրաստել աշակերտաց սըրտերը 10 պատուիրանների պատմութիւնը լսելու, նոյնպէս իւրայելացուց ազգի վիճակը և այն ժամանակը, երբ Մովսէս օրէնք տուաւ, պարզ կերպով նկարագրելու—լրերի գրութիւնը, ինչպէս և ճնշող բնութեան տպաւորութիւնը պէտք է ցոյց տալ ունկնդիրներին: Մի ժողովուրդ՝ որ եղիպտական ստրկութեան շղթաների մէջ է մեծացել, մի ժողովուրդ՝ որ աչքով տեսել է դարերի ընթացքում, թէ ինչպէս իրան արևոյ ժողովուրդը կենդանիներ է պաշտում, այժմ կրթութեան այն աստիճանի վրայ ենք տեսնում, որ կարողութիւն ունի Աստծուն ոչ տեսնելի՛ աներևոյթ ձևով ներկայելու իրան: Այն, դա մեծ յառաջդիմութիւն է—մի այդպիսի թոյցք զարգացման խնդրում, Մովսիսի նման եռանդ ունեցող միայն կարող էր յառաջ բերել: Թէև այս խնդրի լուսարանութիւնը ուսուցչին թողինք, բայց և այնպէս II. Մովսիսի ժԹ. բաւական նիւթ է մատակարարում պատկերի աղօտ կողմերը պարզ գոյներով նկարելու: Ինչ որ շրջակայ բնութեան նկարագրութեանն է վերաբերում մի ժողովուրդի համար, որ իւր կեանքում լեռն ասածդ առաջին անգամն է տեսնում, յարմար ենք համարում աշխարհագրութեան հայր Ռիտտելի նկարագրութիւնը մէջ բերելու «Սինայի ժայռոտ գագաթը 7,000՝ է. նրա շրջակայքը երկրազնախ վրայ հազիւ թէ իւր նմանն ունենայ: Սա մի վիթխարի, հսկայ ժայռակոյտ է, մի քանի մղոն լայնութեամբ. համարեա՞ թէ ամեն կողմից բարձրանում են զրանիտի ձեղպեր ու ժայռեայ անապատներ: Ո՛չ մի բուսականութիւն, ո՛չ մի ծառ, ո՛չ մի կանաչ չէ զարդարում Սինան: Ո՛չ մի առուակ չէ խոխոշում նրա մերկ լանջերով: Սինան մի հարթութիւն է բազմաթիւ զագաթներով զարդարուած—մի տեսարան, որ ընդունակ է տպաւորութիւն թողնելու: Տարուան շրջանառութիւնը կանաչով կամ երաշտով չէք կարող որոշել—կարծէք ժամանակը ուսել է լուռ արձան լինելու, վկայ կանչելու անցեալը իւր տիեզերահռչակ պատմութիւնով»: (Աւելին տ. 4—Ո. նիւթի սչակութեանն ծանօթութիւնը երես 271:

էին այն պարտաւորութիւնները, որ մենք ունինք դէպի Աստուած, հայր և մայր՝ որպէս Աստուած փոխանորդներ երկրիս վրայ: Իսկ միւսի վրայ՝ այն պարտաւորութիւնները, որ մենք ունինք դէպի մարդիկ: Իւրաքանչիւր տախտակի վրայ այնքան պատուիրաններ կային, որքան մատներ ունինք ամեն մի ձեռի վրայ: Բոլոր պատուիրանների մէջ Աստուած սուրբ կամքը կարճ և համառօտ կերպով առանց եթէ-ի և բայց-ի հաղորդուած է մեզ: Առաջին տախտակի վրայ հաստատական—հրամայական, իսկ երկրորդի վրայ՝ բացասական—հրամայական ոգին է տիրապետողը: Հաստատական հրամայական ձեր ազատ՝ ինքնազուլս չէ կամենում այս կամ այն, իսկ բացասականը՝ ենթադրում է մի հակառակ կամք, որ չարն է կամհնում:

Բոլոր պատուիրանների ճակատին զրուած է. «Ես եմ Տէր Աստուած քո», ուստի, «Տնւր ցիս, որդեակ, զսիրտ քո» (առակք իգ. 26): Որովհետև Աստուած ամենի համար ամենայն ինչ է և որովհետև քո սիրտը և քո սէրը նա ամբողջովին, առանց բաժանելու է ցանկանում ունենալ, ուստի և հետևեալ (3. 4.) պատուիրանների մէջ արգելում է նախ՝ կուսպաշտութիւնը և որպէս արգար և սուրբ Աստուած, աւելացնում է երկիւղ, սպառնալիք և խոստումն (տ. 4—6.): Հետևեալ պատուիրանների մէջ պահանջում է Աստուած, որ իւր անունը պատուեն և սուրբ առնեն (տ. 7.), որ իւր համար որոշուած օրը (տ. 8—11 ևս պատուեն ու սուրբ առնեն և վերջապէս պատուեն իւր փոխանորդին՝ ծնողաց, հօրն ու մօրը (տ. 12.): Սրանով վերջացնում է առաջին տախտակը: Երկրորդ տախտակի (տ. 13.) առաջին պատուիրանը պահանջում է խնայել մերձաւորի կեանքը: Եթէ դու մերձաւորի կեանքը չես յարգի, մնացածները ևս չես յարգի: Երկրորդ տախտակի (տ. 13.) երկրորդ պատուիրանը պահանջում է յարգիւր քո մերձաւորի ամուսնունութիւնը, որի վրայ կայանում է նրա սրբութիւնն ու երջանկութիւնը: Երկրորդ տախտակի (տ. 13.) երրորդ պատուիրանը պահանջում է յարգել, խնայել մերձաւորի սեպհականութիւնը, որովհետև գրանից է կախուած նրա անունը, նիւթական գոյութիւնը: Երկրորդ տախտակի (տ. 14) չորրորդ պատուիրանը պահանջում է յարգել մերձաւորի բարի անունը, որովհետև հարստութիւնն ու սեպհականութիւնը ոչինչ արժէք չունին առանց գրան: Երկրորդ տախտակի (տ. 15.) հինգերորդ պատուիրանը պահանջում է վերջապէս սեպհական սիրտը սուրբ պա-

հել, որովհետև երանի է նրանց, ովքեր սուրբ սիրտ ունին: Եթէ լաւ ուշադրութիւն դարձնենք տասն պատուիրանների ներքին կապակցութեան վրայ, հետևեալ յաջորդութիւնը կգտնենք—Առաջին տախտակի պատուիրանները սկսւում են երկնքում՝ Աստուածանով և վերջանում են երկրիս վրայ՝ ծնողներով: Աստուած առաջին պահանջն այս է. «Տնւր ցիս, որդեակ զսիրտ քո»: Սրտից անցնում է խօսքին, (տ. 7), խօսքից էլ՝ գործին (տ. 8.): Իսկ երկրորդ տախտակի վրայի պատուիրանները հակառակ ընթացք ունին, այն է՝ գործից խօսքին (տ. 14.) և խօսքից դէպի սիրտն են անցնում (տ. 14): Վերջին պատուիրանը շրջան է առնում դէպի առաջինը: Ամենայն ինչ սրտիցն է կախուած *):

*) Աստուածաշնչի մէջ ոչ մի ապացոյց չունինք, թէ պատուիրանների առաջին հինգը մի, իսկ երկրորդ հինգը միւս տախտակի վրայ էին գրած: Այս կէտն սկիզբն է առնում հրէից Յովսէփոս պատմագրից, որ Յիսուսի ժամանակներում էր ապրում: Որպէս ապացուցութիւն, Յովսէփոսն ընդունում է այն հանգամանքը, որ առաջին հինգ պատուիրանների մէջ Աստուած բառը յիշատակուած է, իսկ վերջինի մէջ՝ ոչ, որ հին-ուխտի միւս պատուիրանները հինգ կամ տասն պատգամների վերաբերմամբ կապ ունին Ս. Մովս. ժգ. 9. («Եւ եղիցի քեզ նշան ի վերայ ձեռնի քոց, եւ յիշատակ առաջի աշաց քոց, զի լինիցին օրէնք տեսան ի քերան քում»): Վ. Մովս. դ. 8. («Եւ արկցես զնոսս նշան ի ձեռնի քում, եւ եղիցի անշարժ առաջի աշաց քոց, եւ զրեցես զնոսս ի վերայ սեմոց տանց քոց եւ ի դրունս քոց»): Վ. Մովս. ժա. 18. («Եւ զիջիք զբանս զայս ի սիրտս ձեր եւ յանձինս ձեր, եւ արկիջիք զնոսս նշան ի ձեռս ձեր. եւ եղիցին անշարժ առաջի աշաց քոց»)-ի հետ: Բացի զբանից 5 : 5 կամ 4 : 6 ուշադրութեան աւելի արժանին այն է, որ տասն պատուիրանները այն ձևով չի աւանդուած քրիստոնէութեան շրջանում, ինչ ձևով որ գրուած է սուրբ գրքի մէջ: Այս խոստումը ծնունդ է առնում Օգոստինոսից (353—430), որ կենում էր Հիւլպոյոյում (Ափրիկայում): Սա բաց թողոց տասն պատուիրաններից այն բոլորը՝ ինչ որ հրէութեան համար որոշուած էր և աւելացրեց այն, ինչ որ քրիստոնէական տեսակետին համապատասխանել կարող էր: Ուստի և կուսք պաշտելը (տ. 4.) բաց է թողած, հինգերորդ պատուիրանը վերցրած է թ. ա. եփես. դ. 23. «պատուեն զհայր քո եւ զմայր, որ է առաջին, պատուիրան յաւետիսն, զի քեզ բարի եղիցի. եւ երկայնակեաց լինիցիս ի վերայ երկրի»-ից: Որպէսզի մի նոր պատուիրան շտացուի տ. 16. և 17-ը վերջին պատուիրանը երկուսի է բաժանում և տ. 4 և 5. պատուիրանների սպառնալիքն ու խոստումն այսինքն տ. 16. 17. է նշանակում: Այստեղ կընենք սուրբ գրքի բնագիւղը, Օգոստինոսի կայմածը և մեզ մօտ ապագրուած մի քանի ձևեր, որից պարզ կարելի է նկատել տարբերութիւնները և ձևափոխութիւնները:

քո խօսքով ի նորոյ բարձրացնում է մինչև հայրական ջերմ, սիրով լի սիրտը: Նս քո Աստուածն եմ, այսինքն քեզ համար կամ ես. քո երջանկութիւնը իմ հոգացողութիւնն է. իմ նպատակը քո երանութիւնն է: Սոսկայի է «ես եմ Տէր» խօսքը,—սա լցնում է մեր սիրտը երկիւղով: Սակայն սրբելի և սփոփիչ է շարունակութիւնը—«ես եմ Տէր Աստուած քո». սա էլ լցնում է մեր ներքինը սիրով: Ներկիւղը մի կողմից, իսկ սէրը միւս կողմից օրէնքը կատարելու շարժիչներ են:

Աստուած իւր էութիւնը, ամենից վեհ լինելը և իւր սէրը յիշել տալուց յետոյ, նոր է յայտարարում իւր կամքը: Բարի և իմաստուն սերմանահանի նման նախ՝ հողն է պատրաստում և ապա ատոք հատիկները սրտի մէջ ցանում:

Աստուած պահանջած սիրոյ առաջին նշանը յայտարարուած է առաջին պատուիրանի մէջ—«Մի եղիցին քեզ այլ աստուածք բաց յինէն»-ով:

«Մի եղիցին քեզ այլ աստուածք», այսինքն չլինին օտար իշխանութիւններ, որոց առաջ մենք խոնարհինք. չլինին օտար տէրեր, որոնց մենք ստիպուենք լսել. չլինի այլ բարեք, դէպի որը մեր սիրտը հակուի: Ո՛չ մի իշխանութիւն, ո՛չ մի տէր, ո՛չ մի բարեք Աստուծոց բարձր չափի դասներ, որովհետև նա է ամենաբարձր իշխանութիւնը, ամենամեծ զօրութիւնը. նա է ամենից հարուստ տէրը, ամենաթանկագին բարեքը: Նա է միակ ճշմարիտ, միակ զօրաւոր, միակ կենդանի Աստուածը: Կուռքերը երևոյթներ են և սուտ, նա է միակ ճշմարտութիւնը:

Ոչ թէ միայն ոչինչ չպիտի պաշտենք նրանից բարձր—որ ինչ յերկինս ի վեր», այլև ոչինչ՝ հաւասար նրան կամ՝ խոնարհ նրանից—որ ինչ յերկրի ի խոնարհ: «Մի եղիցին քեզ այլ աստուածք բաց յինէն», որովհետև ոչ ոք կարէ երկուց տէրանց ծառայել: Մտթ. գ. 24.): «Նս տէր Աստուած», ասում է նա Նոայի խր. 8. ում. «այս է անուս իմ, զփառս իմ այլուս ոչ տաց եւ ոչ զքաջութիւն իմ զրոշելոց»: Աստուած չի կամենում, որ մի որ և է առարկայի երկրպագութիւն տրուի, նա չի կամենում իւր փառքը կամ քաջութիւնը (յարգանքը) մի ուրիշին տրուի, այլ՝ նա կամենում է, որպէս ամենաբարձրեալ, ամենայն ինչ ինքը լինի:

«Մի եղիցին քեզ այլ աստուածք բաց յինէն» խօսքը նախ և առաջ վերաբերում է *հեթանոսներին*: Հեթանոսները պաշտում էին երկաթից, քարից, փայտից չինած արձաններ և նրանց երկնային պաշտօն էին մատուցանում, որ Աստուծուն միայն վայել է:

Նրանք չէին պաշտում Արարչին, այլ՝ արարածներին (տըն, կենդանիներ... և այս մոլորութեան մէջ մոռանում էին միակ Աստուծուն, որ միայն փրկութիւն և օրհնութիւն տալ կարող է: Համեմատելով սրանց խրոյսէլացուց ժողովրդի հետ, որոնք եզրպատական կենդանապաշտութիւնից կուրացել էին, չսխախտի մի երևելի բան համարենք, որ Մովսէսը հեռացրեց նրանց բազմաստուածութիւնից և առաջնորդեց դէպի մի աստուածութեան գաղափարը, որ ամենակարող է, անտեսանելի է, սուրբ է, արդար է: Ուստի և առաջին պատուիրանի էութիւնը գտանում է այն մեծ ճշմարտութեան մէջ, որ ասում է, թէ մի Աստուած միայն կայ: Վաւր, խրոյսէլ, տէր Աստուած մեր տէր մի է եւ սրբեսցես զտէր Աստուած քո (Մ. Մովս. գ. 4. 5.): Երբ մարդ շատ աստուածների է հաւատում, բարի և չար ոգիների, որոնք իրանց խռովիչ գոյութիւնը անտառներում, դաշտերում, գետերում, աւերակներում... են պահպանում և մարդկանց ու անասուններին շարժարում և երկիւղ ազդում և երբ մարդս մոլորութեան մէջ՝ երկիւղից ստիպուած՝ այսպիսի երևակայեալ գոյութիւններն աստուածացնում է, այն ժամանակ ևս աւելի դգալի է լինում այս խօսքերի ճշմարտութիւնը, թէ «զի անուն կուց եւ պաշտօն՝ ամենայն չարի սկիզբն եւ պատճառք եւ կատարած է» (Իմաստ. Սող. ժգ. 27.): Դրա հակառակ՝ մարդս պիտի խոստովանի մի Աստուած հաւատալու բարերար ազդեցութիւնը, որ մարդկանց որպէս սէր յայտնուեց: Ով այս մի և ճշմարիտ Աստուծուն չէ հաւատում և չէ ընդունում նրան որպէս հայր սիրոյ, այնպիսին կնշանակէ մարդկուութիւնը Աստուծու ընտանիք չէ համարում, իսկ ով աստուածային սէր չունի, չունի և մերձաւորի սէր: Հեթանոսութիւնն այդ մասին բազմաթիւ նկատելի սպացոյցներ է թողել մեզ համար—փրկեցիցիներն իրանց որդուցը կենդանի-կենդանի դնում էին Մովսէս կռքի շիկացած բաղուկների մէջ. քրմերի սրբերի շաչիւնը, մանկանց և մայրերի դառն կսկիծն ու աղաղակը մարդուս ականջներն էին խլացնում: Հնդկացիները Աստուծուն որոնելու նպատակով՝ Նագրէնատ կռքի փշրոզ անիւների տակն էին ձգում իրանց և կամ նոյն նպատակով Գանգէսի ալիքների մէջ էին որոնում իրանց մահը. մինչև անգամ շատ ժողովուրդ իւր բարոյականութիւնը, իւր առաքինութիւնը, իւր պատիւը աստուածներին զոհ էր բերում—միթէ դա սոսկալի, քրտմանելի չէ: Մարդս այսպիսի հրէշային արարմանց է ենթարկուում, երբ նա միայն ճշմարիտ Աստուծուն չէ նուիրում իւր ներքինը: Կա-

րևորութիւն չկայ անցեալին դիմելու, ներկան ևս բաւական է հեթանոսութեան տգեղ պատկերը խոստովանելու: Հեթանոս սիամցիներն այսօր ևս իրանց հիւանդներին՝ մեռնելուց առաջ դուրս են ձգում տանից: Բատացիք, որոնք հեթանոս են և կենում են Սումատրա կղզու վրայ, պատերազմում գերի ընկածներին մորթում, ուտում են անասնի նման: Բօրնէօ կղզու վրայ ոչ մի տեղացի իրաւունք չունի ամուսնանալու՝ մինչև որ ցոյց չտայ մի քանի սպանուած մարդու գլխի կաշի: Խաղաղական ուղիքանոսի մի քանի կղզիների վրայ որդիքն սպանում են իրանց ծեր և հիւանդ ծնողներին...: Այս բոլորն անում են այն ժողովուրդները, որոնք մի Աստուած չեն ճանաչում, որ ամենի հայրն է և որի որդիքը մարդիկն են. այս բոլորն անում են այն ազգերը, որոնք չեն ճանաչում այն միակ Աստծուն, որ ասում է. «մի եղիցին քեզ այլ աստուածք բաց չինէն»: Եւ իրօք, սիրոյ մի գործք կայ միայն, երբ Աստուած պահանջում է, որ մարդիկ իրան դիմեն և ոչ թէ ուրիշ աստուածներ ունենան բացի իրանից կամ իրանից դուրս:

Այս պատուիրանը վերաբերում է ոչ թէ միայն հեթանոսներին, այլև *հրեաներին*: Խորայելացիները մի Աստուած էին հաւատում, բայց շատ դիւրութեամբ հակում էին օտար աստուածներին պաշտօն մատուցանելու: Բաւական է յիշել անապատի ոսկէ որթը դատաւորների ժամանակը: Չմուսնանք Սողոմոն թագաւորին, որ իւր ծերութեան օրերում, բացի Սնովայից՝ ուրիշ աստուածներ ևս պաշտում էր: Յիշենք Նդիա մարգարէին (III. Թագ. Ժը, 21), որ ստաւենալով կոչեց իսրայէլացւոց ժողովրդին. «Մինչև ցերբ կաղաք յերկուս հեռա»: Կրա համար ևս տասն պատուիրանների մէջ իսրայէլացիներին արգելուց արձաններին պաշտօն մատուցանելը, որով կռապաշտութիւնը երևան է գալիս: Եթէ անհրաժեշտ էր իսրայէլացւոց ազգին արգելելու, որ շատ աստուածներ չպաշտեն, պակաս կարևոր չէր նոյն ազգին արգելելու և արձաններին յարգանք ու պատիւ տալը: Նդիալտոսի ծառայութեան շրջանում ժողովուրդը շատ անգամ էր տեսել յաւիտենականին փոխարինող բազմաթիւ խորհրդական պատկերներ, նշանակներ (սինվոյ), իսկ Քանանում շրջապատուած բազմաթիւ հեթանոս ազգերով՝ քիչ աւելի չունեցաւ անտեսանելի արարչին վայել պաշտօնը տեսանելի արարածներով փոխարինել՝ Աստծու փոխանակ կուռքեր պաշտել: Մի կողմից հարևան էին քաղդէացիները, որոնք աստղ էին պաշտում—ուստի և (տ. 4—6.)

«Մի արասցես դու քեզ կուռս ըստ ամենայնի նմանութեան որ ինչ յերկինս ի վեր», այսինքն արև, լուսին, աստղ, լոյս որպէս Աստուած չլիտի պաշտուին: Միւս կողմում կենում էին եգիպտացիները, որոնք ամեն տեսակ արարածներ, մանաւանդ կենդանիներ աստուածացրել էին և արձաններով ներկայացրել, ուստի և «մի արասցես քեզ կուռս... եւ որ ինչ յերկրի ի խոնարհ», այսինքն կրակ, ջուր, կենդանի, մարդ որպէս աստուած չլիտի պաշտել: Ներսրդ կողմից հարևան էին ասորւոց, որոնք ձկան արձանների առաջ ծուկ էին չորում, խոնարհում, ուստի և «մի արասցես քեզ կուռս... եւ որ ինչ ի ջուրս ի ներքոյ երկրի», այսինքն կոկորդիլոս և կէս-ձուկ, կէս-կին ներկայացնող Դագոնին չպաշտես (I. Թագ. ե. 2. 3. Դատաւորաց Ժդ. 23. I. Մակբ. Ժ. 83): Սրանցից ոչ մէկին էլ աստուածային պաշտօն չլիտի մատուցանես, ոչ մինին Աստծու տեղ չլիտի ընդունես, որովհետև «Հոգի է Աստուած եւ երկրպագուացն նորա հոգւով եւ ճշմարտութեամբ պարտ է երկիր պագաներ (Յովհ. դ. 24), այսինքն Աստուած մարմին ունեցող, տեսանելի մի էակ չէ, որին կարելի լինի շօշափել, այլ ոգի է (ներկայացրէք ձեզ ձեր հոգին, մտածմունքները, զգացմունքները և կամքը) և այն ամենակատարեալ ոգի, որից բարձր ոչինչ չկայ, որից ոչ ոք բարձր չէ:

Այս պատուիրանը *քրիստոնէաներին* էլ է վերաբերում: ձիշտ է մենք չունինք քարէ, երկաթէ և փայտէ կուռքեր, բայց և այնպէս մեզ համար ևս «մի եղիցին քեզ այլ աստուածք ուց չինէն»-ը աւելորդ չէ: Մեր մէջ ևս մինչև այսօր կայ և տիրում է հեթանոսութիւնը: Քանի-քանիսը անցաւ կամ մեռաւ իրերը կենդանի Աստուածանից բարձր են գնահատում: Մինի Աստուածը փողն է—փողը նրա ցանկութիւնների նպասակն է. փողը նրա հոգին է. փողը նրա ամենասիրելին է: Մինը ժողովում է փողը որդու, թուան... համար, իսկ միւսը աշխարհի ունայնութիւններն է վայելում նրանով: Երկուսն էլ պատրաստ են փողի համար իրանց խիղճը գոհել, վաճառել, ուստի և այդպիսիք չեն ասում—եթէ ես միայն Աստծուն ինձ սեպհական ունենայի, այլ՝ եթէ ես միայն փող ունենայի: Սա էլ մի տեսակ կռապաշտութիւն է: Մի ուրիշը՝ փառքը, պատիւն է աստուածացնում. անցաւ որ փառք, պատիւ, որ հիմնում է արտղոսների, զարդարանքների և այլն այսպիսի արտաքին բաների վրայ: Ոմանք էլ իրանց սիրտը բաւականութիւններին են յանձնում

և որոնք միշտ զղշացել են ու աշխարհիս թ շուտոներից մինը դա-
 ռել: Բաւական չեն այս կռապաշտները, միթէ կտրիք կայ էլի ուրիշ
 կռապաշտութիւններ յիշելու: Մտէք մի քանի ընտանիքների մէջ և
 դուք կտեսնէք, որ սիրոյ ամենասուրբ զգացմունքները կռապաշտու-
 թեան են փոխարկուել: Ո՛րքան յաճախ մարդիկ այս կամ այն բանը
 Աստուածանից աւելի են սիրում, որով և կռապաշտութիւն են անում:
 Մի քանի ընտանիքներում, երբ մի երեխայ է մեռնում, այնպիսի ողբ
 ու սուգ են անում, կարծես թէ Աստծու կամքը չլինէր այդ: Ոմանք
 էլ կոյր ճակատագիրն են իրանց համար Աստուած դարձրել—այդպի-
 սիք խօսում են մի ինչ որ խիստ ճակատագրի մասին և դողում են
 նրա առաջ. այդպիսիների համար կարծես թէ երկնքումն Աստուած
 չլինի: Ոմանք էլ յոյսերն երկնքի, բնութեան վրայ ունեն դրած
 —երկինքը, բնութիւնը կօզնէ մեզ—ասում են այդպիսիք: Մի քանի
 հիւանդոտներ էլ այսպէս են ասում—բնութիւնը ինքն իրան կօզնէ:
 Միթէ սա ճշմարիտ է, որ բնութիւնը ինքն իրան կօզնէ, եթէ Աս-
 տուած օգնելու չլինի այն օրէնքների միջնորդութեամբ, որոնք նա
 բնութեան մէջն է գրել: Դրանք բոլորն էլ կռապաշտներ են—դոքա՛
 արարածին արարչի հաւասար են ընդունում: Բայց ամենամեծ
 կռուքը մեր *ձան* է: Ո՛րն է քո ամենասիրելի մտածողութիւնը:—Այն՝
 ինչի մէջ քո ունայնութիւնն է: Խոնչի մասին ես մտածում ամե-
 նից շատ:—Թէ ինչպէս անես, որ քեզ առաջ տանել կարողանաս աշ-
 խարհիս մէջ: Ո՛ւմն եսը դու ամեն բանից բարձր ես սիրում:—Ո՛չ թէ
 Աստծուն, ոչ թէ եղբօրդ, այլ՝ քեզ և էլի քեզ: Նսի, իմի, ինձի շուր-
 ջը ամբողջ աշխարհը պարտում է: Արդարև քրիստոնեաների մէջ ևս
 կռուքերը բազմաթիւ երկրպագուներ ունին: Այդպիսիք ճանաչում են
 Աստծուն, բայց միայն կարեաց ժամանակ, երբ այլևս օգնող չկայ,
 յիշում են նրան: Բայց այս Աստծու մօտ քանի—քանի աստուածներ
 են դնում մարդիկ և իրանց սիրտը նրանց հետ կապում: Ակամայ
 մարդս յիշում է թագաւորի մէկին, որ երկու սեղան չլինել տուեց իւր
 տաճարի մէջ՝ մինը Քրիստոսի համար, իսկ միւսը սատանայի, որ-
 պէսզի ոչ մինին էլ չբարկացնէ և երկուսի հովանաւորութիւնն էլ
 վայելէ: Ո՛րքան այդպիսի մարդիկ կան: Բայց այսպէս չպիտի լինի:
 Ամեն մի կէս բան (թերութիւն) արգելում է Աստուած—չի կարելի և՛
 Աստծուն և՛ մամոնային ծառայել: Դու ոչինչ չպիտի ունենաս որ Աս-
 տուածանից վեր լինի և որին դու *այնքան* յարգես, *այնքան*
 սիրես, ինչքան Աստծուն: Այսպէս ուրեմն պատուիրանի գումարն է

—Աստուած քո սիրտն է կամենում. բայց ոչ կիսատ,
 ոչ թերի, ոչ կտորտած, ոչ կտոր արած, այլ՝ ամբողջ: «Տնւր
ցիս որդեակ զսիրտ քո եւ աչք քո ճանապարհաց իմոց սպասեացեն»:
 (Առակք Սող. իգ. 26.):

Եթէ մենք կամենում ենք մեր սիրտն Աստծուն տալ, այն ժա-
 մանակ պէտք է այսպէս վարուենք—մենք պէտք է ամեն բա-
 նից աւելի Աստուածանից երկիւղ կրենք, սիրենք և
 վստահութիւն ունենանք դէպի նա: Բայց ինչպէս: Երկիւղ
 կրելը չէ՛ նշանակում մի ինչ որ վստ բան (օրինակներ): Գուցէ՛ սա
 հեթանոսական երկիւղն է, որ հազարաւորների սրտի անդորրութիւ-
 նը խել է:—Ո՛չ, կայ մի տեսակ երկիւղ, որ համապատասխան է յար-
 գանքի—դա երկիւղածութիւնն *) կոչուածն է: Այս մտքով
 էլ պահանջում է, որ մենք ամեն բանից աւելի Աստուա-
 ծանից *երկիւղ կրենք*: Լաւ ի միտ առ, որ Աստուած ամեն
 բանից բարձր է—մարդկանցից էլ, կարիքից էլ, մահուանից էլ. նա
 ամենազօրաւորն է, ամենասուրբն է. նա միայն կարող է պատժել.
 նա միայն կարող է փրկել, երբ այլ ևս ոչ ոք չի լինի պատժող և
 փրկող: Երկիւղը, այսինքն երկիւղածութիւնը աստուածային վե-
 հովեան առաջ չպիտի նմանի ստրկի երկիւղին, որ կանգնած է իւր
 տիրոջ առաջ—դա կլինէր ստրկական երկիւղ, այլ երկիւղն այն
 ձևով պիտի լինի, ինչպէս որ բարի մանուկը ծնողաց առաջն է կանգ-
 նում—երկիւղը մանկական, տղայական պիտի լինի: Ով ստըր-
 կական երկիւղ ունի դէպի Աստուած, ասում է Օգոստինոսը, «այն-
 պիսին երկիւղ է կրում, որ նա կգայ, իսկ ով մանկական երկիւղ
 ունի առ Աստուած, այնպիսին երկիւղ չէ կրում որ նա գնում է»
 (համեմատել թ. ա. Հում. ը. 15. Ձի ոչ առէք զհոգին ծառայութեան
 միւս անգամ յերկիւղ, այլ առէք զհոգին որդեգրութեան, որով աղա-

*) Մարդիկ երկիւղ են կրում այն բանից՝ ինչ որ հօր են համարում
 իրանցից և որից միևնոյն ժամանակ բարի բան չեն սպասում, զորօրինակ սճրա-
 գործը դատաւորի առաջ, անհնազանդ որդին՝ ծնողաց առաջ: Մարդս երկիւղած
 է նոյնպէս իրանից հօրի առաջ, բայց չարիք չէ սպասում նրանից, զորօրինակ
 երիտասարդը ծերի առաջ, աշակերտը՝ ուսուցչի...: Երկիւղածութեան զաղափարը
 հիմնուած է անբաւութեան զաղափարի վրայ: Աստուած ոչ ոք չունի իրանից
 բարձր, ամենքն էլ իրանից ստոր են. ամենաբարձրալին, որ միևնոյն ժամա-
 նակ և ամենալաւն է, վայել է ամենաբարձր աստիճանի երկիւղածութիւն: Ըստ
 այսմ երկիւղածութիւնն է Աստծու անվերջ անբաւութեան
 զգացմունքը:

դակեմք՝ աբբա, հայր): Լաւ տղան, բարի մանուկը, եթէ պատիժ էլ չստանայ ծնողներէց, այնուամենայնիւ քաջուժ է հօր պատուէրնե-րից անցնել. նա երկիւղ է կրում՝ մի գուցէ իւր անհնազանդու-թեամբ տրտմեցնէ ծնողաց: Այսպէս էլ ճշմարիտ երկիւղածը գիտէ գնահատել Աստու սէրը. նա խորշում է այն ամենից, ինչ որ կարող է Աստու հաճելի չլինել: Սբա համար ևս ճշմարիտ երկիւղածու-թիւնը ամենալաւ, ամենազօրաւոր դէնքն է չարի դէմ (Յովբ. իր. 28. Ահա աստուածաշաշուժիւն (երկիւղածութիւն) է իմաստութիւն, եւ մեկնել ի չարեաց է հանձար:): Եւր մարդս Աստուածանից այսպէս է երկիւղ կրում, կարիք չունի մարդկանցից վախենալու, որովհետեւ աստուածային երկիւղը մարդուս ոյժ, զօրութիւն, հաստատու-թիւն և յարատևութիւն է տալիս: Գուցէ ուրիշները վհատուեն, բայց Աստուածանից երկիւղ ունեցողը չէ վհատոււմ. ուրիշները կարող են անհաւատարիմ լինել, Աստուածանից երկիւղ ունեցողը միշտ հարա-զատ է. ուրիշները կարող են աշխարհիս հետ համակերպուել, բայց Աստուածանից երկիւղ ունեցողը ուշ չէ դարձնում աշխարհի սպառ-նալիքներէ վրայ—նա հաստատ է, անվրդով է, նա շարունակ կրկի-նում է իւր մէջ՝ Աստուածանից աւելի պիտի վախենալ՝ քան թէ մարդկանցից:

Ուստի յաստուծոյ երկիր, եւ զպատուիրանս նորա պահեան, զի այս է մարդն ամենեւին: (Ժող. Սող. Ժբ. 13.) և կամ Վերանիսմե-նեցուն ոյք երկնչին ի տեառնէ, եւ գնան ի ճանապարհս նորա: Զվաս-տակս ձեռաց քոց կերիցես, երանի է քեզ, եւ բարի եղիցի (Սաղ-մոս ճիէ. 1. 2.):

Բայց բաւական է Աստուծոց երկիւղ կրելը՝ առաջին պատուի-րանը կատարելու համար: Սա առաջինն է, սկիզբն է (համեմատիր Սաղմոս ճԺ. 10): Մի երկրորդ պայման ևս անհրաժեշտ է, այն է՝ սէրը: Աստուածային երկիւղ ունեցողն աշխատում է այնպիսի բան չանել, որ Աստուծոն տհաճ լինի (սա բացասական կողմն է). նա հեռացնում է չարը և պաշտպանուում է մեղաց դէմ: Իսկ սէրը անում է այն՝ ինչ որ Աստուծոն հաճելի է (սա դրական կողմն է). նա մղում է մարդուս դէպի բարին, գործում է իրաւացին: Ուս-տի երկնչիւ և սիրել

Մենք պէտք է Աստուծոն ամեն բանից աւելի *սիրենք*: Ուրեմն այստեղ ևս ամեն բանից աւելի, այսինքն Աստուծոն աւելի պիտի սիրենք՝ քան թէ փող, հարստութիւն. աւելի քան թէ

երջանիկ օրերը և լաւ բարեկամները. աւելի քան թէ աշխարհիս փառքն ու պատիւը. աւելի քան թէ հայր և մայր, կին և որդի. աւե-լի քան թէ մեր կեանքը: Ոչինչ չպիտի լինի նրանից բարձր, ոչինչ չը-պիտի դուքս տէր Աստուծոց աւելի սիրես: Սօր համար որդուց աւե-լի ինչ սիրելի բան կայ, բայց Աստուծոն հաճոյ լինելը և՛ս աւելի պի-տի լինի: Ոմանց համար փառքը, պատիւը սիրելի է, բայց Աստուծո սէրն ամեն բանից բարձր պիտի լինի: Աստուծո համար ոչ մի գոհ դժուար չպիտի երեայ մեզ. ոչ մի պատարագ բարձր չպիտի թուի մեզ. ոչ մի գոյք թանկագին չպիտի համարուի: Նրան, որ մեզ Վախ սիրեց (Ի. Թ. Յովհ. գ. 19) պէտք է ի նորոյ սիրենք ամբողջ սրտով: Ճշմարիտ սիրոյն յատուկ է անձկութիւնը՝ սիրած առարկայի սեպհա-կանութիւն լինելը. նա (սէրը) չի բաւականանում, որ գիտես թէ մի Աստուած կայ, այլ ցանկանում է նրան ունենալ:

Զինչ կայ իմ բնաւ յերկինս, կամ ի քէն զինչ եւս խնդրեցից յերկրի (Սաղմ. հբ. 25): (Ո՞վ ունիմ ես երկնքումը, քեզանից զատ ոչինչ չեմ ուզում երկրի վրայ): Ում սրտի մէջ այսպիսի սէր կայ առ Աստուած, կնշանակէ նա ունի այն՝ ինչ որ ամենաբարձր է, ամենա-սուրբ է, ամենալաւն է, ինչ որ մարդս կարող է ունենալ—նա ամեն ինչ ունի: «Յնծացաւ հողի իմ յԱստուած» (Ղուկ. ա. 47.) «Ինձ մեր-ձենալ առ Աստուած բարի է» (ուրախալի) (Սաղմ. հբ. 38.): Այդպի-սին յարատե անձկութիւն ունի առ Աստուած: Լաւ տղի հա-մար հայրական օջաղը միշտ սիրելի տեղ է երկրիս վրայ. այն մար-դը, որ հայրական տունը ամբողջ սրտով, ամբողջ հոգով, ամբողջ անձնով և ամբողջ զօրութիւնով է սիրում, հայրենիքը այդպիսի մար-դու անձկութեան նպատակն է: Ով սէր ունի առ Աստուած, այնպի-սին ոյժ և զօրութիւն է ստանում կատարելու նրա պատուիրանները: Արդէն կեանքի մէջ սովորական խօսակցու-թիւն է, թէ ինչ որ մարդս սիրով է կատարում, դժուար չէ թը-ւում նրան: Այսպէս ևս այն անձը՝ որ Աստուծոն ի բոլոր սրտէ է սի-րում, դժուարութիւն չի ունենայ աստուածային պատուիրանները կա-տարելու: «Քանզի այս է սէրն Աստուծոյ, եթէ զպատուիրանս նորա պահեսցուք ևւ պատուիրանք (սէր) նորա չեն ինչ ծանուցք» (Ի. Թ. Յովհ. ե. 3.): Սէրը՝ ամենածանր բանն անգամ սիրով է կատարում, դրա համար ևս չըրումն օրինաց սէր է»:

Ով քո աչքում մեծ է, նրան էլ դու յարգում ես և երկիւ-ղածութիւն ունիս դէպի նա. ով այսպիսի յարգութիւններ քո

1994-58406
 1994-58406



սիրտը գրաւել է, նրան էլ սիրում ես և հաւատում: Հէնց դրա համար էլ ասում ենք—երկիւղածութիւն, սէր և հաւատարմութիւն:

Մենք պէտք է ամեն բանից աւելի Աստուծոյ վրայ *փառահռոթիւն* ունենանք: Մարդիկ շատ անգամ կամենում են օգնել, բայց չեն կարողանում. մարդիկ շատ անգամ կարող են օգնել, բայց չեն կամենում. մարդիկ շատ անգամ կամենում են օգնել, բայց ձեռք չգիտեն: Աստուծոյ մօտ բոլորովին ուրիշ տեսակ է—վասնզի նա ամենակարողն է, նա ամենագէտ, ամենափմաստունն է, որ գիտէ օգնել և դա սիրոյ Աստուած է, որ օգնել է կամենում: Նա իւր կառավարութեան մէջ դեռ ևս ոչ մի բան աչքից չէ թողել և ինչ որ անում է կամ թոյլ է տալիս, որ կատարուի, բոլորն էլ բարի վախճան են ստանում: Հէնց դրա համար ևս ասում է սուրբ գիրքը. «Բարի է յուսալ ի տէր՝ քան յուսալ մարդիկ» (Սաղմ. ճԺԷ. 8): Մարդիկ թոյլ են: Փարաւունն ինչ արաւ իւր զօրութեամբ: Նաբուքոդոնոսորը շատ որոտաց, բայց ինչ շահեց: Նապօլէօնը իւր 500,000 զինուորներով, որով նա տէրութիւնները կարծես, որպէս շահմատի քարեր, տեղափոխում էր, ինչկարողացաւ անել: Ո՛չ, ո՛չ, «Մի յուսաջբ յիշխանս՝ յորդիս մարդկան, զի ոչ գոյ փրկութիւն ի նոսա» (Սաղմ. ճԽԷ. 3): Մարդիկ մահկանացու են—ում վրայ որ դու այսօր վստահութիւն ունիս, գուցէ վաղը մեռածների մէջ կարելի լինի որոնել նրան: Մարդիկ փոփոխամիտ են—այսօր «ովսաննա» են աղաղակում, իսկ փոքր ինչ յետոյ «ի խաչ հանդդա»: Ուրեմն մարդոց վրայ մի վստահիր, յոյսդ նրանց վրայ մի դնիր: Քո հարստութեանն էլ մի վստահիր: Արդե՞ք քո հարստութիւնը կարող է քեզ ազատել հիւանդութիւնից, կարո՞ղ է քեզ թշնամութեան, կարիքի, մահուան առաջ պաշտպանել: Առակք Սող. Ժա. 28. «Որ յուսայ ի մեծութիւն՝ կործանեսցի»: Քո բանականութեան, քո խելքի վրայ էլ շատ յոյս մի դնել: Ճիշտ է, նա քեզ հարկաւոր է, բայց նրան ամբողջովին մի վստահիր. դու մի կործիր, թէ քո գլխով ամեն ինչ կարող ես անել, յաջողեցնել: Ոչ որ այնքան իմաստուն չէ, որ մի փոքր՝ յիմարութիւն աւելորդ չունենար», ասում է առածը: Սուրբ գիրքը Նրեմիայի մարգարէութեան թ. 23. 24. մէջ այսպէս է խօսում. «Մի պարծեսցի իմաստունն յիմաստութիւն իւր, և մի պարծեսցի հզօրն ի զօրութիւն իւր և մի պարծեսցի մեծն ի մեծութիւն իւր, այլ այն պարծեսցի՝ որ պարծիցին իմանալ և ճանաչել զիս, թէ ես եմ տէր Աստուած, որ

առնեմ զիրաւունս և և զողորմութիւն և և զարդարութիւն ի վերայ երկրի: Ուրեմն ուրիշի վրայ յոյս մի դիր՝ այլ քեզ վրայ, ապա թէ ոչ կորած ես—յոյսդ դէր միմիայն Աստուծօրութեան, Աստուծօրութեան, Աստուծ մխիթարութեան վրայ:

Ով իւր անելիքը պատուաւոր կերպով է կատարում, ով իւր պարտաւորութիւնները արդար կերպով է լրացնում և յոյսն Աստուծոյ վրայ է դնում, նա չի սխալուի, եթէ Աստուծոյ ճանապարհները նրա ճանապարհների նման չեն. եթէ նրա մտածողութիւնները իւր մտածողութիւնների նման չեն—նա իւր տխուր ժամերի մէջ և վշտալի բողբոջներում ևս հանգիստ և խաղաղ է սրտով: Այգպիսի փորձութիւնների մէջ մարդս անյողզող է մնում (I. Թ. ա. Կորնթ. Ժ. 13.): Այգպիսին բաղդաւորութեան մէջ համեստ է մնում, իսկ թշուառութեան մէջ՝ մխիթարուած (Եթէպէտ և և զնացից ես ի մէջ ստուերաց մահու.) Սաղմ. իբ.): 'Իրա համար ևս այգպիսին, երբ վերջին պատու հացը վերջացրել է, վերջին կողկը ծախսել է, բայց և այնպէս էլ չէ յուսահատուում: Ով իւր սրտի մէջ հարազատ, մանկական վստահութիւն ունի առ Աստուած, այնպիսին չի մոռանայ յիշելու Նսայի լ. 15. «Յորժամ դարձցիս և յոգեոց հանիցես (հանգիստ լինել) յայնժամ կեցցես (օգնութիւն ստանալ), և գիտացես թէ ուր իցես»: Այո, հանգիստ, խաղաղ լինել, ներքին կերպով չլուրճել, չբարկանալ, չարտնջալ և չզանգատուիլ, եթէ Աստուած քո կամեցածի նման չէ անում, մինչև անգամ հանգիստ՝ խաղաղ լինել և այն ժամանակ, երբ Աստուած՝ ճշմարիտ բժիշկը թշուառութեան սուր դանակով մեր հոգեոյ աւերները կտրատում է. երբ նա դառն դեղ է տալիս. մեզ ցաւ է պատճառում՝ ուրախացնելու համար: Այս ձեռք հանգիստ, խաղաղ մնալով՝ կարող ենք և զօրաւոր լինել, որովհետև «որ սպասեն տեսան՝ նորոգեսցին զօրութեամբ, նորափետուր զարգարեսցին իբրև զարձուխ, ընթացցին և վաստակեսցեն, զնացեն և մի քաղցիցեն» (Նսայի լս. 31.):

Եթէ դու այսպէս ամեն բանից աւելի Աստուծոյ վրայ յոյս կը դնես. եթէ դու նրան այսպէս կսիրես. եթէ դու նրանից այսպէս երկիւղ կկրես, այն ժամանակ կարող ես ասել, որ ես պատուիրանը կատարել եմ, ևս կուսք չեմ պաշտել:

Ե Ր Ր Ո Ր Գ Պ Ա Տ Ո Ւ Բ Բ Ա Ն

«Մի՛ աննուցու զանուն տեսնն Աստուծոյ քո ի վերայ մտտեաց, զի ոչ սարնացէ տէր զայն՝ որ աննուցու զանուն նորա ի վերայ մտտեաց»:

Առաջին և երկրորդ պատուիրանը պահանջում է, որ ամեն բանից աւելի Աստծուն սուրբ ընդունենք: Պատուիրանի մէջ պահանջւում էր սուրբ սիրտ, սա առաջինն էր: Այժմ գալիս է երկրորդը— Աստծուն պէտք է քո շրթունքն երով էլ սուրբ պահես: Այսպէս ուրեմն պատուիրանը՝ կամենում է ոչ թէ միայն մեր խորհուրդը, մտածողութիւնը, այլև մեր խօսքը սուրբ առնել: Եւ իբօք—երկուսը չպիտի բաժանել իրարից, սա մի ամբողջութիւն է, որովհետև սիրտը ազբիւրն է, իսկ լեզուն՝ խողովակը, որի միջով հոսում է: Եթէ սիրտը մաքուր չէ, խօսքն էլ մաքուր չէ. ում սիրտը լիքն է, սկսում է բերանից թափուել: Նրբորդ պատուիրանը ճառում է լեզուի ուղիղ գործադրութեան մասին—նա պահանջում է մեզնից Աստծու անունը սուրբ առնել, այսինքն զգուշանալը, մեր բերանով Աստծու անունը չպղծենք և չանպատուենք նրան մեր խօսքով: Աստծու անունը իրան համան ի չէ՝ հաւասար է: Գու չես կարող քո հարեանին ասել, թէ գող ես և յետոյ նրանով արդարանաս, թէ ես քեզ չէի ասում, այլ՝ քո անունն: Հարեանդ այդ բանը չի ընդունիլ, նա անշուշտ քեզ կասէ—անունը անձնի փոխանորդն է, ով իմ անունն արատաւորում է, ինձ է արատաւորում: Միևնոյն էլ Աստծու անունն է վերաբերում: Աստծու անունը Աստծու էութիւնն է ցոյց տալիս և կամ նրա յատկութիւնն է: Աստուած յայտնուել է նախ՝ որպէս Աստուած—Ի սկզբանէ արար Աստուած զերկինս եւ զերկիր», յետոյ՝ որպէս տէր Աստուած, իսկ վերջը՝ որպէս ամենակարող (I Մովս. 1.), որպէս Աստուած գորութեանց (Նյովէ) (I. թագ. ա. 1.), որպէս որ էն (II. Մովս. գ. 13. 14.), այսինքն «ես եմ որ եմ ինքնագոյ, անփոփոխ, միշտ նոյնը, ես եմ որ եմ միշտ անսկիզբն, անվախճան, ես եմ որ եմ էացուցիչ ամենայն էից» (Մսեր. քրիստ. եր. 10), այսինքն ես յաւիտենական եմ: Նրբ հրէաները Բաբելոնի գերութիւնից վերագարձան և իրանց թշուառութեան մէջ զգացին, թէ Աստուած ինչ է եղել իրանց համար և թէ իրանք ինչ-

պէս են վարուել նրա հետ, այլ ևս չէին վստահանում Նյովէ (Ննովա՝ ազգային Աստուած) բառով Աստծու անունը յիշելու, այլ ասում էին Ա. գ ո վ ն այ ի, այսինքն տէր: Մի չնչին նախատինք՝ Աստուածային անուան՝ սրբապղծութիւն էր համարւում՝ այնպէս որ Աստծու անունը անպատուողին մահու պատիժ էին տալիս (III. Մովս. իդ. 16. «Այր ոք այր՝ որ անիծանիցէ զԱստուած, մեղս ընկալցի, զի անուանեաց զանուն տեսնն, մահու մեռցի. քար ընկէցու թեամբ քարքոծ արասցեն զնա ամենայն ժողովուրդն, եթէ պանդուխտ իցէ. եւ եթէ բնակ, յանուանել նորա զանուն տեսնն, սատակեսցի»): Նսայի խգ. 11.: Աստուած վերկիչ ևս կոչւում է, իսկ Քրիստոս՝ Հայր է անուանում: Ինչ ձևով էլ, որ սուրբ գիրքը Աստծու անունը տալու լինի, միշտ և հանապազ չպիտի մոռանալ. «Մի առնուցուս զանուն տեսնն Աստուծոյ քո ի վերայ մտտեաց»-ը: Ամենից առաջ մտածիր քո խօսքի թեթեամիտ գործածութեան վրայ: Քանի քանիսնեքը գործ են ածում Աստուած մեծ, անունը՝ առանց նրա մեծութեան վրայ մտածելու: Ոչ ոք իւր մաքուր շորերը անվայել ձևով չէ պահում. մարդարիտը աղբի մէջ չեն ձգում. բայց ամենաբարձրակալ, ամենասուրբ Աստծու անունը չատերը չեն յարգում: Ահա այս է թեթեամիտ կամ անօգուտ գործածութիւնը: Աւելի ծանր է յանցանքը, երբ Աստծու անունը դիտաւորութեամբ ի չարն ենք գործ դնում, զեղծում: Բայց սրբան խիստ էր հսկում իսրայէլը Աստծու անունը սուրբ պահելու—III Մովս. իդ. 16. որոշ ասում է. «Զի անուանեաց զանուն տեսնն, մահու մեռցի, քարընկէցութեամբ քարկոծ արասցեն զնա ամենայն ժողովուրդն»:

Խօսենք նախ՝ Աստծու անուան զեղծման և ապա նրա ուղիղ գործածութեան մասին:

Նրբ մենք հայնոյնում՝ ևճք, ասել է թէ Աստծու անունը զեղծում ենք: Ով հայնոյնում է, ասել է թէ ցանկանում է, որ իւր մերձաւորին կամ իրան, Աստուած մի չարիք հասցնէ: Այդպիսի անձը հեռացնում է իրանից սուրբ ասած բանը. ընկնում է կրքի ազդեցութեան տակ և Աստծուն էլ խառնում է իւր տգեղ վարմունքի, իւր անսուրբ, սիրուց զուրկ մտածողութեան մէջ: Հայհոյիչն եր կարելի է դտնել ամեն հասակի մէջ՝ թէ հասակաւորներ և թէ երիտասարդներ, թէ մարդկանց և թէ կանանց, թէ տղերանց և թէ աղջկերանց. բոլոր դասակարգերի մէջ—թէ տիրոջներ և թէ հպատակների, թէ հարստի և թէ աղքատի, թէ ազատի և թէ

գունհկի, թէ զինուորականի *) և թէ զիւրացու մէջ: Եւ ո՞վք եր են հայհոյողները—ծնողները հայհոյում են իրանց որդւոց, իսկ որդիքը՝ ծնողներին. հայհոյում են թշնամուն և բարեկամին. հայհոյում են, զորօրինակ անձրևին, երբ, մարդկանց կարծիքով, իւր ժամանակին երկնքից չի թափուում. անբան կենդանուն, որ մարդոց գրած ծանր բեռը չի կարողանում տանել. հայհոյում են կտորած ձեռին, ոտին, պատուած շորերին. հայհոյում են վաճառելիս, գնելիս. դանակին են հայհոյում, որ չի կտրում, սեղանին՝ որ սեղիզ չէ կանգնած....: Հայհոյիչը երկնքից սկսէ թէ դժուրքից, ոսկուն հայհոյէ, թէ ապականութեանը, բոլորն էլ միևնոյն է: Նա իւր վրէժը առնում է պատահած աւարկայից: Հայհոյողը կատաղում է, վրդովւում է, այէկոծւում է, մոռանում է իրան, կրքի աստիճան է բարձրանում: Հայհոյիչը հարուածում է կենդանուն, կտորատում է ամանները—և իրօք սաքսափելի երևոյթ է տեսնել հայհոյիչին: Մ'ըբ են հայհոյում մարդիկ:—Նրբ սիրտը գտունութեամբ լիքն է. երբ թշուառութեան մէջ է. երջանկութեան մէջ եղած ժամանակն էլ նոյն տգեղ սովորութիւնը չի մոռացում: Նրբ պատահում ես հոգւով հանգիստ մի մարդու և հարցնում ես, թէ ինչ համբաւ կայ: Ողջութիւն, գոհութիւն Աստուծոյ, պատասխանում է զիմացիներ և քեզ ուրախ տեղեկութիւններ է հաղորդում, իսկ դրա հակառակ՝ երբ պատահում ես հայհոյիչին՝ նա ոչ մի խօսքով չէ արտայայտում՝ բացի «աստանէն ոչ գիտէ» զգուելի ձևով: Մարդիկ հայհոյում են և՛ աշխատելիս և՛ խաղալիս, թէ լուրջ և թէ արբած ժամանակ: Նթէ Աստուած մի բոպէ անգամ լսէր հայհոյիչներ խնդիրը, որոնք զարհուրելի կերպարանքով—կրճտած, ատամներով, լարած բռունցքով և քստմենելի հայեացքով երկիրն են

*) Զինուորի մէկը՝ մի հասարակութեան մէջ կամենում էր հաստատել, որ քաջ զինուորականը անպատճառ պէտք է հայհոյէ, ապա թէ ոչ՝ զուրկ կլինի իրան վայել յատկութիւնից: Ներկայ եղողները մինն ասաց. «Մի կարծիքով դա ուղիղ չէ, ինձ ծանօթ է մի հարեւրապետ, որ չէր հայհոյում, այլ կարճ և հեղ կերպով էր կառավարում և պիտի ասեմ, որ նա հնազանդ ստորադրեալներ ունէր»: «Ձատ կցանկայի զիտենալ, թէ այդ ո՞վ է», ասաց զինուորականը. «Ինդրեմ ասէք նրա անունը»: «Պա Գափառնայումի հարեւրապետն է՞», սառը կերպով կրկնեց հանդիսականը: «Շա ասում էր մինին գնա՛ և գնում էր և՛ միւսին եկ, զալիս էր, երբորդին արն այս բանը և առնում էր: Ես կարծեմ, ինչ որ այն ժամանակ հովմայեցիներն իրանց հեթանոս զինուորների մէջ կատարում էին, նոյնը այժմս էլ կարելի է անել»:

նայում և կատարէր նրանց խնդիրը, այն ժամանակ իրանք հայհոյիչներն անգամ կսարսափէին: Նթէ Աստուած լսէր հայհոյող ծնողներ խնդիրը և նոցա որդւոց իրանց ցանկացած տեղը տանէր. եթէ Աստուած լսէր զիւրացուն և նրա ձին, զոմէչը, եղբ... այնպէս կարգադրէր լինելու, ինչպէս հայհոյիչն է ցանկանում, ինչ կլինէր այդպիսիների վիճակը: Նթէ Աստուած հայհոյիչների ցանկութեան համայն ամեն անգամ պատժէր նրանց, այն ժամանակ մի բծի չափ տեղ էլ չէր լինի հարուածելու համար: Ո՞վ մարդ, զգոյշ եղիր, Աստուծու անունը հայհոյելու համար չէ, նա սուրբ բանի համար է: Աստուծուն չպիտի կուռքերի սատիճանի ստորացնել—մարդս այստեղ օգնութիւն է խնդրում, որ իւր չար դիտաւորութիւններն ի կատար ածուին, որ նրա երկիւղածութիւնն ու սէրը ի չիք դառնան: Որքան մեծ է յանցանքը, որքան անգամ հայհոյիչն անցնում է արգարութեան սահմանից, այնքան էլ արգարացի կլինէր, որ Աստուած իւր անունը զեղծողին անպատիժ չթողնէր: Մի մոռանաք, որ Աստուած հատուցանէ իւրաքանչիւր ըստ գործս իւր»: Անէձք, հայհոյանք սերմանողը, անէձք, հայհոյանք էլ կհնձէ: Շատ օրինակներ կարելի է բերել՝ համոզելու հայհոյիչներին, որ իրանց ցանածն էլ հնձում են: Սաղադորդի միւր կաշիներ լուանալիս՝ սաստիկ անձրևի հանդիպելով՝ բարկացաւ, ձեռքը բարկացած երկինք բարձրացրեց՝ ասելով—«հէնց այն ժամակ պիտի անձրև թափես, երբ կարևորութիւն չկայ»: Դեռ նոր էր վերջացրել խօսքը, որ երկնքից կայծակ ընկաւ և հարուածեց հայհոյիչի երկինք բարձրացրած աջը: Ուրեմն մի հայհոյիր: Թ. ա. Հում. ժբ. 14. արգելում է՝ ասելով. «Օրհնեցէք զհալածիչս ձեր, օրհնեցէք եւ մի անիծանէք»: Օրհնութիւնը դեռ ոչ ոքի չէ վնասել, իսկ անէձք միշտ թշուառութիւն է բերել մարդու համար: Կարգալ I. թ. Պետր. գ. 9. «Մի չար փոխանակ չարի հատուցանել, կամ բամբասանս ընդ բամբասանաց, այլ զչարին հակառակն՝ օրհնել, զի յայս իսկ կոչեցարուք՝ զի զօրհնութիւնն ժառանգիցէք»: Մտթ. ե. 44. «Միրեցէք զթշնամիս ձեր, օրհնեցէք զանիծիչս ձեր, բարի արարէք ատելեաց ձերոց, եւ աղօթս արարէք ի վերայ այնոցիկ, որք լլկին զձեզ եւ հալածեն»:

Գարձեալ—Աստուծու անունը ի չարն ենք գործածում, զեղծում ենք, երբ *Արդոռոմ Անք*: Նրդումն, ուրիշ խօսքով, մի տեսակ հաստատութիւն է, որով մարդ Աստուծուն որպէս վկայ է կանչում յօգուտ ճշմարտութեան և ի վրէժ ստութեան: Սուտ երգմանը թիւ ու համար չկայ մեր ժամանակի մէջ. ուր որ էլ մտնէք, այս տգեղ վար-

մունքը ձեզ կհանդիպէ, նոյն իսկ այն անձինքը, որոնք ի պաշտօնէ կոչուած են քարոզ լինելու այդ թերութեան դէմ, ոչ թէ զերծ չեն այս յանցանքից, այլ վարակուած են նոյն ախտով: Սա ցաւալի երեւոյթ է, այսպէս չպիտի լինէր: Ամենայն ոք պիտի աշխատէ խորշել այս սովորութիւնից, որովհետեւ ով մի անգամ փորձեց ճաշակելու այս յանցանքը, հետութեամբ չի ազատուում նրա ճիրաններից: Մենք առաջ տեսանք, ով երդուում է, նշանակում է Աստուծուն վկայ է կանչում յօգուտ ճշմարտութեան և ի վրէժ ստութեան: Սուտ երգւողը խոստանում է ամենակարող Աստուծոյ ներկայութեամբ ճշմարտութիւն խօսելու և այսպէս ասած, ամենաբարձրեալի հետ մի տեսակ խաղ է խաղում: Նա պղծում է ոչ թէ միայն իւր շրթունքներն ու սիրտը, այլև անպատուում է Աստուծոյ՝ ամենաճշմարտին, ամենասրբին և ամենաարդարին: Միթէ Աստուած այսպիսիներին անպատիժ պիտի թողնէ: Նրբ իշխանութիւնը քեզնից երդումն է պահանջում, դու կարող ես արդար խղճով երգուիլ: Ճշմարիտ երդում ուտելը աստուածային պաշտօն *) կատարել է: Այսպէս էլ քահանայացուն հրապարակաւ եկեղեցու մէջ երդում է հաւատարիմ լինել եկեղեցուն: Այսպէս կաթողիկոսը երդում է եկեղեցուն, ազգին և իշխանութեան հաւատարիմ լինել: Այսպէս ամեն մի պաշտօն ընդունող երդում է ուտում (պարտաւորական երդումն): Այսպէս ամեն այր և կին սուրբ սեղանի առաջ պսակուելիս երդում են ցմահ հաւատարիմ լինել իրար (ամուսնական երդումն): Այսպէս զինուորը երդում է իւր արիւնը չխնայել հայրենիքին (դրօշակի երդում): Այսպէս երդում է վկան դատարանի առաջ այս կամ այն հարցի մասին ճշմարիտը խօսելու: Այս բոլոր դէպքերումն էլ հարցը նրանումն է, որ երգւողը լաւ պիտի յիշէ Ձաքարիա ք. 17. «Իւրաքանչիւր շար ընկերի իւրում մի՛ խորհիք ի սիրտս ձեր, եւ զերդումն սուտ մի՛ սիրէք, զի զայն ամենայն ատիցէ, ասէ տէր ամենակար: Մի՛ հաւատար այն բանին որ ասում է, թէ պէտք է ի նկատի առնել, որ բարեկամ կայ, թշնամի կայ, պատիւ և անպատուութիւն կայ, քո սեպհական օգուտը կարող է լինել—այստեղ ոչնչի մասին չպիտի մտածես, այստեղ մի բան կայ

*) Մեր նախնիքը հին ժամանակներումն այդպէս էլ հասկանում էին—երգմանցովիւնը եկեղեցական հանդիսով էր լինում: Գրա համար էլ դատարաններում կտեսնէք խաչ, աւետարան, փորուարք:

միայն—արդե՞ք քո վկայածը ճշմարտութիւն է, թէ ոչ. արդե՞ք քո վկայածի մասին խղճիդ և Աստուծու առաջ պատասխանատու լինել կարող ես, այս բաները լաւ պիտի մտածես, մտող բարձրացնելուց, շրթունքդ շարժելուց առաջ: Նիթէ հանգամանքն այնպէս լինի, որ սուտ երդումով մեծ շահ ունենաս և կամ վտանգից ազատուելու լինիս, այնուամենայնիւ աւելի լաւ է ամեն ինչ կորցնել՝ քան թէ սուտ խօսել: Սուտ երդումն երկար ժամանակ ծածուկ չի մնայ, նա մի օր կյայտնուի և իշխանութիւնը անպատիժ չի թողնի այդպիսիներին: Բայց այդ չէ բոլորը—լսենք Աստուծուն, լաւ ի միտ առնենք նրա խօսքերը, որ ասում է. «Զի ոչ սրբեսցէ տէր զայն՝ որ աւելուցու գանուն նորա ի վերայ սնտոտեաց»: Ի՞նչ անուն տալ սուտ երդման արարմունքին—մինին ազատում է իւր սուտ խօսքով, իսկ միւսին՝ իրան նոյն խօսքով դատապարտում է: Ի՞նչ օգուտ աններելի ճանապարհով երկրային բարիք շահելը, երբ դա հակառակ է Աստուծուն, որին մեր ամեն մի գործողութիւնը հանձնի պիտի լինէր. չէ՞ որ նա սրանով հեռանում է Աստուծուց, երջանկութիւնից և դատապարտութեան ենթարկում իրան: Այդպիսին կորցնում է իւր ներքին խաղաղութիւնը, տանից վերացնում է օրհնութիւնը, իսկ սրտից՝ հանգստութիւնը: Այդպիսին կայէնի նման «երերեալ եւ տատանեալ է երկրիս վրայ: Ամենազուարթ հասարակութիւնն էլ սարսափելի է նրա համար: Արգարագատ Աստուածը հետևում է նրան: Նւ երբ մահուան բուլն վրայ է հասնում, սուտ երդում ուտողն այլ ևս չի կարող ապրել: Բայց մեռնել ևս չի կարողանում և վերջապէս՝ երբ նա յաւիտենական դատաւորի առաջ կկանգնի...: Տղայք, ս՛վ ձեզանից կցանկաց ինքը լինել այն անձը: Ուրեմն զգուշացէք սուտ երդում ուտելուց: Դատաստանի առաջ ճշմարիտ երդումը թոյլատրած է, իսկ սովորական կեանքի մէջ երդման բոլոր տեսակներն էլ արգելուած է՝ լինի նա ուղիղ թէ սխալ: Սովորական կեանքի մէջ պատահած երդմանը կարելի է աւելորդ, անշահ երդում անուանել: Այս այն երդումն է որ 33 Յիսուս Մտթ. և. 33—37. արգելում է ասելով. «Դարձեալ լուարնէք, զի ասացաւ առաջնոցն մի՛ երգնուցուս սուտ... այլ եղիցի ձեր բան, այոն այո՛ւ. եւ ոչն՝ ոչ»: Ուրեմն կանոն չինիք քեզ ոչ սուտ և ոչ աւելորդ երգում ուտել: Գեղ արդարացնել չես կարող նրանով, թէ ես Աստուծոյ անունով չեմ երգւում, այլ երկնքով, գլխովս, արեւովս...: Ով շատ է երգւում, հաստատում է, որ ամենից շատ է սուտ խօսում. որ աշխարհն այլ

ևս չի հաւատում իրան, ուստի և նա ապաստան է որոնում երզման մէջ: Հնամարտութիւնը կարճ որոշումն է անում, իսկ ստախօսութիւնը ճոռումբաբան է: Ամենից լաւն այն է, որ մենք յարգենք մեր նախնեաց գեղեցիկ սովորութիւնը, թէ «խօսքը՝ խօսք է»^{*)}: Իսկ ամենից սիրունը և ամենից գեղեցիկը Քրիստոսն է ասել—այլ եղիցի ձեր բան՝ այոն այոն, եւ ոչն՝ ոչ, աւելին քան զայն ի չարէն է, այսինքն միշտ և յարաժամ խօսիք կարճ և ճշմարիտ—այսպէս է կամ այսպէս չէ: Ամենաբարձրը, որ քեզ իրաւունք է տուած, այդ այն է, որ քո այոն—այոն և ոչ—ոչ ոչ լինի, իսկ սրանից աւելին չարին է յատուկ: Եթէ դու չես լսի և Աստծու անունը երզումով կամ հայհոյելով ի չարը գործ կդնես, այն ժամանակ քեզ ևս վերաբերում է սպառնալիքը «զի ոչ սրբեսցէ տէր զայն՝ որ առնուցու զանուն նորա ի վերայ սնտեաց»: Թերևս հարցնէք, հապա ինչպէս է գնացել այն մարդկանց գործը, որոնք սուտ են երզուել: Շատ օրինակներ կարելի է բերել՝ հաստատելու, թէ ինչպէս Աստուած պատժել է այդպիսիներին: Ընդհանուր պատմութեան մէջ մի գեղեցիկ օրինակ կայ այդ մասին.— 1080 թ. հոկտ. 15. գերմանացոց Ռուդոլֆ Շվաբացին ապստամբուեց կայսր Հենրիկոս IV. -ի դէմ և պատերազմում իւր աջ ձեռից զրկուեց: Շրջապատողները ցաւակցութիւն էին յայտնում այս սնբազրութեան առթիւ, բայց Ռուդոլֆը լուռ ու մունջ նայում էր արեան կայլակներին. վերջապէս յոգւոց հանելով՝ ասաց. «Այս այն ձեռն է, որով երզուեցի կայսեր հաւատարիմ լինել»:

Երրորդ—Աստծու անունով *հմայոռութիւններ* չպիտի անել: Հմայել նշանակում է Աստծու անունով մարդկային կարողութիւնից բարձր բան անել և որ և է արարողութեան միջնորդութեամբ նոյն նպատակին հասնել, զորօրինակ ոմանք ջրով լի աման են դնում և ինչ որ խօսում են—սրանով որպէս թէ հեռացնում են չարը: Շատերը կկարծէին, որ մեր օրերում հմայութիւնը անհետացած պիտի լինէր, որովհետեւ ամենքն էլ գիտեն, որ դրանով չարիքը չի հեռացուի, որ դա թերահաւատութիւն է, սուտ է, խաբւբայութիւն է: Բայց աւարաբազարար իրողութիւն է—ուր հաւատը նուազում է,

^{*)} Եթէ մարդիկ այն լինէին, ինչ որ պէտք է լինէին, քրիստոնէին երզման կարեւորութիւն չէր լինի, նոյն իսկ դատաստանի առաջ: Հէնց զրա համար մի քանի կրօնական կուսակցութիւններ, զորօրինակ Քուէկրները, բացէ ի բաց մերժում են երզումը: Քրանք ընդունում են, որ երզումը ստախօսութիւնիցն է սկիզբն առնում և մարդուս պարզ խօսակցութեան մի տեսակ զեղծումն է:

այնտեղ զօրանում է սնտի ապաշտութիւնը, այնպէս որ 3,000 տարի անցնելուց յետո՞յ՝ մենք ևս Մովսիսի հետ կարող ենք ասել. «Եւ եթէ մտանիցես յերկիրն զոր տէր Աստուած տացէ քեզ, մի ուսանիցես առնել ըստ դարչելիաց ազգացն այնոցիկ: Մի գաւանիցի քեզ՝ որ ածիցէ զուսար իւր կամ զզուսար իւր զբոցով, եւ դիւթիցէ դիւթութիւն, եւ հմայիցէ, եւ հաւատարց լինիցի. եւ կախարդիցէ կախարդանօք, եւ վհուկ եւ նշանագէտ լինիցի առ ի զմեռեալս հարցանելոյ» (Մ. Մովս. ժը. 9. 12.): Այս պատուէրն այսօր ևս ի լուր բազմաց պիտի կրկնել, որովհետեւ շատերի հաւատը դէպի կենդանի Աստծու օգնութիւնը մեռած է. այդպիսիք իրանց օգնութիւնը ոչ թէ Աստծու մօտ են փնտռում, այլ թուղթ բաց անելով. ոչ թէ սուրբ գրքով, այլ՝ երազահաններով *:

Ա. «Մի գաւանիցէ քեզ՝ որ ածիցէ զուսար իւր կամ զզուսար իւր զբոցով»—այսպէս էին անում ժամանակով Ասորիքի բնակիչները և ամմոնացիք, որոնք Մորիս կոքին երկրպագում էին և որի համար պղնձէ արձան ունէին կանգնած—մայրերն իրանց մանուկներին նրա բազուկների մէջ էին դնում և այրում արձանի մէջ վառած կրակով: Ինք մեզնից հարիւր տարի առաջ վհուկներին կրակի մէջ էին ձգում: Այժմ թէ և այդ սոսկալի, վհուկահանգէսներն այլ ևս չեն կտտարում, բայց վհուկներ ի հաւատը մնում է:

Բ. Նոյնպէս չպիտի հաւատալ հմայողներին, թուղթ բաց անողներին: Սրանք թղթի մի կտորի վրայ գրում են որ և է հատուած սուրբ գրքից և սրանով հազար ու մի գուշակութիւններ են անում—որպէս թէ կորած իրեր են գտնում՝ որոշում են գտնուելու ժամանակը, տեղը: Եւ կան բազմաթիւ մարդիկ, որոնք հաւատում են այդ ստախօսների գուշակութեանը—սրանք այնպէս են հաւատում այդ ստախօսների ասածներին, ինչպէս մի հաւատացեալ աւետարանի խօսքին:

Գ. Այսօր ևս հաւատացողներ կան, թէ որոշեալ օրերում միայն

* Ցաւալի է մանուանդ, որ ոմանք Աստծու պաշտօնեայք ևս, որ ի պաշտօնէ կոչուած են մենամարտող լինել այդպիսի սնտիապաշտութիւնների դէմ, ընդհակառակն են գործում—ժողովրդի մէջ երապահանք են տարածում, օրացոյցների վերջը՝ որպէս սուրբ պարտականութիւն, երազահան էլ են աւելցնում և գիտէք ինչո՞ւ:—Որ ժողովրդի սխալ համոզմանը հակառակած չլինին և մի քանի հատ աւելի ծախուի:

կարելի է ցանկել, անկել, ճանապարհ գնալ, բժշկուել...: Կարծես թէ բոլոր օրերն էլ Աստծու ստեղծած չլինին: Այս կարգին են պատկանում այն նախապաշարմունքները, երբ քահանային տեսնում են, քարը շուռ են տալիս կամ ետ դառնում, որ անյաջողութեան չհանդիպին: Նոր լուսին տեսնելիս—ում երեսին էլ նայելու լինին, այն ամսուայ յաջողութիւնը կամ անյաջողութիւնը վերջինի բաղդիցն է կախուած:

Գ. Հաւատ չպիտի ընծայել թուչունների ձայնին որ իբրթէ՝ երբ հաւը աքաղաղի նման կանչէ, մարդ կմեռնէ: Բուր ձայնը անյաջողութեան նշան է: Մարդիկ նշանակութիւն են տալիս սկանջի ձայն տալուն, երակի խաղալուն.....:

Ե. Ոմանք էլ մեռելն երին են հարցնում, խօսում են նրանց հեց և որպէս թէ պատասխան ստանում: Ամօթ և նախատինք է մեր ժամանակին՝ հաւատալու այդ բաներին, ինչ որ Մովսէսը՝ դեռ 3,000 տարի առաջ արգելեց իսրայէլին որպէս վնասակար բան: Ով սիւս մարդարէն գանգատում է դ. 12. ասելով. «ի քու աշխարհացանէին» այսինքն քուէ(զառ)ներին էին հարցնում իրանց բաղդը: Հեթանոսական այս խաւար հետքերը երբէք չեն յարմարում մեր լուսաւոր ժամանակին: Բայց ամենից ցաւալին այն է, որ այդ խաբեբաները ոչ թէ միայն բարեպաշտի կերպարանքով են պատում մեր մէջ ու մեր գրպանը զատարկում, այլ՝ ցաւալին այն է, որ այդ բոլորն էլ Աստծու անունով է կատարում— Աստծու անունը իշարն են դործ դնում: Վայ նրանց, ովքեր իրանց յիմարութիւնով տեղիք են տալիս այսպիսի բաների: Նրկուսին էլ վերաբերում է պատուիրանի սպառնալիքը. «զի ոչ սրբեսցէ տէր զայն՝ որ առնուցու զանուն նորա ի վերայ սնտոեաց»: Եթէ դու նեղութեան մէջ ես, մի դիմիր գրբացներին կամ հմայողներին, այլ՝ Աստծուն, որովհետեւ նա ասում է. «Կարգացես առ իս յաւուր նեղութեան քու եւ ես վերկեցից զքեզ եւ դու փառաւոր արասցես զանուն իմ» (Սաղմ. խթ. 15.): Կարձեալ՝ «Չամենայն հոգս ձեր ընկեցէք ի նա, զի նա է որ հոգայ վասն ձեր» (Ի. թ. Պետր. ե. 7): Բեզ օգնողը գրբացը, հմայողը, կախարհողը, զուշակողը չէ, այլ՝ Աստուած:

Վերջապէս չորրորդ՝ Աստծու անունը չպիտի պատրուակ ընդունել և սրանով ամեն տեսակ *ստախոտութիւն և խարդախոտութիւն անկել*: Ստախոտներն ու խարդախները սովորաբար ճշմարտութեան վրայ էլ մի բան աւելի են դնում և կամ պակաս

սացնում: Ուր հարցը Աստծու անուն զործածութեան մասին է, այնտեղ ոչ աւելացնել է պէտք և ոչ պակասացնել. այնտեղ ամեն ինչ այնպէս պիտի մնայ և լինի, ինչպէս և իր օք է—ինչ որ ճշմարտութիւնն է: Կան մարդիկ, որոնք բերնից Աստծու անուն յիշելը չի կտրուում, բայց միևնոյն ժամանակ նոյն բերանով զրպարտում են ուրիշին ևս—այդպիսեաց խօսքը բարեպաշտ գոյն ունի, բայց գործը՝ վատ—ասան գործա են Աստծու անուն պատրուակով սուտ խօսող ու խարդախողները: Կուք մի պատկանէք նրանց, որոնց մասին գիրն ասում է. «Թողովուրդս այս շրթամբ պատուէ զիս եւ սիրտ իւրեանց հեռացեալ մեկուսի է յինէն» (Մտթ. ժէ. 8): Այս դասակարգին են պատկանում և այն մարդիկ, որոնք ամեն մի խօսակցութեան ժամանակ շարունակ սուրբ գրքից օրինակներ են բերում՝ բայց աւելի սրախօսութեան, ծաղրածութեան համար: Վերջապէս այս կարգիցն են և այն անհատները, որոնք Աստծու անունով են վարագուրում իրանց շարութիւնները և իրանց ագահութիւնը, որկրամուրթիւնը, սիրուց զուրկ լինելը... սուրբ գրքի վկայութիւններով են արդարացնում: «Չգոյշ լերուք ի սուտ մարգարէիցն, որ զան առ ձեզ հանդերձիւք ոչխարաց (այսինքն նրանց արտաքին բարեպաշտութիւնից շատ հեշտ կարելի է խաբուել) եւ ի ներքոյ են զայլք յափշտակողք» (Մտթ. է. 15): Հարցն այստեղ արտաքին այն կեղծ վարմունքների մասին է, որոնք ընդունակ են ներքին տգեղութիւնները վարագուրելու: Սուտ խօսելը, խարդախելն ինքն ըստ ինքեան տգեղ բան է, բայց աւելի տգեղ է, երբ Աստծու անունը զիմակ են ընդունում իրանց տգեղութեան համար և կրօնը՝ մարդկային սրտի ամենասուրբ զգացումն, այդպէս անարգում են: Արհամարհուած մաքսաւորին գթաց Յիսուս, իսկ կեղծաւոր, մեծամիտ փարիսեցիներին՝ «վայ ասաց (Մտթ. իգ.): Ոչ ամենայն որ ասէ ցիս՝ տէր, տէր, մացէ յարքայութիւն երկնից, այլ որ առնէ զկամս Աստուծոյ որ յերկինս է» (Մտթ. է. 21): «Նրանի՛ այնոցիկ՝ որ սուրբ են սրտիւք» (Մտթ. ե. 4): Նրանց պտղիցը պիտի ճանաչել իրանց:

Յարգ խօսեցիք այն հանգամանքների մասին, թէ երբ Աստծու անունը չպիտի գործ ածենք: Անցնենք պատուիրանի միւս երեսը և համառօտակի տեսնենք, թէ ո՞ւր պէտք է ճշմարիտ կերպով յիշենք նրա անունը: Պատուիրանի այս կողմը անհրաժեշտ է գիտենալ ոչ թէ նրանց, որոնք Աստծու անունը աւելորդ տեղը յիշում են և ի չարը գործ դնում, այլ նրանց համար, որոնք նրան չեն ճանաչում,

և մտքերովը չի էլ անցնում Աստծու վրայ մտածել և սուրբ առնել նրա անունը:

Մեր հարցի պատասխանը երբակի է—Աստծու անունը գործ դիր նախ՝ մխիթարութեան համար, երկրորդ՝ աղօթելիս և երրորդ՝ գոհանալիս:

Մենք ամենից առաջ Աստծու անունը մխիթարութեան համար պիտի գործ դնենք և դրանով էլ վաստակեալ և բեռնաւոր սրտերը բժշկենք: Եթէ մահը խլելու լինի մեզնից մեր ծնողներին, եթէ կեանքի փոթորիկները ընտանիքի խաղաղութիւնը խռովեն և կամ երբ մարդս հալածանքի ենթարկուի մարդկային կրքի ձեռից և յուսահատութեան մէջ ինչ անելը չգիտենայ... այն ժամանակ Աստծու անունը, որպէս առաջնորդ, որպէս դեպքան նրա շնորհաց, կընդառաջէ. «Յայտնեա՛ առաջի տեսուն զճանապարհս քո եւ յուսա ի նա» (Սաղմ. 14. դ.): Եթէ յանցանքը երկիւղ է ազդում ընկերիդ, եթէ յանցանքների գիտակցութիւնը նրան մինչև գետին խոնարհեցրել է, այն ժամանակ ցոյց տուր նրան երկնային մխիթարութիւնը և մատնանիչ եղիր աստուածային անվերջ զթասարութեան վրայ, որ ոչ ոքի կորուստը չէ ցանկանում, այլ ամենին էլ յաւիտեանական կեանք—«Ար ոչ կամիս գմահ մեղաւորին, այլ զգառնալ նորա ի չար ճանապարհէն»: Ուր որ մխիթարութեան կարօտ սիրտ տեսես, այնտեղ աստուածային խօսքի մխիթարութիւնը մի մոռացիր, միայն զգուշացիր, որ խօսքերը կեղծ չլինին, կեղծաւորութեան դիմակով վարագուրուած չլինին: Աշխատիր Աստծու անունը իրաւացի կերպով գործ դնելու՝ իբրև ճշմարտութիւն՝ բեռնաւորին և վաստակեալին մխիթարելու:

Աստծու անունը ճիշտ գործածած կլինիս, երբ դու քո միայնութեան ժամերին, քո սուրբ րոպէներում, քո երկնաւոր հօրը աղօթքով մերձենաս: Ինչ որ շունչը մարմնի համար է, նոյնն է աղօթքը հոգւոյ համար: Ինչպէս մարմինը մեռնում է, երբ կեանքը հեռանում է նրանից, այսպէս և կրօնը իւր վախճանին է մերձենում, երբ հոգին աղօթքով առ Աստուած չէ դիմում: Ուրեմն աղօթիւր ոչ թէ կարեաց ժամերում, երբ վտանգն ու հիւանդութիւնը, յուսահատութիւնն ու կեանքի հարուածները հոգին ճնշում և մահ են սպառնում, աղօթիւր այլև ուրախութեան ժամերում և խնդրիւր Աստծուն, որ նա քեզ դէպի ուղիղ ճանապարհն առաջնորդէ, ըստ իւր կամաց ղեկավարէ: Աղօթիւր նրան խաղաղ հիւղիւր մէջ միայնակ և ժողովրդի հետ եկեղեցում. աղօթիւր նրան կուգես լուռ, կուգես լսելի ձայնով, խօս-

քով կամ արտասուքով—նա քո խորհուրդները հեռուից էլ կհասկանայ: Եթէ կամենում ես, որ քո աղօթքը ճշմարիտ լինի, աղօթիւր կարճ, բայց ի սրտէ: Աւելի լաւ է քիչ խօսք, շատ սիրտ՝ քան թէ շատ խօսք և քիչ սիրտ:

Վերջապէս երրորդ՝ Աստծու անունը ուղիղ գործածած կլինիս, եթէ անկեղծ սրտով շնորհակալութիւն անես այն բոլորի համար, ինչ որ քեզ տուել է, եթէ փառաբանես նրա անունը՝ նրա տուած բարիքների համար: Երբ մարդս Աստծու օրհնութիւնով և բարութիւնով լցուած է, բնական է Աստծուն շնորհակալութիւն մատուցանելը: Եւ երբ նրա զթառատ սէրը կարիքից ազատել է քեզ, այն ժամանակ քո շրթունքները պատրաստ են փառաբանելու նրան: Ծանր կթուայ մեզ գոհանալ Աստուածանից, երբ նա հանդիպում է մեզ ոչ թէ «հեզ», այլ «վայ» կոչուած գաւազանով: Եթէ դու քո որդւոյ գերեզմանի ափին կանգնես, Յովբի հետ հանդիստ սրտով պիտի կոչես. «տէր ես եւ տէր էսաւ, եղիցի անուն տեսուն օրհնեալ (Յովբ. ա. 21): Եթէ կեանքի փոթորիկները յափշտակեն քեզնից սրտիդ սիրածը, այն ժամանակ լի վստահութեամբ Յիսուսի նման պիտի կոչես. «Բայց ոչ իմ կամք, այլ քոյդ լիցին»: Կգայ ժամանակ, երբ դու կհամոզուես, որ Աստուած այն ժամանակն էլ լաւութիւն է անում քեզ, երբ դու կարծում էիր թէ նա ցաւ է պատճառում:

Ահա այսպէս գործ դիր Աստծու անունը: Աստծուն յարգիր ոչ թէ միայն քո սրտով, այլև քո շրթունքներով: Յարգիր նրան ոչ թէ միայն բարեպաշտ մտածողութիւնով, այլև սուրբ խօսքով և աստուածահաճոյ արտայայտութեամբ:

Չ Ո Ր Ր Ո Ր Գ Պ Ա Տ Ո Ւ Ի Ի Ա Ն

«Յիշեսչիր զօրն շաքաթուց սրբել զնս»:

Առաջին և երկրորդ պատուիրանների մէջ Աստուած մաքուր սիրտ էր պահանջում, իսկ երրորդում՝ մաքուր բերան: Առաջիկայ պատուիրանում Աստուած պահանջում է, որ գործով ցոյց տանք մեր պարտաւորութիւնը՝ սրբելով այն օրը, որ նա մարդոց փրկութեան համար է սահմանել:

Շաբաթ օրը սուրբ պահելը նորութիւն չէր խարայէլացւոց հա-

մար, այդ օրը սրբելու օրէնքը՝ ըստ սուրբ գրքի, սկիզբն է առնում հէնց սահգծադործութեան օրից (I. Մովս. բ. 2. 3):

Այս պատուիրանը ևս տասն պատուիրանների նման առաջին անգամ իսրայէլացւոց ազգին է տրուել: Ինչպէս միւս պատուիրանները, այսպէս և սա՛ ըրիստոնէութեան միջնորդութեամբ համայն մարդկութեան սեպհականութիւն դարձաւ—Քրիստոս այդ պատուիրաններին ներչնէց այն ազատ ոգին, որ անյայտ էր հրէութեանը:

Հրէից շաբաթը կայանում էր նրա մէջ, որ մարդիկ չպիտի աշխատէին: Աշխատանքի արգելքն այն աստիճանի չափազանցութեան էր հասնում, որ ոչ մի հրէայ չէր վստահանում կրակ վառել և կերակուր պատրաստել (II. Մովս. Ժգ. 23 և 29, Մաթ. Ժբ. 2 և 10): Մինչև անգամ որոշած էր թէ այդ օրը քանի քայլ կարելի է անել— իրաւունք չկար 2,000 քայլից (ճանապարհ շաբաթու—Պործք. առք. ա. 12) աւելի գնալ: Պատուիրանազանցը երնթարկուում էր ամենախիստ պատժի—այդպիսին քաբկոծուում էր (II. Մովս. լա. 14. 15. IV. Մովս Ժէ. 32...): Հրէից մէջ շաբաթը հանգստեան օր էր և՛ բանաւոր և՛ անբան էակների համար, ուստի և մի՛ գործիցես ի նմա զամենայն գործս քո դու և և ուստր քո, և և դուստր քո, ծառայ քո և և աղախին քո, և զն քո և և էջ քո և և ամենայն անասուն քո»: Շաբաթուան հանգիստը վայելում էին ոչ թէ բանաւոր և անբան էակները, այլև անշունչ առարկաները—գաշտերը, մարգերը, այգիք... ևս բաժին ունէին շաբաթուայ հանգստեան օրհնութիւնից, ուստի և եօթը տարին մի անգամ տօնում էին, այսինքն ևօթներորդ տարին ոչ ցանում և ոչ հնձում էին: Ինչ որ առանց մշակութեան բանէր, պատկանում էր աղքատներին և կենդանեաց. ոչ մի արօրի խօփ չպիտի շօշափէր երկիրը (III. Մովս. իե. 1—7): Այսպէս՝ հանգիստը տարածուում էր ամբողջ բնութեան վրայ:

Շաբաթ օրը հանգիստ առնելու պատուիրանը այն աստիճանի բծախնդրութեան էր հասցրած, որ նոյն օրը բարի գործ կատարելու իրաւունք չկար, զրա համար ևս Յիսուս մի այսպիսի անմիտ ըմբռնողութեան դէմ զինուեց և այն մեծ գաղափարը յայտնեց, թէ չարաթի վասն մարդոյ եղեւ, և և ոչ եթէ մարդ վասն շաբաթու (Մրկ. բ. 27):

Շաբաթը թէև փոխուած է կիրակէի, բայց ըրիստոնէական կիրակէն այլ նշանակութիւն ունի՝ քան թէ հրէական շաբաթը և չիչեսջիւր գօրն շաբաթուցն դառել է չիչես սրբել գօր շաբաթուց:

Այս կերպարանափոխութիւնը կայանում է ոչ թէ նրա մէջ, որ մենք փոխանակ շաբաթուայ վերջին օրը, առաջին օրը՝ կիրակէն ենք տօնում (կիրակէ, որովհետև Քրիստոս այդ օրը յարութիւն առաւ և Հոգին սուրբ նոյն օրը իւր շնորհը առաքեալների վրայ թափեց): Այս փոփոխութեան հիմունքը գուցէ նրա մէջ է կայանում, որ մենք տօնի նպատակը անգործ մնալու մէջ չենք որոնում, այլ հոգեկան կազմուման՝ այնպէս որ կիրակէն ուրիշ խօսքով կարող ենք մեր հոգեկան ոյժերի կազմուման (յարութեան) օր անուանել:

Տօն խօսքը կրկին նշանակութիւն ունի—նախ՝ տօն նշանակում է հանգստեան օր, և երկրորդ՝ նոյն օրը միւս օրերից որոշում ենք: Այսպէս ուրեմն ըրիստոնէական կիրակէն նախ՝ հանգստեան և ապա՝ տօն, ուրախութեան օր է:

1. *Կիրակէն հունգարտեան* օր է—Հանգստեան կարիք ունին բոլոր արարածները. երկիրն անգամ ձմեռ ժամանակ պիտի հանգստանայ, որպէսզի կազդուրուելով՝ նոր ոյժեր հաւաքէ դալոց գարնան համար: Հանգստեան կարիք ունի նաև մարդս: Արդեօք մարդուս կոչումը միայն զբոսաբերեսաց քոց կերիցես զհացի՝ մէջ չէ կայանում:—Ա՛յ, ո՛չ. շաբաթին վերաբերեալ պատուիրանի մէջ Աստծու սէրը չմոռանանք—նա աշխատանայ և քրտնքի օրուան մօտ շաբաթ է գրել, որպէսզի մարդս այդ օրը հանգիստ առնէ վեց օր աշխատելուց յետոյ: Այն աջը, որ վեց օր արօրի մաձն է բռնել կամ կոշտ կացնի կոթը և կամ թեթև գրիչը, պիտի հանգստանայ: Հանգստեան կարիք ունին հաւասարապէս և՛ շինականը, և՛ քաղաքացին, և՛ արհեստաւորը, և՛ գիտնականը: Շաբաթ օրը հանգիստ պիտի առնէ և դադրած ձեռը և՛ յօգնած գլուխը, ինչպէս վաստակեալ ուրը, նոյնպէս և վաստակեալ միտքը: Պէտք է հանգստանան թէ ուսուցիչը և թէ աշակերտը, թէ տէրը և թէ ծառան ու աղախինը, նոյն իսկ կենդանին, որ տքնել է վեց օր շարունակ: Առանց շաբաթի կեանքը ստրկի աշխատանք կլինէր և մարդս ինքը իւր դահիճը, բռնաւորը: Ինչպէս մարդս կարիք ունի քնի և կերակրի՝ այսպէս և շաբաթի: Շաբաթը տօնելը՝ բնութիւնից հաստատուած մի տեսակ օրէնք է: Դրա համար ևս բոլոր օրէնստուները (նոյն իսկ նոքա, որոնք միաստուածութեան հակառակ էին, զորօրինակ Ֆրանսիացիք՝ յեղափոխութեան ժամանակ Աստուած չընդունեցին) մի օր են նշանակել հանգստանալու, կազդուրուելու համար: Եթէ կիրակէն հանգստեան օր լինելուց զատ ուրիշ արժէք չունենար, այնուամենայնիւ

այդքանը ևս բաւական է բարձր գնահատելու նրա բարեբար արդե-
ցութիւնը: Ո՛րքան քաղցրութիւն է զգում մշակը, երբ վեց օր քրբրտ-
նաթոր աշխատելուց ետոյ՝ եօթներորդ օրը հանգիստ է առնում:
Ի՞նչ գեղեցիկ է, երբ հայրը վեց օր օտարի աշխատանքին նուիրուե-
լուց յետոյ՝ մի օր էլ իւր որդւոցն է նուիրում իրան և ընտանեկան
յարկի ներքոյ իւրայինների հետ ուրախանում: Ի՞նչ սիրուն է, երբ
վեց օրուայ փոշոտ և կեղտոտ շորերը փոխում ես ու տօնին վայել
մաքուր շոր ևս հագնում: Մթթէ գեղեցիկ չէ, երբ ընտանիքի բոլոր
անդամները շաքաթուայ մէջ մի օր միասին են ուտում, խօսում և
զբօսնում, վայելում բնութեան գեղեցկութիւնը, ծանօթներին այցե-
լութեան գնում...: Ո՛րպիսի մեծ անարգարութիւն կլինէր, եթէ մա-
մոնայի ծարաւ հարուստները ժողովրդից խլէին հանգստութեան այդ
միակ օրը և ստիպմամբ աշխատեցնել տային: Ի՞նչ կլինէր մարդս
առանց կիւրակէի, որ մի մարգարիտ է օրերի մէջ:

Ոչ թէ միայն մարմինը պիտի հանգիստ առնէ, այլև հոգին
ի տէր պիտի հանգիստ առնեն՝ հեռի ամեն տեսակ հոգսերից և
զբաղմունքներից: Այս ձևով ուրեմն կիւրակէն միայն հանգստեան
օր չէ: Ամեն մի ծաղիկ պիտի ջրել, եթէ չենք կամենում մեզ ու-
ժասպառ անել և մահու դատապարտել: Կիւրակէ օրը նոր շորեր
հագնել և մաքուր շտապիկ ունենալը լաւ սովորութիւն է, բայց աւե-
լի գեղեցիկ կլինէր, եթէ մեր միտքն էլ նորոգէինք նոր խղճով, նոր
սիրով, նոր հաւատարմութեամբ և նոր սրտով սկսէինք միւս շաքա-
թաթուայ գործը: Այս ձևի կիւրակէն հանգստեան օր դառնալուց զատ՝
օր հնութեան օր էլ է դառնում մեր փրկութեան համար—ըստ
այսմ՝ ով կիւրակէն սրբում է, սուրբ է առնում, սրբում է իրան:
Այսպէս ուրեմն անցնենք կիւրակէի միւս նշանակութեանը:

2. *Կիւրակէն առն օր է:*—Այդ այն օրն է, երբ մարդս առ ժամ
մոռանալով աշխարհայինը, մտօք վերանում է առ Աստուած: Կիւրա-
կէն պէտք է սուրբ առնել, այսինքն նրան որոշել միւս սովորա-
կան օրերից և մի բարձր նպատակի համար յատկացնել: Այս պահան-
ջը ի կատար ածելու համար՝ երեք պայման է հարկաւոր—սուրբ սիրտ,
սուրբ խօսք և սուրբ գործ: Բացի դրանից մարդիկ աշխարհային հոգ-
որն ու աշխատանքը պէտք է դէն ձգեն այդ ժամում և մտօք ու
սրտով առ Աստուած վերանան, որ ոգի է և խաղաղութիւն: Այս
բանն ամեն ուրեք կարելի է կատարի՝ ինչպէս դուրսը՝ բնութեան
մէջ, այնպէս էլ ներսը՝ ընտանեկան խրճիթում. բայց ոչ մի տեղ

այնպէս սրտեռանդ չէ, ինչպէս եկեղեցում, ուր բաղմութիւնը գեղե-
ցիկ շարականների, մեղեդու և դպիրների երգեցողութեան տպաւո-
րութեան ներքոյ և՛ս աւելի ջերմեռանդ է աղօթում, աւելի մօտե-
նում Աստուծոն, որպէսզի նա էլ մեզ մօտենայ («Մերձեցարուք առ
Աստուած, և մերձեցի առ ձեզ» թ. Յակ. դ. 8): Նրանի նրան, ով
սաղմոսերգուի հետ կարող է ասել. «Տէր սիրեցի զվայելչութիւն տան
քս եւ զտեղի յարկի փառաց քոց» (Սաղմ. իե. 8), «Չմի խնդրեցի
ի տեառնէ եւ զսոյն աղաչեմ, բնակիլ ինձ ի տան տեառն զամե-
նայն աւուրս կենաց իմոց: Տեսանել ինձ զվայելչութիւն տեառն, եւ
հրաման տալ ի տաճարի նորա (Սաղմ. իզ. 4): Արդե՞ք լսեցիք
սաղմոսերգուի խնդիրը:—Մի բան: Ի՞նչ է այդ մի բանը, ի՞նչ է
նրա խնդիրը: Արդե՞ք հարստութիւն:—Ո՛չ: Փնօք և պա-
տիւ:—Ո՛չ: Առողջութիւն, երկամբ կեանք:—Ո՛չ: Նրա խնդիրը մի
բան է: Ո՛հ, երանի բարեպաշտ սաղմոսերգուի խնդիրը մուտք գոր-
ծէր և պարզ ձևով հնչէր մեր ժամանակում ես, որ անթիւ ցանկու-
թիւններ և անհամար ձգտումներ ունի, որ ոչ հանգիստ և ոչ դա-
դար ունի: Նրանի նա պարզ և բարձր հնչէր այլև մեր սեպհական
սրտերում, որ բաղմութիւ ցանկութիւնների մէջ այս միակը մոռ-
նում է և երբեմն այս, երբեմն այն կողմն է կաղում—մերթ չափիցն
անց յոյս, մերթ երկիւղ ունի: Նրանի նա պարզ և մէկին հնչէր մեր
ընտանիքում ևս, ուր մարդիկ սովորութիւն են արել ներելու իրանց,
որ եկեղեցի չեն կարողանում յաճախել: Մինն ասում է, ժամանակ
չունիմ, պիտի աշխատեմ. միւսը նրանով է արդարանում, որ վատ
եղանակ էր՝ այն ինչ ուրիշ բաւականութեան համար նոյն եղանակը
մինչև անգամ շատ լաւ էր: Նրբորդն ասում է, որ լաւ շորեր չունիմ,
կարծես Աստուած շորերին է նայում, նա մոռանում է, որ Աստուած
սիրտն է պահանջում: Չորրորդը նրանով է արդարացնում իրան,
որ եկեղեցում լսածը տանն էլ կարող է լսել: Այո, կարող է, բայց
արդե՞ք անում են: Հինգերորդն ասում է, որ բնութեան մէջ աւելի
գեղեցիկ է—բայց այդ ճիշտ է արդե՞ք. արդե՞ք բնութիւնը մատնա-
նիչ է անում մեզ՝ մեր սխալանքը. արդե՞ք նա ասում է մեզ՝ թէ
կայ փրկութիւն, կայ շնորհ: Վեցերորդը վերջապէս ասում է—ոչ ամեն
եկեղեցի յաճախող բարի քրիստոնեայ է: Բայց միթէ այս էլ ճշմարիտ
չէ, որ ամենայն մի բարի քրիստոնեայ եկեղեցի է գնում:—Ո՛չ, ո՛չ,
և դարձեալ ո՛չ, ո՛վ այսպիսի ձևերով է արդարացնում իրան, ապա-
ցուցանում է, որ իւր հոգին ոչնչի կարիք չունի, որ նա Սաղմոսեր-

գուր հետ չի կարող ասել զմի խնդրեցի ի տեսունէ...: Հնուց ասուած խօսք է, թէ եկեղեցու և դպրոցի մօտով ամենակարճ ճանապարհը բանտն է գնում: Ուրեմն Աստծու խօսքը մի մոռանար և եկեղեցի յաճախիր: Թէև դու դեռ փոքր ես, թէև ասած էլ է, թէ ջահէլու-թիւնը առաքինութիւն չունի, բայց մի մոռանար միւս կողմից յիշելու 12 ամեայ Յիսուսին և սովորիր նրանից, որ ջահէլներն էլ կարող են առաքինի լինել և պէտք է լինին: Յիսուս տաճարում իրան այնպէս էր զգում, ինչպէս և հայրենի տանը (Ղուկ. բ. 4): Ուրեմն գնահ և դու էլ նրա նման վարուիր:

Կիւրակէն ոչ թէ միայն հանգստեան և տօն օր պիտի լինի, այլև
 3. *Կիւրակէն ռորայտութեան օր է:*—Սա այն օրն է, երբ Յիսուս յարութիւն առաւ: Կիւրակէն մեզ համար հոգեպէս յարութիւն առնելու օր պիտի լինի. նա պէտք է մեր փրկութեան գործին ծառայէ. այդ օրը մենք ևս պիտի յարութիւն առնենք մեր աշխարհային հոգսերից և վշտերից ու փոքր ինչ Աստծուն հաճելի կեանք վարենք: Կիւրակուայ պատճառած ուրախութեան և արբեցութեան տուած զուարճութեանց մէջ մեծ տարբերութիւն կայ: Պարզ մաքուր զուարճութիւնքը, որ պիտիք են բնութեան գեղեցկութեամբ հրճուել, ընտանիքի և իւրայինների հետ ուրախանալ, բարոյական անձանց հետ հարգակցել... ահա սոքա են այն ուրախութիւնները, որոնցով մենք կիւրակէն պիտի սուրբ առնենք և մտօք գէպի ուրախութեան Աստուածը վերանանք: Ամբողջ կիւրակէն այսպիսի ուրախութեանց պիտի նուիրենք և ոչ թէ միայն եկեղեցում եղած ժամանակը: Ով առաւօտեան վաղ եկեղեցի է գնում Աստծու խօսքը լսում, իսկ ճաշից յետոյ այն է անում, ինչ որ Աստծու խօսքն արգելում է. ով կիւրակէ օրերը եկեղեցում գեղեցիկ երգերին, ժամասացութեան ձայնակցում է, իսկ երեկոյեան դէմ փողոցներում և անվայել տեղերում տգեղ պարունակութեամբ երգեր է երգում. ով կիւրակէ առաւօտեան հրեշտակի կերպարանք առած աղօթող ժողովրդի մէջն է կանդնում, իսկ երեկոյեան հարբած՝ անարգ մարդոց հասարակութեան հետ է ընկերանում. ով առաւօտեան իւր մաքուր շորերն է հագնում, իսկ երեկոյեան նոյն հանդերձը մեղաց մէջ է շաղախում. ով առաւօտեան պատուաւոր ձևով հեռանում է տանից և եկեղեցի գնում, իսկ երեկոյեան ոտներն աջ ու ձախ չափելով՝ երկխաների ծաղր դարձած՝ տուն է դառնում. ով եկեղեցում աղօթում է, իսկ եկեղեցուց դուրս հայհոյում է, այդպիսիք չեն յիշում՝ շարաթը՝ չեն «սրբում» նրան,

այդպիսիները համար կիւրակէն ուրախութեան օր չէ, Աստծու օր չէ, այլ մեղաց օր, յանցանաց օր, արբեցութեան օր, թափառելու օր, պարի օր...: Կիւրակէն սուրբ առնելու համար պէտք են սուրբ բաներ, Աստծուն հաճելի գործեր, սուրբ խօսք, սուրբ սիրտ: Ով այսպէս է անում, նշանակում է նա ճիշտ, արդարացի է յիշել՝ շարաթ օրը, այդպիսին ուղիղ ձևով էլ կընդունէ տօնը և կվայելէ նրա պատճառած ուրախութիւնը: Այդպիսին կնշանակէ հետևում է առաքեալի տուած պատուէրին, որ ասում է. «Եւ գոհացողք լինիջիք, զի բանն Քրիստոսի բնակեցաւ ի ձեզ առատապէս, ամենայն իմաստութեամբ ուսուցանել եւ խրատել զմիմեանս, սաղմոսիւք եւ օրհնութեամբ, եւ երգօք հոգևորօք՝ եւ շնորհօք օրհնել ի սիրտս ձեր զԱստուած» (Թ. ա. Կղս. գ. 16): Այդպիսի անձն ոչ թէ միայն կիւրակէ օրը եկեղեցի կյաճախէ Աստծու խօսքը լսելու, այլ տանը ևս նոյն սիրով կլսէ գեղեցիկ պատմութիւններ, իմաստալից գրուածներ ընթերցուածներ՝ մանաւանդ սուրբ գրքի հատուածները: Մեր նախնիքն այսպէս են վարուել և դեռ ցօրս Հայաստանի շատ տեղերում, ուր նահապետական կեանքը գերիշխող է, նոյնն է: Հնումն՝ երբ մի քրիստոնեայ զիւղով անցնէիր, կլսէիր շատ տներից սաղմոսի երգեցողութիւն և սուրբ գրոց ընթերցուածք: Երէց որդին կարդում էր մի գլուխ Աստուածաշնչից, իսկ տան նահապետը քահանայական պաշտօն էր վարում: Այս վարմունքը օգտից աւելի ոչինչ չէ բերել: Այսպէս ևս դուք պիտի կատարէք ձեր կիւրակէն: Ամենկին կարիք չկայ, որ դու ձեռնակ բարեպաշտութիւն ընդունես, աչքերդ ոլորես և կեղծաւորաբար հայեացքդ վեր ուղղես: Քրիստոնէութիւնն այդպիսի ձեռնադրութիւններ չի սիրում, այդպիսի վարմունք չեն համապատասխանում նրա ոգուն: Վրա համար ևս կարիք չկայ ամբողջ օրն աղօթել և ընթերցանութեամբ անցկացնել և կամ տխուր կերպարանք ընդունելով՝ խրճթի մի անկիւնում առանձնանալ: Վրանք հարկաւոր չեն, մի բան միայն կարևոր է—ուր էլ լինիս, ուր էլ քո կիւրակէն կատարես, ամեն ուրիք ամբողջ օրը թող քո ներքինը սուրբ մտածողութիւնով պարապած լինի և այսպէս դու շարաթը սրբած կլինիս ի փրկութիւն քո և ի փառս Աստծու: «Լինիջիք առնելիք բանին, եւ մի լսելիք միայն համարիջիք գանձինս» (Թ. Յակ. ա. 22): Կիւրակէ օրը սիրոյ գործեր կատարիր, մխիթարիր սզաւորներին, այցելիր հիւանդներին, ինչպէս Քրիստոսն էր անում (Մտթ. ժբ. 1—15) և կամ ինչպէս թ. առքելոյն. Յակովբու. ա.

28-ում պահանջում է—Արօնաւորութիւն (աղօթի) սուրբ եւ անարատ առ ի յԱստուծոյ եւ ի հօրէ այս է. այցելու լինել որոց եւ այրեաց ի նեղութեան իւրեաց, անարատ պահել զանձն յաշխարհէ»: Անս սրանք են մաքուր եւ սուրբ կոչուած ուրախութիւնները, որոնք մեզ ոչ կձանձրացնեն եւ ոչ էլ կզղջանք դրանց վրայ, այլ ընդհակառակն միշտ եւ միշտ նոր սիրով կլցուինք:

Ով կիւրակէն այսպիսի սուրբ խօսքով, սուրբ գործով, սուրբ սրտով է կատարել՝ նրանից հեռու չէ կիւրակէի օրհնութիւնը:

Հ Ի Ն Պ Ե Ր Ո Ր Կ Պ Ը Տ Ո Ւ Ի Ր Ա Ն

«Պատուեա՛ զհայր քո եւ
զմայր քո զի քեզ բարի լիցի, եւ
զի նրկայնակեաց լինիցիս ի
«վերայ երկրին բարութեան»:

Հինգերորդ պատուիրանը յենում է նախկինների վրայ, որովհետեւ յիշեցնել է տալիս մեզ մեր պարտաւորութիւնները դէպի այն անձինքը, որոնք Աստուծու փոխանորդներն են երկրիս վրայ: Ծնողաց վրայ Աստուծո՛ւ ոչ միայն պարտաւորութիւն է գրել որդւոց կերակրելու, հոգալու նոցա կարիքները եւ դաստիարակելու, այլև իրաւունք է սուել որդւոց պատժել թէ խօսքով եւ թէ գործով, որպէսզի որդւոցը որդիք Աստուծոյ դարձնեն: Ինչպէս որ առաջին պատուիրանը ամենից դժուարը եւ ամենից մեծն է, այսպէս եւ հինգերորդը ամենից բնականն է եւ մի որոշ մտքով ամենից գեղեցիկը: Միթէ բնական չէ սիրել նրանց, որոնք մեզ նախ են սիրել, որոնք մեզ իրանց բազուկների վրայ են տարել եւ յաճախ իրանց անձը վտանգի ենթարկելով՝ հսկել եւ պահպանել են մեզ:

Հինգերորդ պատուիրանն ասում է. «Պատուեա զհայր քո եւ զմայր»—ուրեմն ոչ թէ միայն հօրը, ոչ թէ միայն մօրը, այլ՝ երկուսին միասին: Աստուծո՛ւ այս պատուիրանը տալիս է մի այնպիսի ժամանակում՝ երբ, ըստ սովորութեան կամ օրինաց, յարգում էին միայն հօրը, իսկ մօրը՝ արհամարհում: Աստուծո՛ւ հօրն ու մօրը միասին յիշելով՝ կամենում է, որ նրանք երկուսն էլ որդւոց կողմից հաւասար յարգանքի արժանանան: Հէնց դրա համար էլ ասում է Սողոմոնը իւր առակների (ա. 8) մէջ. «Աւր, որդեակ, խրատու հօրքոյ, եւ մի՛ մերժեր զօրէնս մօր քո»: Սիրաք է. 29. «Յամենայն սըր-

տէ քումմէ փառաւորեա՛ս զհայր քո, եւ զմօր երկունս մի՛ մոռանար»:

Ինչո՞ւ համար որդիք պիտի յարգեն իրանց ծնողներին:—Որովհետեւ Աստուծոց հոգ ծնողներն են որդւոց կեանք շնորհել. նրանք են հոգում վերջինների կերակուրը, դաստիարակութիւնը. որդւոց վիշտն ու ուրախութիւնը նրանց էլ է. հիւանդ որդւոց անկողնի մօտ ծնողներն են նստում. նրանք են հսկում, հոգում որդւոց ուրախութիւնները...: Որդւոց երջանկութիւնը ծնողների ուրախութիւնն է, որդւոց վիշտը ծնողաց համար դառնութիւն է: Քանի՛-քանի անբուն գիշերներ մայրը անց է կացրել որդու օրօրոցի վրայ. որքան քրտինք է թափել եւ որքան դառնութիւն է ճաշակել հայրը որդու պատճառով: Դրա համար եւ Աստուծո՛ւ ծնողներին իւր պաշտպանութեան ներքոյ է սուելում եւ պատուիրում է որդւոց ասելով. «Պատուեա զհայր քո եւ զմայր»: Բայց սա դեռ եւս ուղղակի պատասխան չէ մեր հարցին, որովհետեւ եթէ մենք ծնողներին նրա համար պարտաւոր ենք յարգել, որ մեզ առողջ մարմին են պարգեւել, այն ժամանակ հիւանդոտ, արտաւոր որդւոց իրաւունք կտրուէր արհամարհելու ծնողաց: Եթէ մենք մեր ծնողացն այն պատճառով պարտաւոր ենք յարգել, որովհետեւ մեզ կերակրել եւ հագցրել են, այն ժամանակ իրաւունք կլինէր հացի պատառ չունենող եւ իրանց մերկութիւնը ցնցոտիներով ծածկած որդւոց արհամարհել ծնողներին: Ծնողաց վարմունքը եւ բարեպաշտութիւնն էլ հիմք չէ, որ որդիք յարգեն առաջիններին, վասն զի այդ յատկութիւններից զուրկ ծնողներ էլ կան եւ մինչև անգամ թեթևամիտ, անբարոյական ծնողներ, որոնք որդւոց վերջին դահեկանն էլ վատնում են: Աստուծո՛ւ չի ասում, թէ պատուիր քո հարուստ ծնողներին, յարգիր քո իմաստուն հօրը կամ բարեպաշտ մօրը, այլ՝ կարճ ձևով ասած է. «Պատուեա զհայր քո եւ զմայր»: Որդին երբէք չպիտի վատահանայ ասելով՝ իմ ծնողներն արժանի չեն այս կամ այն . . . , ամենուրեք պիտի ասուի—այս մարդը եւ այս կինը աստուածային կարգադրութեամբ ինձ համար են որոշուած—որանք իմ հայրն ու մայրն են, պէտք է յարգեմ նրանց: Աստուծու պատուիրանի համար պիտի յարգես նրանց—Աստուծո՛ւ նրանց իւր փոխանորդ է նշանակել: Աստուծո՛ւ ծնողներին երկնային պաշտօն է հաւատացել եւ նրանց բնական սէրը աստուածային մի բարձր հրամանով լուսաւորում, յայտնում է: Շատ յարմար է այստեղ այն գեղեցիկ դարձուածը թէ, հայրն Աստուծուն ամեն օր պիտի աղօթէ՝ աէր, սովորեցրու ինձ մանկան հետ վարուե-

լու ուղիղ եղանակը: Այս ևս ուղիղ է, որ մենք ծնողաց այս աստուածային կոչման համար, այս անձեռնմխելի արժանապատուութեան պատճառով յարգենք և սիրենք և հէնց զրա համար էլ Աստուածանից երկիւղ ունենալը հաւասար է ծնողներին յարգելուն: Առաջինը արմատն է, իսկ երկրորդը՝ պտուղը: Ուստի և ճշմարիտ է ասածը թէ. «Զի փառք մարդոյ ի պատուէ հօր իւրոյ լինին, եւ նախատինք որդւոց՝ մօրն անարգութիւն է» (Սիրաք գ. 13):— (Հօրը պատուելը քո սեպհական յարգանքն է, իսկ մօրն արհամարհելը քո սեպհական նախատինքն է): Եւ հէնց զրա համար էլ Աստուած խիստ պատիժ նշանակեց ծնողաց արհամարհող որդւոց— «Ակն որ արհամարէ զհայր, եւ անարգէ զծերութիւն մօր, խլեսցեն զնա ազոաւք ձորոց» (Առակք Սող. լ. 17): Այս խտուածեան հետ միւս կողմից Աստուած իւր խոստումն է անում զի երկայնակեաց լինիցիս ի վերայ երկրին բարութեան: Թէև այս խօսքերը իսրայէլացւոց է վերաբերում, բայց նրա կատարումն այսօր ամենուրեք է տեղի ունենում: Ուր ծնողները յարգուում են, ընտանեկան երջանկութիւնը և օրհնութիւնն անպակաս է, իսկ ուր ծնողներին արհամարհում են, այնտեղից էլ վերանում է օրհնութիւնը, խաղաղութիւնը և զրան փոխարինում է երկպառակութիւնը, կորուստը և ոչ միայն ընտանիքն է խորտակում, այլև տէրութիւնը: Այս խոստման ճշմարտութիւնն արտայայտում է իւրաքանչիւր ընտանեաց մէջ որպէս աշխարհի բարոյական օրէնք: Այն որդին, որ ծաղրում է իւր հօրը, նոյն վիճակին ինքն էլ է արժանանում մի օր. ով վրդովմունք է սիրմանում, փոթորիկ է հնձում: Վատ որդին բարի հայր երբէք չի դառնայ և ամենուրեք հաստատում է, որ ծնողները նոյն վարմունքին են արժանանում, ինչպէս որ իրանք են վարուել իրանց ծնողաց հետ: Ով իւր հօրը պատուում է, ինքն էլ իւր որդկերանցից կը յարգուի. «Որ փառաւորէ զհայր, երկայնակեաց լիցի» (Սիրաք գ. 6.) և զրա համար էլ հօր օրհնութիւնը հաստատում է որդւոյ տունը— «Օրհնութիւն հօր հաստատէ զտունս որդւոց» (Սիրաք գ. 11): Ուրեմն պատուիք քո հօրն ու մօրը:

Պատուիք նրանց: Ինչ հանդամանքի մէջ էլ որ լինի, պիտի մըտածես, որ նրանք սուրբ պաշտօն ունին— Աստուած իւր պաշտօնի մի մասը նրանց է հաւատացել: Ուրեմն ամեն կերպ զգուշացիր, որ նրանց չվիրաւորես: Մի արհամարհիր, այլ լսիր նրանց. մի կարծիր երբէք, թէ դու այնքան խելօք ես, որ նրանց խորհուրդը, յոր-

գորն աւելորդ է: Մի ծաղրիր նրանց խօսքերը, նրանց սխալը ծաղրի առարկայ մի դարձրու, նրանց թերութիւնը մի հրապարակիր օտարի առաջ: Զգուշացիր ամենաչնչին արհամարհանքից սեպհամ. ոչ մի վարմունքով՝ լինի դա խօսքով, թէ գործով, մի վշտացրու նրանց: Ով իւր ծնողացն արհամարհում է, նա մարդկանցից ամենաապերախտն է երկրիս վրայ: Մի բարկանաւ նրանց վրայ: Նրբէք տեղիք մի տուր նրանց, որ արդար բարկութեամբ սրամտին քո դէմ: Մի գրգուիք նրանց: Ինչ որ նրանք բարկացած բռնակն զործեն, քո մեղն է: Նրբ նրանք խօսին, լսիր. արգելեն, մի հակառակիր. յորդորեն, հետևիր: Այն որդիքը, որոնք ծնողներին հակառակում են, ցաւ են նրանց համար. զրա հակառակ, իմաստուն որդիքը՝ ուրախութիւն են— «Որդի իմաստուն՝ ուրախ առնէ զհայր. որդի անմիտ՝ տրամուծիւն է մօր» (Առակք Սող. ժ. 1): Մի թշնամանիք, մի վատահամբաւիք նրանց: Այդպէս մի վարուիք ոչ երիտասարդ և ոչ ծեր հասակումը: Նրբ մարդս ծերանում է, նեղսրտում է, կամակոր է դառնում, բայց դու պիտի աշխատիս թթու դէմք չցոյց տալ նրանց. կերպարանքդ մի ծռիւր ծերունի հօրդ դէմ և մի այպանիւր տկար, հիւանդ մօրդ: Ինչ մարմնական և հոգեկան պակասութիւններ էլ ունենան, էլի յարգիր նրանց. երբ նրանց հոգու լոյսն աղօտանում է և տկար մարմնուն վիճակ է ընկնում գերեզմանի ավին կանգնելու, այն ժամանակ պատկերացրու քեզ նրանց անցեալը. յիշիր նրանց սէրը և մտածիր այն բանի մասին, որ մենք ևս ծեր պիտի դառնանք: Ոչ մի ժամանակ ձեռք չբարձրացնես հօրդ ու մօրդ դէմ: Օրինակներ շատ կան, որ որդիքը ծնողաց ոչ թէ հարուածել են, այլև սպանել: Աթենացիք կտրում էին այն ձեռք, որ վտահայցել էր ծնողաց հարուածելու. Մովսէս մահու պատիժ է նշանակում ծնողասպան որդւոց. «Որ հարկանէ զհայր իւր կամ զմայր իւր, մահու մեռցի: Որ բամբասեսցէ զհայր կամ զմայր իւր, մահու մեռցի» (II. Մովս. իա. 15. 17. *): Ծառայիր նրանց— քո վարմունքով քաղցրարժէ նրանց դառն օրերը, անուշ խօսքովդ մոռացնել

* Թէ իսրայէլն ինչ աստիճանի խտուածեամբ էր հսկում հինգերորդ պատուիրանի կատարման վրայ, բաւական է յիշել V. Մովս. իա. 18—21. «Եւ եթէ լիցէ ուրուք որդի խեռ և անզգամ, եւ ոչ լսիցէ ձայնի հօր եւ մօր իւրոյ, խրա՛տիցեն զնա՝ եւ ոչ անսայցէ նոցա, կայցին զնա հայր և մայր նորա, եւ տաքցին «զնա առ ծերակոյտ քաղաքին իւրեանց եւ ի դուռն տեղոյն իւրեանց, եւ ասաս-

տուր նրանց վիշտը. լաւ խնամիր նրանց հիւանդութեան օրերում: Նրանց լաւութիւնը քո ուրախութիւնը պիտի լինի. նրանց ցաւը՝ քո ցաւը: Յիշիր Հ. ու թիւն, թէ ինչ սիրով սիրում էր իւր սկեսրոջը (Հւթ. ա. 16....): Յիշիր Յովսէփին: Նրբ սա իւր եղբայրներին յայտնուեց, նրա առաջին հարցն էր—արդեօք հայրս կենդանի է: Նւ ինչ խնամքով նայում էր այնուհետեւ ծերունի հօրը (I. Մովս. խե. 9....): Նթէ ծնողներդ քեզնից մի բան են խնդրում, մի մերժիր նրանց. սիրով կատարիր, տեղիք մի տուր, որ նոյնը կրկնուի: Ի՞նչ մանուկ հասակիցդ անգամ կարող ես նրանց ծառայել: Իսկ երբ կմեծանաս, նրանց անքուն գիշերները կրած նեղութիւնը վարձատրիր՝ ինչով էլ որ կարող ես: Նթէ ցանկանաս լաւ որդու օրինակ փնտռել, յիշիր խաչի վրայ բարձրացող Յիսուսին: Անտանելի ցաւերի ներքոյ նրա մտածողութեան առարկաներից մինն էլ իւր մայրն էր: Սիրոյ խօսքով նա դիմեց Յովհաննէսին խաչի վրայից՝ ասելով. «Ահա մայր ք» (Յովհ, ժթ. 27): Այո՛, ծառայեցէք ձեր ծնողներին մինչև որ նրանք իրանց աչքերը կլփփեն: Լսեցէք նրանց և հնազանդ եղէք: Հնազանդ որդին կատարում է ծնողների բոլոր պատուէրները՝ ոչ թէ արտնջալով, դժգոհութեամբ, այլ՝ սիրով: Հնազանդ որդին նոյն ուղեկան արամադրութիւնն ունի, եթէ մինչև անգամ ծանր առաջարկութիւն է լինում: Մի այդպիսի որդի ամեն բան տանում է. նա յիշում է, որ իւր ծնողները իւր լաւն են ցանկանում. նա գիտէ, որ ծնողներին Աստուած է նշանակել: Չմոռանանք Պօղոս առաքեալի խօսքը, որ գրում է առ Նիս. դ. 1. «Որդիք հնազանդ լերսւք ծնողաց ձերոց ի տէր»: Այս հնազանդութիւնը չէ որոշուած դպրոցական տարիների կամ միւս շրջանների համար: Ճիշտ է, կգայ մի օր, երբ որդիքն այլ ես ամեն քայլափոխում կարիք չին ունենայ ծնողաց խորհրդին դիմելու, բայց ոչ մի որդի ոչինչ նշանաւոր բան չպիտի անէ՝ առանց ծնողներին՝ գէթ կողմնակի յայտնելու կամ նրանց օրհնութիւնն ըստանալու դործի յաջողութեան համար: Ծնողաց օրհնութիւնը դեռ ոչ ոքի չի վնասել: Գեղեցիկ գովասանք չէ, երբ ծնողները պարծենում են իրանց սրբուց հնազանդութեամբ: «Նւ էր նոցա հնազանդ, եւ Յիսուս զարգանայր իմաստութեամբ եւ հասակաւ, եւ շնորհօք

«ցեն ցարս քաղաքին իւրեանց. Որդիս մեր այս՝ խեռ է եւ անգամ, եւ ոչ լսէ ձայնի մերում, հակառակող է եւ արբշիտ: Նւ քարկոծեսցին զնա արք քաղաքին «նորա քարամբք եւ մեղի, եւ բարձջիք զշարն ի միջոյ ձերմէ, եւ լուեալ այլոցն՝ օգահի հարկանիցին»:

յԱստուծոյ եւ ի մարդկանէ, գրուած է Ղուկ. բ. 50. 51. մէջ Յիսուս մանկան համար: Սիրեցէք ձեր ծնողներին—Նւ սա բնական էլ է, որ որդին ծնողներին սրտանց պիտի սիրէ: Այս սէրը մի խնայիր, եթէ նրանք քո դէմ խիստ վարուեն (հէնց իրաւացի խստութեան մէջ էլ սէրն է բնակուում—Սիրաք լ. 7—12.): Նոյն սէրը ցոյց տուր նրանց, երբ դու նրանցից աւելի հասկանալու լինիս. երբ երկրաւոր պաշտօնով շատ ու շատ բարձր ես քո ծնողներից: Տխուր երեւոյթ կլինի, երբ բարձր պաշտօնի տէր անձը դժուարանում է յիշել իւր անցեալը կամ մի պատուաւոր հասարակութեան մէջ այլ ձեւով է դիմում նրանց: Նս գիտեմ մի յիմար որդի, որ ստիպում էր հօրը՝ իրան պարոն որդի կոչելու: Այդ որդին պատկանում էր այն տեսակներին, որոնք պահանջում են, թէ հայրը որդուն պիտի յարգէ: Այս առթիւ շատ սիրուն օրինակ է հին եպիսկոպոսներից մինի վարմունքը, որ ստորին գիւղական ծագումից էր այդ աստիճանին հասել: Մի անգամ, երբ սրտ աղքատ, գիւղացի պառաւ մայրը իւր որդուն տեսնել էր ցանկանում, պալատականները հանեցին նրա հին, գիւղական շորերը և քաղաքի՝ նոր շորեր հագցրին: Եպիսկոպոսը մերժեց տեսակցութիւնն ասելով՝ որ սա իւր մայրը չի կարող լինել, վասնզի նա գիւղական շորեր կունենար: Ստիպուած էին դուրս տանել նրան և փոխել շորերը: Նրբ մայրը իւր շորերով ներկայացաւ, գրկեց նրան և մինչև իւր կեանքի վերջը իւր մօտն էր պահում: Այսպէս սիրեց նա իւր մօրը և փառք ու պատուի մէջ էր պահում:

Ուրեմն մի անգամ էլ յիշենք. «Պատուեան զհայր քո եւ զմայր քո»: Ծնողներին ոչ թէ միայն պիտի պատուել, քանի որ նրանք մեզ օգնում են, պէտք են, այլև այն ժամանակ՝ երբ նրանք այլևս պէտք չեն մեզ. երբ նրանք ծեր են և օգնութեան կարօտ: Ժամանակը հետըզհետէ վատանում է. դժբաղդաբար ներկայումս ստիպուած է մարդ հայրերին յիշեցնելու այն իմաստուն խօսքը, թէ մի հայր սուելի շուտ տասը որդի կպահէ՝ քան թէ տասը որդին մի հայր: Նւ որովհետեւ այդպէս է, ուրեմն և՛ս աւելի կարիք կայ ներշնչելու պատուեան զհայր քո եւ զմայրը: Ինչպէս որ նրանք քո ջանէլ հասակումն են քեզ խնամել, նոյն էլ դու պիտի անես նրանց ծերութեան օրում: Սիրով ընդունիր նրանց, քո սեղանի պատուական հիւրը նրանց համարիր. սեղանիդ պատուաւոր տեղը նրանցն է պատկանում: Ծերունի Սիրաքը շատ սիրուն է ասում. «Որդեակ, զորավիդն լեր ծերութեան հօր քում, եւ մի՛ արամեցուցաներ զնա ի կեանս նորա: Նւ եթէ պակասեսցէ յի-

մանալոյ նորա դբանս, ներեան նմա, եւ մի անպատուեր զնա յամհնայն գորութենէ քումմէ: (Սիրաք գ. 14. 15.): Շատ յանցանքներ և վտանգներ կհեռանան տանից՝ քանի որ աղօթող ձեռքերը դէպի երկինք են կարկառում և օրհնութիւն խնդրում որդւոց, թոռների . . . համար, որովհետև Վի եկեցցէ ի վերայ քո օրհնութիւն ի նմանէ: (Սիրաք գ. 9—11.): Նրբ կհնչէ նրանց կեանքի վերջին ժամը, մի հեռացիր նրանցից. քո քաղցր ժպետով նրանց վերջին բուռն քաղցրացրու և երբ նրանք կմեռնեն, թող նրանց յիշատակը քո քաղցր յիշողութիւններից մինը լինի: Պատուաւոր կերպով թաղիր. Վերեզմանի վրայ դբած քարը թող քո վերջին երախտագիտութիւնը լինի այն անթիւ օրհնութեան համար, որ ստացել ես նրանցից: Նրանց յիշատակը անջինջ պահիր քո մէջ, որպէսզի քո որդիքը, որդւոց որդիքն իմանան, որ դու հինգերորդ պատուիրանը կատարել ես:

Ոչ թէ միայն քո ծնողներին պիտի պատուես, այլ՝ բոլոր ծեր մարդկանցն առ հասարակ: Հինաւորց կազնին, որի գլխով շատ փոթորիկներ են անցել, քո յարգանացն արժանի պիտի լինի: Բայց միթէ սպիտակահեր գլուխն աւելի ևս չպիտի արժանի լինի յարգանաց: Բարձր լեռներն ու ծերունիներն աւելի մօտ են երկնքին, ասում է առածը: «Առաջի արեաց յառնիցես, եւ պատուեսցես զերեսս ծերոյն» (III. Մովս. ժթ. 31.): Այս պատուիրանի կատարման վրայ մեծ ուշադրութիւն պիտի դարձնել մեր ժամանակում, որովհետև ներկայիս ջահէլները կարծես մոռացած լինին, որ իրանք ևս մի օր պիտի ծերանան, որ սպիտակ հերը պատուի արժանի է: Դրանք սիրով չեն նայում ծերունիներին. երեսները խոժոռում են. դէմքները շուռ տալիս. միայն իրանց կարծիքն է ուղիղ. դրանց կարծիքով ինչ որ հին է, ծեր է, վատ է, և ընդհակառակն՝ ամեն նոր բան լաւ է — այդպիսիք չեն յարգում ծերունիների կարծիքը: Նրանց փորձառութիւնը ոչինչ չարժէ. այդպիսիք, այս, անպատկառ ձեռով խեղճ ծերերի ձայնը փորն են ձգում, հէնց որ նրանք վստահանում են խօսել: Բայց այսպէս չպիտի լինի: Թագաւորի մինը ծերունի հրամանատարին իւր անկողնի մէջ քնացրեց: Այս բանը ծիծաղ չարժեց. ջահէլ վիճուորների մէջ: Թագաւորը սիրով նկատեց նրանց, ասելով—կամաց խօսեցէք, որպէսզի ծերունու քունը չխանդարենք, նա արդէն երկար տարիներ հսկել է մեզ: Թագաւորը այսպէս յարգեց ծերութիւնը և ինչ կարծիք, որ սրանով էլ իրան յարգեց: Մի ուրիշ իրողութիւն: Ուխմպիտական խաղերին բոլոր յոյները ներկայ էին լինում: Մի անգամ,

երբ բոլոր տեղերը բռնած էին, եկաւ մի ծերունի: Սա երկար ժամանակ ջահէլների ու ծերունիների միջով դէս ու դէն ընկաւ, բայց ոչ ոք չմտածեց նրան տեղ տալու մասին: Նրբ նա հասաւ այնտեղ, ուր սպարտական ջահէլներն էին բազմած, բոլորն էլ տեղերից վեր կացան և նրանցից ամեն մինը յարգանքով խնդրեց իւր տեղն ընդունելու: Դրա համար ևս ընդհանուր առած էր յունաց մէջ, թէ աթենացիք գիտեն որն է բարին, իսկ սպարտացիք կատարում են նոյնը: Այսպէս՝ զնա դու էլ նոյնն արա:

Նկեղեցին մի դպրոց է մեծերի համար, իսկ դպրոցը եկեղեցի է փոքրերի համար: Ուսուցիչների վերաբերութեամբ թէ չափահասների և թէ անչափահասների համար, ասում է սուրբ գիրքը թ. ա. Նբբ. ժգ. 17 ուս. «Ունկնդիր լերուք առաջնորդաց ձերոց ևս հպատակ կացէք նոցա, զի նոքա աքնին վասն ոգւոց ձերոց՝ որպէս թէ համարս տալոց իցեն ընդ ձեր. զի լւնդութեամբ արասցեն զայն, եւ մի յոգւոց հանելով, զի այն ոչ օգուտ ձեր է»: Այս, ունկնդիր եղէք նրանց, վասնզի նրանք ևս ծնողական պարտաւորութիւն են կատարում դէպի ձեզ. վասնզի նրանք պիտի կրթեն, դաստիարակեն ձեզ. նրանք պիտի Աստուծո թագաւորութիւն հիմնեն ձեր մէջ, ուսուցանեն և յորդորեն, զգուշացնեն և պատժեն՝ առանց երկիւղ կրելու մարդկանցից. նրանք պիտի հսկեն ձեր հոգեկան կողմի վրայ—վասնզի պարտաւոր են հաշիւ և համար տալու Աստուծո առաջ: Նրանց աշխատանքը հոգեկան է, սա այն աշխատանքներից չէ, որ օրական պարէն հայթայթելու համար կատարում է, այստեղ սիրտ և եռանդ է կարևոր. սէր և ոգևորութիւն է պահանջում այս տեսակ մշակներից: Առ հասարակ ցաւալի է՝ թէ հոգևորականի և թէ ուսուցչի համար՝ երբ ասողին լսող չկայ. երբ հրաւիրում ես, եկող չկայ. երբ սպառնում ես, երկնչող չկայ. երբ խոստանում ես, ցանկացող չկայ: Հաւատացէք, որ սա լաւ չէ ձեզ համար: Ուսուցչի համար ևս ծանր բեռն է պաշտօնը, երբ սիրով չի յաճախում դպրոց. երբ ուրախ և զուարթ չի հանդիպում աշակերտներին. երբ իւր պաշտօնը չի ոգևորում իրան: Նոյնպէս լաւ չէ, երբ աշակերտներն իրանց վարմունքով դառնացնում են ուսուցչի կեանքը. երբ ծուլանում են. երբ անուշաղիր. . . են—մի խօսքով այն տեղն են հասցնում, որ ուսուցիչը ոչ թէ սիրով, այլ ձանձարանալով է վարում իւր պաշտօնը: Նթէ սիրում էք ձեր ուսուցիչներին՝ նրանց սուրբ պաշտօնի պատճառով, աշխա-

տասիրութեամբ և հնազանդութեամբ ցոյց տուէք ձեր ծառայութիւնը—«Նւ համարեցարուք զնոսա արժանիս առաւել սիրոյ՝ վասն գործոյ նոցա (I. թ. ա. Թաղ. ե. 13.):

ՎԵՅՆԵՐՈՐԿ ՊԱՏՈՒԻՐԱՆ

«Մի՛ սպանաներ»:

Առաջին և երկրորդ պատուիրանի պահանջն էր Աստծուն ամեն բանից բարձր դասել. երկրորդի մէջ՝ Աստծու անունը մեր շըրթուքների վրայ ևս սուրբ լինի. երրորդում՝ Աստծու անունը սուրբ առնել աստուածապաշտութեան ժամանակ: Այս չորս պատուիրանների գումարն է. «Սիրեսցես զտէր Աստուած քո յամենայն սրտէ քումմէ, յամենայն անձնէ քումմէ, յամենայն մտաց քոց»: Հինգերորդ պատուիրանը մատնանիչ է անում մեզ, թէ ինչ պարտաւորութիւն ունինք դէպի մեր մերձաւորները—«Սիրեսցես զընկեր քո իբրև զանձն քո»: Այդ պատուիրանը պահանջում է—Աստծու փոխան օրդին երկրիս վրայ պատուել, սուրբ առնել: Այժմ անցնում ենք վեցերորդ պատուիրանին, որի պահանջն է՝ սրբութեամբ պահպանել մերձաւորի կեանքը:

«Մի սպանաներ»ը բողկացած է թէև մի բառից, բայց ամեն լսողի վրայ սոսկում է ազդում, մանաւանդ բանտերումն եղողների: Ամօթ չէ, որ Աստուած կարիք է զգում մեզ համար «մի սպանաներ» օրէնքը դնելու, Միթէ սա ինքն ըստ ինքեան հասկանալի չէ: Ո՞վ կը ցանկար մեզնից՝ առնել կացինը, սուր դանակը . . . մերձաւորին մահացնելու համար: Ո՞վ կհամաձայնէր մեզնից տեսնել սպանուողի սոսկալի դէմքը և ասել—անձ քո վարձը: Զարհուրելի է տեսնել մեռնողի չարչարանքը, և՛ս աւելի վարհուրելի է մարդասպանի խիղճ ունենալը: Ո՞վ գիտէ դուք ամենքդ էլ ուրախ էք, որ ազատ էք այդպիսի տեսարանին ներկայ լինելուց, որ վեցերորդ պատուիրանը չէք մոռացել: Ճիշտ է, ուրիշ պատուիրանները ճշտիւ չենք կատարել, զորօրինակ մեր ամբողջ սիրտը Աստուծուն չենք նուիրել, այլ բաժանել ենք՝ նրա և աշխարհի վրայ. նրա անունը երբեմն ի չարն ենք գործ դրել՝ սուտ երդմամբ, նրա օրը չենք սիրել մեր կենցաղավարութեամբ: Մոռանալիս հնազանդ չենք եղել. ուսուցիչներիս շատ անգամ ենք վրդովել, բայց «մի սպանաներ» օրէնքի հակառա-

կը երբէք չենք գործել: Այս պատուիրանից չենք անցել և չենք անցնելու, որպէսզի Կայէնի նման «երերեալ և տատանեալ» չլինինք ու մեր եղբոր արիւնը չբողբէ Աստծու աթոռի առաջ—մենք լսել չենք կարող, թէ մինը միւսին սպանել է, ուր մնաց ինքներս գործէինք: Նրբ լրագրութեան մէջ* կարդում ենք, թէ այս ինչ կամ այն ինչ սպանութիւնն է եղել, սոսկում ենք:

Բայց և այնպէս քանի քանի մարդիկ կան, որոնք թէև ձեզ նման են խօսում, պատուաւոր մարդիկ են համարւում արտաքուստ, բայց Աստծու առաջ ոչ այլ ինչ են՝ եթէ ոչ եղբայրասպաններ, հայրասպաններ և մայրասպաններ: Ի՞նչպէս կարելի է այդ, կհարցնէք դուք:—Այդ նրանից է յառաջանում, որ մարդիկ սովորաբար թերի են ըմբռնում պատուիրանի իմաստը—կարծում են թէ միայն ձեռով կարելի է սպանանել: Ով իւր մերձաւորին սրով, դանակով, մահակով, բռունցքով. . . չէ սպանել, սովորաբար մարդասպան չէ համարում իրան: Բայց միթէ նա ևս մարդասպան չէ, որ իւր ընկերին վատ բան է սովորցնում—լինի դա շռայլութիւն, արբեցութիւն, թէ թղթախաղ . . . միևնոյն է: Միթէ այդպիսին զայթակեցուցիչ չէ. միթէ այդպիսի անձը ժամանակից վաղ գերեզման չէ տանում թէ իրան և թէ որին ուսուցանում է: Մարդասպան է և նա, ով դիտմամբ մինին ծանր աշխատանքի է ենթարկում, որպէսզի նա իւր առողջութիւնը կորցնէ: Մարդասպան է նա, ով հիւանդին կարևոր եղած կերակուրը, հոգսը զլանում է, անուշադիր է լինում:

Կարելի է ձեռք չբարձրացնել, բայց և այնպէս մարդասպանութիւն գործել—կարելի է խօսքով ևս մարդ սպանել: Սուր հեգնութիւնները, ծաղրը, չարանեղ արտայայտութիւնները երկասյրի սրից պակաս չեն կտրում: Այդպիսի խօսքերը երբեմն զգայուն, յարմար տեղին են դիպչում և վէրք պատճառում, որ անեկատելի կերպով օր ու գիշեր արիւնաքամ է անում և վերջապէս մահուան պատճառ դառնում: Դեռ այսօր ևս կենդանի մեռեալներ շատ կգտնուին, ո-

*Կան լրագիրներ, որոնք առանձին բաւականութիւն են զգում կարծէք, նկարագրելով այս կամ այն եղեռնագործութեան մանրամասնութիւնները: Թէ այս վարմունքը ընթերցողներին ոգեկան կողմը վնասում է՝ կասկած չկայ: Ի՞նչ կարելի է սպասել այն երիտասարդից, որ զբաղուած է աւագակների գործերը կարգաւով: Նա որ սիրահարուած է աւագակների գործողութեամբ, վտանգ կայ նրա սպազայի մասին: Ի՞նչու չնկարագրել սրտաշարժ տեսարաններ բարու և զեղեցիկ վերաբերեալ:

րոնք անարդար, անարժան մարդոց զսներն են, որոնք չեն կարողազացել տանել այդպիսեաց վարմունքը (խօսքը) և արիւն են փսխել: Ղազազում պառկող քանի քանի դէմքերի վրայ պարզ կերպով կարելի է կարդալ—սա չար լեզուի դո՛հ է—բամբասանքը, նախանձը, հոգսը . . . գերեզման իջեցրին սրան: Այսպէս շատ որդիք իրանց հայրերին մահ են պատճառել. քանի-քանի աղջիկներ այս միևնոյն վարմունքով մայրերի մահուան պատճառ են դարձել: Ո՛հ, քանի աշակերտներ իրանց պախարակելի վարմունքով ուսուցչի կրծքից առատ արիւն են հոսեցրել:

Ատելի կըքի, նախանձի, ատելութեան, բամբասանքի թունաւոր խօսքերը բարեկամական կերպարանք առած՝ օձի նման սողում են միամիտների սրտերը և շատերին վաղաժամ՝ սառը գերեզման տանում: Ի՛նչ գեղեցիկ, ի՛նչ արդարացի նկատում է Յակովբոսը իւր թղթի գլ. գ. 5. 6. ում. «Լեզու փոքր ինչ անդամ է, եւ մեծամեծս բարբառի. ահա եւ սակաւ ինչ հուր զորպիսի անտառս հրդեհէ. եւ լեզու հուր՝ զարդ անիրաւութեան . . . որ զամենայն մարմին ապականէ, եւ վառի հրով զանիւ ծննդեան»: Շատ անգամ խօսքն էլ աւելորդ է. այդ նպատակի համար չար սիրտն էլ բաւական է՝ լի նախանձով, ատելութեամբ և բարկութեամբ: Նրբ երկու հին բարեկամներ անցնում են միմեանց մօտով առանց ողջունի. երբ միմեանց ջերմ սիրով երկու սրտեր՝ հանգամանքների բերմամբ սառել են, այդպիսիների ամեն մի հայեացքը փոխադարձաբար լի է նախանձով և ատելութեամբ—այդպիսի վարմունքը, ո՛հ, ցաւ է պատճառում սրտին: Քանի-քանի թշնամի հարեաններ միմեանց օգնութեան ձեռը չեն մեկնել: Մի քանիսներն էլ, թէ և ոչ մի կծու խօսք չեն սսել իրանց ծնողաց, բայց օտարների աչքից շատ դառն կաթիլներ են խլել: Քանի-քանի որդիք մեռնող հօր գերեզմանի վրայ կտնդնած դառն արցունքներ են թափել և ներողութիւն խնդրել, որ իրանց այս կամ այն վարմունքով պատճառ են դարձել վաղահաս մահուան—նրանք զգացել են իրանց յանցանքը և ներողութիւն խնդրել: Բայց մի բան էլ: Արդե՞՞ծ հոգին էլ կարելի է սպանել: Չի կարելի հողին նախանձի թոյնով մահացնել կամ գայթակղեցնել և այսպէս ի կորուստ մատնել. բռնաւորել նրան ամօթով և նախատիւնքով և խլել մարմնի ոյժը, զօրութիւնը, որով և մարդուն հեազհետէ գերեզման գլորել (Մտթ. Ժ. 28.):

Եթէ դու կամենում ես մարդասպանութիւնից զգուշանալ,

այն ժամանակ պիտի զգուշանաս այն մտածողութիւնն երբից, որոնցից ծագում է սպանութիւնը: Այս տեսակ մտածողութեանց կարգին են պատկանում—բարկութիւնը, ատելութիւնը, նախանձը, ագահութիւնը, չարախնդացութիւնը, վրէժխնդրութիւնը . . . : Չգուշացի՛ր բարկութիւնից, որովհետեւ «չի բարկութիւն մարդոյ զարգարութիւն Աստուծոյ ոչ գործէ» (Յակ. ա. 20.): Բարկութիւնը զագանի է նմանում—հէնց որ նա շղթան կտրեց, հետեանքն անշուշտ վնաս պիտի լինի: Եւ հէնց զրա համար էլ ասում է սուրբ գիրքը. «Բարկանայք եւ մի՛ մեղանչէք*, արեգակն ի վերայ բարկութեան ձերոյ մի՛ մտցէ» (Թ. ա. Նիս. դ. 26.): Ով սուրբ գրքի այս պատուիրանին չի հետևում և բարկութիւնը թաքուցանում է սրտի մէջ, այդ պիտի թագուցեալ բարկութիւնն իսկոյն ատելութեան է փոխարկում: Ուրեմն զգուշացի՛ր նախանձից: Հէնց որ սիրտը լի է բարկութեամբ, իսկոյն փղձկում է՝ լինի դա խոժոռ հայեացքով, խօսքով, որ երկաթի նման սառը և սուր է, թէ գործով, որ սառնասիրտ ձեռով սուրը մերձաւորի սիրտն է խրում: Ի՛րա համար էլ սուրբ գիրքն ասում է. «Ամենայն որ ատեսայ գեղբայր իւր, մարդասպան է. եւ գիտէք՝ զի ամենայն մարդասպան ոչ ունի զկեանս յաւիտենականս յանձին հաստատեալ» (Մ. թողթ. Յովհան. գ. 15): Ղարձեալ՝ զգուշացի՛ր նախանձից: Նախանձը ատելութեան ամենօրուայ կերակուր կարելի է անուանել: Ո՛հ, քանի-քանի թշուառութեան պատճառ է դառել նախանձը. քանի-քանիսին գերեզման է առաջնորդել: Կայէնի, Աբելի և Յովսէփի եղբայրների պատմութիւնը բաւական է ճանաչելու, թէ ինչ է նախանձը: Նախանձը սրանով չէ բաւականանում—նա ձեռք է տալիս հարուստներին և ընդունակներին, որովհետեւ չի կարող համբերել, որ մինը իրանից հարուստ, ընդունակ և բաղդաւոր լինի. նախանձը ձեռ է տալիս ոչ թէ միայն իրանից բարձրին, այլ և օտարներին—որովհետեւ նա չի կարող տեսնել մի աղքատ, մի ոմն հասարակ ծագումից (սակայն յառաջադիմող) բաղդաւոր, երջանիկ և յարգուած լինի միւսներից—նախանձը ոչինչ չի խնայում այդպիսեաց զուրկու համար: Նշմարիտ է, նախանձոտը լալիս է լացողների հետ,

* Այս կտորն այսպէս պիտի մեկնել—բարկացէք, բայց բարկութեան ժամանակ սխալ (յանցանք) մի գործէք: Երկու բարկութիւն կայ—սուրբ, արդար, բարկութիւն և այսպէս սասժ՝ յանցաւոր բարկութիւն: Առաջին տեսակի արմատները սիրոյ մէջն են հաստատուած: Այս արդար բարկութիւնը, որ սիրոյ է բղխում, Քրիստոսի մէջ ամեն ոք կարող է տեսնել:

բայց խնդալ, ուրախանալ չգիտէ խնդացողներէ, ուրախացողներէ հետ. նա գթում չէ, մարդկային զգացումն չունի: Նախանձտը գիտէ, որ ինքը չի կարող հասնել յիշեալ աստիճանին . . . , բայց որովհետեւ ինքը կարծեցեալ յարգանքը . . . չի կարող ստանալ, ուստի թող միւս էլ նոյնը չստանայ: Նախանձը նշան է, համարեա՞ միշտ, թոյլ հասկացողութեան կամ վատ սրտի, ուստի և միշտ երկիւղ կայ, որ Վայէնի անցքը կկրկնուի: *Պարձեալ՝ զգուշացիր վրէժխնդրութիւնից: Վրէժխնդրութեան մի վարժիր քեզ, մի մտածիր անգամ այդ մասին—վրէժ խնդրող մտքերին ապաստանաբան մի տուր: Հերովդէսի կինն այս բանը Յովհաննէս Մկրտչի վրայ գործով ապացուցեց, թէ վրէժխնդրութիւնը որքան հեշտ կերպով մարդասպանութեան է անցնում: Ուրեմն այստեղ ևս լսիր սուրբ գըրքի յորդորին. «Մի գանձանց վրէժ խնդրէք, սիրելիք, այլ տուք տեղի բարկութեան. քանզի գրեալ է. իմ է վրէժխնդրութիւն, եւ ես հատուցից, ասէ տէր».* (Թ. ա. Հում. Ժբ. 19.): *Վերջապէս զգուշացիր ազահութիւնից: Ազահութիւնն էր, որ Աքաաթ թագաւորին ստիպեց Նաբովթին սպանելու. այդ միևնոյն ազահութիւնն էր, որ Յուդային այն աստիճան ստորացրեց, որ համաձայնեց իւր տիրոջը և վարդապետին 30 արծաթով վաճառելու: Այլ շահավաճառ մեծ աստուածալաշտութիւն է՝ բաւականութեամբ հանդերձ, զի . . . »* (I. Թ. ա. Տմթ. դ. 6—8.):

Չգուշացիր առ հասարակ այն բոլոր դառն արմատներից, որտեղից քաղցր պտուղ տուող ճիւղեր չեն բանի: Հէնց որ այդպիսի արմատներ սրտումդ ունեցար, իսկոյն կտրիր և դէն ձգիր, բայց իսկոյն, հէնց նոյն օրն և եթ: Որովհետեւ ինչքան երկար թաղցնես այդ որոմը սրտիդ մէջ, նոյնքան դժուար կլինի արմատախիլ անելը. նոյնքան կխեղդէ քո մէջ բոլոր բարի ձգտումները և ողորմելու մինը կդարձնէ—նա քեզ մարդասպան կանէ: Հէնց որ այս պատուերանը ոտնակոխ արիր. հէնց որ գործողութիւնը կատարուեց, այնուհետեւ էլ ոչինչ չի օգնի, զղջումն ուշ կլինի: *Իշխանութիւնը, որ իբրև Աստուծոյ սպասաւոր և վրէժխնդիր չարի, ի դուր տեղը սուր չէ կրում* (Թ. ա. Հում. Ժգ. 1—4.), *իւր իրաւունքը գործ կդնէ և դու նոր կիմանաս, թէ ինչ է նշանակում. «Որ հեղու զարիւն մարդոյ, փոխանակ արեան նորա հեղցի արիւն նորա»* (I. Մովս. Թ. 6.): *Վարող է պատահել, որ յանցաւորը խոյս տայ և փախչի իշխանութեան ձեռից, բայց խղճի խայթից խուսափելն անհնար է: Այդպիսի անձն, ըստ Վայ-*

էնի, երբեք, աւատանեալ է, հանգիստ չունի, երկրի տակից էլ հալածողներ կան նրան: Մարդասպանութիւնը չի ծածկուում—սպանուածի մի կաթիլ արեան նշանը, ոտքի հետքը, քնի մէջ խօսած մի բառն անգամ և կամ արբեցողութեան ժամանակ արած որևէ արտայայտութիւն . . . շատ անգամ առիթ են եղել յանցաւորին գտնելու: Մարդասպանի մէկին տանում էին կախաղան հանելու—խոստովանահայր քահանան աշխատում էր մխիթարել նրան, բայց մարդասպանը կարճ կտրեց. «Նա իմ արժանի պատիժն ստացել եմ, թող այսուհետև Աստու շնորհն ինձ մխիթարէ: Այս մի խնդիրս կարող էք կատարել—ասացէք ձեր հօտի բոլոր հայրերին, որ թոյլ չտան իրանց որդւոց կենդանին երին չարչարելու: Նա սկսեցի թիթեռների թևերը կտրատել, ճանճերի ոտները հանել—ես բաւականութիւն էի զգում այդ բաներն անելով: Իմ ծնողները չէին արգելում այդ բաները, այնպէս որ այսօր ես ստիպուած եմ կեանքս դահճի բազկի հարուածին յանձնել: Իմ թշուառութիւնն սկսուեց կենդանի երչարչարելով և վերջացաւ մարդասպանութեամբ»: Արդեօք ձեր մէջ այդ տեսակ տղայք կան, որոնք բաւականութիւն են զգում կենդանիներ չարչարելով, թուչի բներ քանդելով . . . ևայն: Այս այն ուղի դժանապարհն է, որ մարդուս տանում է դէպի մարդասպանութիւն—զղուշացէք, տղայք: Ուրեմն մի անգամ էլ կրկնենք—*մի սպանանիր, այսինքն ոչ թէ միայն քո մերձաւորին, այլ քեզ:*

Նուշքեգ: Ով իրանից իւր կեանքը խլում է, նա ինքնասպան է (Մաւուդ, Յուդա): Ոչ ոք իրաւունք չունի ձեռք բարձրացնել իւր կեանքի դէմ: Կեանքի մէջ ինչ դառնութիւններ էլ որ պատահելու լինին, ինչ կարիք էլ որ ունենաս, իրաւունք չունիս քեզ կեանքից զրկելու: Ոչ ոք չպիտի ասէ, թէ ես ձանձրացել եմ կեանքից, մահը քաղցր է ինձ համար—ամենից լաւն Աստուծու որոշածն է: Նրան չպէտք է մոռանալ: Արդարանալու ոչ մի կէտ չկայ՝ ինչ հանգամանքից էլ որ ստիպուած լինի մինը այդպիսի յանցանք գործելու, ի բաց առեալ ոգեկան հիւանդութիւնները: Մինը անձնասպան է լինում, որովհետեւ կորցրել է իւր հարստութիւնը և կտոր հացը երեսի քրտընքով պիտի ձեռք բերէ: Մի երկրորդին նեղացնում է հիւանդութիւնը, կեանքի հոգսերը ճնշում են նրան, աղքատութիւնը քայլ առ քայլ հալածում է: Նրբորդը ճաշակել է կեանքի վայելքները մինչև վերջին մրուրը, կեանքն այդպիսիների համար ձանձրութիւն է: Չորրորդին խիղճը հանգիստ չէ տալիս, հալածում է, կարծում է թէ մարմինը

սպանելով, հալածող խիղճն էլ կսպանէ: Ինչ էլ կուզէ լինի, ինքնասպանի համար թողութիւն չկայ: Արդեօք յուսահատութիւնը նրան այնտեղ մղեց, բայց ինչու չէր ապաւինում Աստու շնորհաց: Արդեօք խաչը և վիշտն էին՝ պատճառ. բայց ինչո՞ւ նա յոյսը չգրեց խաչը մեզ ժառանգութիւն թողնողի վրայ, որ կարող էր մեղմել նրա վշտերը: Եթէ յանցանքը նրան ստիպեց այդտեղ գալ, ինչու նա չընտրեց ապաշխարութեան ուղին՝ հաստատուն նախաքանով, թէ կամենում եմ դառնալ և ուղղել ինձ: Այսքանը յոյստի է, որ ամեն մի մարդասպան սկզբում երկչոտ է, որովհետև այդպիսին այնքան քաջութիւն չունի չարիքը Աստու ոգնութեամբ տանելու և կամ հեռացնելու իրանից: Այն զինուորը, որ պատերազմի սկզբում թողնում, փախչում է, երկչոտ է և անազնիւ: Աւելի երկչոտ և անազնիւ է, երբ մինը չէ կարողանում տանել կեանքի պատերազմը, փոքրօրի է դառնում և ձեռէ բարձրացնում իւր վրայ. կեանքի կռիւը մինչև վերջը չէ կարողանում մղել—ինքնասպանը կոյր էլ է: Նա կարծում է, որ մահը հանգիստ կտայ իրան, վերջ կղնէ իւր ցաւերին: Մահ: Այն, եթէ այս կեանքից յետոյ հանդերձեալ չլինէր: Միթէ մահուամբ հնարաւոր է խոյս տալ տիեզերքի դատաւորից:

Վերջապէս մարդասպանութիւնը միայն սրով, թոկով, հրացանով, թոյնով չէ լինում: Ով ուտելու և խմելու մէջ, աշխատանքի և բաւականութեան մէջ չափ ու սահման չգիտէ, նա ևս ինքնասպան է: Ինքնասպան է և ազահը, ժլատը, որ ընկած է երկնաւոր բարեքնների ետևից միայն և օր ու գիշեր հանգիստ չունի: Ինքնասպան է այլև այն հիւանդը, որ փոխանակ հմուտ բժշկի դեղերն ընդունելու, զանազան տանու քփիչկների միջոցներ է գործ դնում կամ ամենևին դեղ չի գործածում: Այսպէս էլ կրքոտն է, դարտ անողն է, որոնք ժամանակից առաջ մահանում են: Որքան մոմը արագ է վառուում, այնքան էլ արագ վերջ է լինում այրուելուն: Այսպէս էլ կեանքն է: Ա՛խ, քանի-քանիսն իրանց առողջութեան հետ խաղում են և սրանով էլ ինքնասպան դառնում:

Ահա սա է ամի սպանաներս՝ պատուիրանի մեկնութիւնը: Չսպանել՝ ոչ քո մերձաւորին և ոչ քեզ: Այն՝ ինչ որ դասի սկիզբին անհաւատալի էր, այժմ պարզ է—չառ մարդասպաններ կան: Արդեօք էլ այ ձեր մէջ մինը, որ ազատ է համարում իրան, թէ ինքը ոչնչով պատճառ չէ դառել ուրիշի կեանքի կարճացնելուն: Այս հարցի պատասխանը ես չեմ պահանջում: Բայց յիշելն անհրաժեշտ եմ համարում,

ըում, որովհետև բաւական չէ դիտնալ, թէ երբ կամ ինչպէս է մարդս վեցերորդ պատուիրանը ոտնակոխ անում, այլ ամեն ոք պարտաւոր է զգոյշ լինել օրէնքը կատարելու համար: Եթէ ցանկանում էք այս առթիւ արդարութիւն ունենալ, նայեցէք Քրիստոսին, որ ողորմած սամարացու առակի մէջ իւր սեպհական պատկերը ցոյց տուաւ և նա մեղնից պահանջում է, որ մենք ոյժ, զօրութիւն ունենանք ողորմած, դթոտ լինելու, սէր ունենանք դէպի մեր նմանները: Այս սիրովն էլ նա յաղթեց աշխարհիս բոլոր չարիքներին, այս սիրոյ զօրութիւնով հեռացրեց յանցանքները՝ իւր կեանքը զոհելով, որպէսզի մենք յաւիտենական կեանք ունենանք: Այս սիրոյ զօրութիւնով կամենում է նա մեզ իւր աշակերտ ճանաչել, սովածներին կերակրել, ծարաւներին խմացնել, մերկերին հագցնել, հիւանդներին այցելել, անկեալներին ոտի կանգնացնել, ջուրն ընկածներին ազատել, անտէրներին խնամել, պաշտպանել (Մտթ. իե. 35—40.)—ահա սոքան են հարազատ սիրոյ սլուողները, որ Փրկիչը իւր աշակերտներից պահանջում է և մենք այն ժամանակ միայն կարող ենք կատարել, եթէ մենք էլ նոյն սէրը մեր մէջ ունենանք, որից խօսք և գործ կբանեն, ինչպէս արմատից՝ ծաղիկ: Ում մէջ Քրիստոսի այս սէրը կայ, այնպիսին ոչ ոքի մարմինն վնաս չէ հասցնում—մարդասպանութեան, եղբայրասպանութեան մտքերը անհետանում են նրա միջից. այնտեղ խանդարուած խաղաղութիւնը վերականգնում է. վէճը հանդարտում է. բորբոքուած բարկութիւնը շիջանում. ամեն ինչ դէպի լաւն է գնում. իւրանքանչիւր ոք պահանջում է ամենին էլ օգնել:

Վեցերորդ պատուիրանին պատկանում է ոչ թէ միայն վատ գործը, այլև լաւ՝ բարի միտքը և սա պահանջում է մարդկային անձնաւորութիւնը սուրբ պահել, որովհետև մարդս Աստու պատկերն է և իւրաքանչիւր անհատ պատկանում է Աստուն և նրան պատասխանատու է իւր կեանքի և մահուան համար:

Բարձր գնահատիր կեանքդ, որովհետև դա աստուածային պարգև է: Բայց զգուշացիր միևնոյն ժամանակ, որ չափից դուրս էլ բարձր չյարգես, վասն զի կան դէպքեր, երբ ամենաբարձր յարգանքն էլ յանցանք կարող է լինել: Իցուք մինը վարակիչ հիւանդութիւն ունի, միթէ իրաւացի կլինի որ բժիշկը խոյս տայ իւր կեանքն ազատելու համար: Եւ կամ հոգևորականը զրսնայ հիւանդին աստուածային վերջին շնորհը՝ սուրբ հաղորդը՝ նրա կեանքի վերջին րոպէում, երբ վտանգ է սպառնում, դիցուք հէնց իւր սեպհական կեանքին:

Այսպէս և այն բոլոր հանգամանակներում, ուր խնդիրը մարդուս կեանքի փրկութեանն է վերաբերում՝ լինի դա կրակից, ջրից . . . : Եւ վերջապէս ս՛վ պիտի խնայէ իւր անձը, երբ խնդիրը վերաբերում է, օրինակի համար, վկայելու մի բարձր ճշմարտութեան և կամ հայրենեաց ազատութեան համար (առաքելաբ, մարտիրոսք) : Ուր Աստուած մեր կեանքը պահանջում է, չպիտի մերժենք : Յիսուս գեղեցիկ օրինակ ցոյց տուաւ մեզ : Նա հարթեց այն ճանապարհը և մեզ պատուիրեց հետևելու իւր շաւղին : Նա առաջնորդում է մեզ դէպի մի վսեմ և երջանիկ կեանք : «Որ կորոյս դանձն (ժամանակաւոր) վասն իմ, գտցէ զնա (այսինքն յաւիտեանական ճշմարիտ կեանքը) (Մտթ. Ժ. 39. Ժգ. 25.) :

Կարգալ տալ Մտթ. Կ. 20—25. I. Թ. ա. Կրթ. Ժգ. 4—7. I. Թ. Յովհ. դ. 20. Սիրաք. լէ. 30—կենդանիների կեանքն էլ մեր հոգատարութեան առարկայ պիտի լինի (Առակք Սող. Ժբ. 10. V. Մովս. իբ. 6.) :

Ե Յ Թ Ն Ե Ր Ո Ր Պ Գ Ս Ո Ւ Ի Ր Ը Ն

«Մի՛ շնար» :

Ինչպէս որ Աստուած մերձաւորի կեանքը իւր պաշտպանութեան ներքոյ առաւ, այսպէս և մերձաւորի պատիւնն է հովանաւորում : Ամուսնութիւնն է այր և կին մարդու ազատ կապակցութիւնը միմեանց հետ ցմահ միասին ապրելու : Ամուսնացողները Աստուծո ներկայութեամբ խոստացել են իրար սիրել և միմեանց չմոռանալ : Նրանք Աստուծո սուրբ սեղանի առաջ խօսք են տուել իրար և երգուել են մինչև իրանց մահը՝ թէ երջանկութեան և թէ թշուառութեան օրերում միմեանց սիրել և ի վկայութիւն այս խոստման, միմեանց են մեկնել իրանց աջ ձեռները : Երբ ամուսինները դրժում են իրանց տուած այս խոստումն, երդումը, ասել է թէ դրանով էլ բեկանում են ամուսնութիւնը : Ամուսնութիւնը չպիտի բեկանուի, լուծուի, այլ սուրբ պահպանել : Աստուած ևս այսպէս է ցանկանում. նա ամուսնութիւնը հաստատեց և օրոշեց որ այր և կին ցմահ միասին ապրեն (Մտթ. Ժթ. 6.)—նա սրանով մի օրինակ տուաւ մեզ : Քրիստոս ինքն էլ այդպէս անբաժան է միացած իրան հաւատացողների հետ :

Մարդը կնոջ գլուխն է (Թ. ա. Նփս. Կ. 23.), իսկ կինը մարդու օգնականն է (I. Մովս. իէ. և II. 18.* :

Իւրաքանչիւր ամուսնութիւն, համաձայն Աստուծո պահանջներին, պիտի ունենայ բարի սկզբնաւորութիւն, բարի շարունակութիւն և բարի վերջաւորութիւն : Այսպէս ուրեմն—

1. *Բարի սկզբնաւորութիւն* : Աստուածանով սկսած գործը միշտ բարի հետևանք պիտի ունենայ : Հնուց ասած է—Աստուծով սկսիր և Աստուծով էլ վերջացրո՛ւ, այս է կեանքի ամենագեղեցիկ ընթացքը : Եթէ ամուսնութիւնը Աստուծո պահանջների վրայ չէ հիմնուած, այլ գեղեցիկ դէմքի, հարստութեան, բարեկամութեան կամ անբարոյական կրից վրայ . . . ասել է թէ ամուսնութեան սկզբնաւորութիւնը վատ է և ինչ կարծիք, որ բարի շարունակութեան վրայ յոյս դնել չենք կարող : Երբ գեղեցիկ դէմքը ժամանակի ընթացքում և կամ որ և է հիւանդութիւնից՝ անցնում է—«Ջի ծնեալն ի մարմնոյ մարմին է» (Յովհ. դ. 6). երբ փողը՝ հարստութիւնը խաղաղութիւն չի բերում. այլ ընդհակառակն բազմիցս դէպի գայթակղութիւն է առաջնորդում, երբ բարեկամութիւնը խաղկ ու խայտառակութեան մէջ է լուծւում. երբ կիրքը անհետանում է և սէքը ի չիք դառնում—այն ժամանակ յառաջ է գալիս այն անբաւականութիւնը, որի հետևանքն է կռիւ և վիճարանութիւն—այս ճանապարհը տանում է մարդուն դէպի յանցանք, որ Աստուած խիստ կերպով արգելում է այս պատուիրանի մէջ—նա տանում, հասցնում է ամուսնական անհաւատարմութեան՝ շնութեան : Ով ամուսնութիւնն Աստուածանով չի սկսում, այդպիսեաց մէջ իսկական սէք չի կարող լինել, ուրեմն և երջանիկ հետևանքի սպասելն աւելորդ է : Ուր սէք կայ, այնտեղ էլ երջանկութիւն. ուր երջանկութիւն՝ այնտեղ էլ խաղաղութիւն. ուր խաղաղութիւն՝ այնտեղ էլ օրհնութիւն. իսկ ուր

* Եթէ սուրբ գրքի մէջ (I. Մովս. բ. 21—24.) պատմում է, թէ կինը մարդու կողից ստեղծուեց, այդ նշանակում է, թէ նրա սրտիցն ստեղծուեց : Աստուած կնոջը մարդու սրտի մօտից ստեղծեց, այնտեղից, ուր կեանքի՝ մարմնու ազնիւ մասերն են : Նրա սրտի մօտից վերցրեց և նրա մօտ բերաւ : Գրա համար մարդ ու կինը մի են, միատեսակ կեանք պիտի վարեն—մի սիրտ, մի հոգի և միաշունչ պիտի լինին : Աստուած կինը մարդուս գլխից շատեղծեց, օրովհետև տ էր, ի շխոյ չպիտի լինէր (կինը) և ոչ նրա ստաներից, որ ստրուկ լինէր, այլ՝ սրտի մօտից, որպէսզի նրա օգնականը լինի, սրտի սիրով օգնէ մարդուն՝ կեանքի կոշմանը ծառայելու համար :


օրհնութիւն՝ այնտեղ էլ Աստուած—ուստի և ամուսնացողները մեծ զգուշութեամբ պիտի ընտրութիւն անեն, թէ տրդե՞ք սիրտը սրտին յարմարում է, ըստ որում սխալանքը շուտով է նկատուում, իսկ զղջմանը վերջ չկայ: Եւ երբ սկզբնաւորութիւնը լաւ է, ինչ կարծիք որ՝

2. *Շարունակութիւնն* էլ վատ չի լինի: Լաւ ամուսինները կեանքի մէջ կանոն պիտի անեն Հոութի խօսքերը. «Ուր դու երթայցես՝ երթայց... ժողովուրդ քո՝ ժողովուրդ իմ. եւ Աստուած քո Աստուած իմ, եւ ուր մեռանիցես մեռայց. բայց թէ մահ մեկնեսցէ ընդ իս եւ ընդ քեզ»: Լաւ ամուսինների մէջ իմ և քո ասածը չպիտի լինի, այլ՝ ամեն ինչ ընդհանուր: Ոչ ոք չպիտի ասէ, թէ սա իմ ուրախութիւնն է, դու մասը չունիս և կամ՝ սա քո հոգալուն է, ինչ չէ վերաբերում: Ամուսնացող մարդոց առածն այս պիտի լինի—երկու հոգի՝ մի մտածմունք, երկու սիրտ՝ մի բաղխումն, և կամ քո վիշտը՝ իմ վիշտն է, իմ ուրախութիւնը քո ուրախութիւնն է. քո կարիքը իմ կարիքն է...: Նրեք զեղեցիկ բան կայ, որ Աստուծոն և մարդուն զուրեկան են—եղբարների միաբանութիւնը, սէր առ մերձաւորս և այր ու կնոջ միմեանց գալը՝ յարմարութիւն: Այն սէրը, որ իւր արմատը ճշմարիտ յարգանաց մէջն ունի, կարող է ամուսնացող զոյգերի համար հաստատ գրաւական լինել, որ նրանք սէր և երկիւղ կունենան գէպի Աստուած: Նրբ սյսպէս է, այն ժամանակ մինը օգնում է միւսին կեանքի բոլոր կարեաց մէջ. կինը վշտակիր է դառնում մարդուն նրա բոլոր ձախորդութեան ժամանակ. կինը նրա կարեկիցն է և օգնականը բոլոր վշտերի ժամանակ. կինը մարդու խորհրդականն է—բաժանած ուրախութիւնը կրկնակի ուրախութիւն է, բաժանած ցաւը՝ կէս ցաւ է: Այն ժամանակը մարդը կնոջից ոչինչ անարդար բան չէ պահանջում, այլ սիրով է բնակւում նրա հետ և տալիս է նրան, որպէս իւր թոյլ մասնի, իւր յարգանքը, պատիւը. այն ժամանակ մարդը կնոջն աղախնի տեղ չէ ընդունում և բարկացած ժամանակ նրա հետ անբաւականութիւն չէ ունենում: Այն ժամանակ կինը տիրապետում է մարդուն իւր հնազանդութեամբ, հեղութեամբ և իւր համբերութեամբ խորակում է այր մարդու բարկութիւնը: Այն ժամանակ մինը միւսի վիշտն է կրում—մինը միւսին տեղի է տալիս՝ ներում է և եթէ մինը միւսին նեղացրել է, ներողութիւն է խնդրում յանցաւոր կողմը և երկուսն էլ աշխատում են սիրով, կարեկից, համբերող ու խաղաղասէր լինել: Այն ժամանակ ամուսնական հաւատարմութիւնը զօրանում է. այն

ժամանակ մարդը կնոջ բերած օթիւրը չի վատնում և իւրայիններին հացի կարօտ դարձնում. կինը եկուոր, օտար ոմն չէ, այլ՝ տանտիկին: Համեստ, ողջախոհ կինը տիրում, իշխում է ընտանիքի մէջ, իմաստուն կերպով կառավարում է ընտանիքը. խրատում, կրթում և դաստիարակում է որդեց: Այն, ընտանիքը կնոջ աշխարհն է—նա խնայող է. տան մէջ կարգ ու կանոն է պահում, այնպէս որ մարդն իրան երջանիկ է զգում ընտանեկան շրջանի մէջ: Այս պայմաններում մարդը չոր հացով էլ ուրախ սեղան է նստում, որովհետեւ ուր սէր կայ սեղանի վրայ, այնտեղ Աստուած ևս սեղանակից է, այն ինչ կուտասէր ամուսինները ամեն ինչ զօրեք են դարձնում: Այդ տեսակ շրջանում տիրում է ջանասիրութիւն և աշխատելու ձգտում—մարդը իւր հանգստութիւնը դուրսը՝ հիւրանոցներում չէ փնտռում... և կինը փողոցները չէ չափչփում և խնջոյքներում որոնում իւր բաւականութիւնը: Այդ տեսակ կանանց կոչուացած ձեռներին բողոչկներն (մագոյ) աւելի են սպում՝ քան թէ ոսկէ մատանիները: Կանանց զարգը ըստ *Ի. թուղթ. Պետրոսի. գ. 2—4.* պիտի լինի—«Որոց լինիցի ոչ արտաքուստ հիւսիւք եւ ոսկեհոս ծամակալօք կամ պաճուճեալ զգեստօք զարդ, այլ ծածուկ սրտին մարդն անեղծութեամբ հեղութեան և հանդարտութեան հոգւոյն, որ է առաջի Աստուծոյ բազմապատիկ»: Նրբ ամուսնական կեանքը այս տեսակ յատկութիւններով է զարգարուած, այն ժամանակ ամուսինները աղքատութեան մէջ ևս հարուստ են, տան անկիւններում ևս հրեշտակներ են փափրսում. մինը միւսին իւր ցաւն է յայտնում. ցաւը վիշտը բաժանում են իրար մէջ, ինչպէս և ուրախութիւնը. ամուսիններն անհաւատարմութեամբ չեն մրցում իրար դէմ. առիթներ չեն որոնում միմեանցից հեռանալու, այլ երկուսն էլ սիրոյ և խաղաղութեան մէջ են: Այն ժամանակ ընտանեկան նեղութիւնը, ցաւը, վիշտը—խաչը, որ Աստուածանից սահմանուած է, հեղութեամբ և համբերութեամբ տանում են, որովհետեւ առանց վշտի քաղցրութիւն չկայ: Նրբ ամուսնութիւնը այս ձեւով սուրբ կպահպանուի, ի հարկէ շարունակութիւնն էլ և

3. *Վերջաւորութիւնն* էլ լաւ կլինի: Բարի վերջաւորութիւն կլինի, երբ Աստուած ինքը կրթանէ ամուսնացողներին: Լաւ ի միտաւ, Աստուած պիտի բաժանէ՝ լուծէ ամուսնութիւնը և ոչ թէ ամուսինները: Չոր Աստուած զուգեաց մարդ մի մեկնեսցէ (Մտթ. ժթ. 6.): Նրբ ամուսնացողներն իրանք են բաժանում իրարից. երբ ամու-

սինները հայհոյում և խայտառակում են իրար՝ սիրոյ և յարգանքի փոխարէն. երբ զոյգերը անվերջ վիճաբանութեան մէջ են՝ մոռանալով որ Աստծու ներկայութեամբ ցմահ սիրով ապրելու խոստում են արել—ի հարկէ այնտեղ բարի վերջաւորութիւն չպիտի որոնել: Վիճող զոյգերի մէջ կարելի է տեսնել ամուսնական անհաւատարմութիւն, երգմնազանցութիւն, խարդախութիւն . . . : Ուր ամուսնական անհաւատարմութիւն կայ, այնտեղ մեղքը՝ յանցանքը ներկայ է. ուզում է յանցաւորութիւնը մի կողմից, կամ միւս կողմից, ուզում է երկու կողմից ևս լինի, ողջ մէկ է: Ամուսնական անհաւատարմութեան յանցանքն այն աստիճան մեծ է Աստծու առաջ, որ սուրբ գիրքն այդպիսիներին գողերի, աւագակների և մարդասպանների դասն է կարգում: (Նրեմիա է. 9.). այդպիսիների համար ասած է. «Պուռնիկը ոչ ժառանգեն զարքայութիւնն Աստուծոյ» (Ի. թ. ա. Կրթ. գ. 9. 10.): «Ջշունս եւ զպուռնիկս դատի Աստուած» (թ. ա. Նբր. ժգ. 4.): Նրբ ամուսնութիւնը (սրտում) լուծուել է և մարդը կնոջից (սրտում) բաժանուել է, այն ժամանակ Աստծու դրած կանոնը եղծուել է և որոշ հանգամանքների ներքոյ՝ զոյգերի խստասրտութեան առթիւ իշխանութիւնը հեռացնում է միմեանցից ամուսիններին, բայց ոչ լուծում ամուսնութիւնը՝ պակշ: Ամուսինները, որ ներքուստ բաժանուած էին, արտաքուստ ևս բաժանուում են: Նթէ մարդս մըտածելու լինի, թէ որպիսի չարիքներ են յառաջանում ամուսինների բաժանուելուց, հերիք է յիշել Սողոմոնին (իմաստութիւն գ. 16.), որ ասում է, թէ «որդիք շնացելոց թերակատարք եղիցին». այն ժամանակ ամուսնացողներին կմնար լաւ, շատ լաւ մտածելու և հոգալու, թէ ինչպէս անեն, որ ամուսնութիւնը բարի սկզբնաւորութիւն, բարի շարունակութիւն և բարի վերջաւորութիւն ունենայ: Այդպիսիների ականջին միշտ և հանապազ պիտի հնչէ—Աստուծով սկսիր, Աստուծով էլ վերջացրու, սա է ամենալաւ կենցաղավարութեան եղանակը:



Ամուսինների բաժանման գլխաւոր պատճառներից մինն էլ բողջախոհութիւնը և անժուժկալութիւնն է: Այս երկու յանցանքը արմատ է դառնում շատ ուրիշ յանցանքների: Մի նշանաւոր քարոզիչ ասել է—անժուժկալութիւնն ու բողջախոհութիւնը չորս անկարգ որդիք ունին—նրանց անուններն են՝ անգործութիւն, արեցցութիւն,

հեշտասիրութիւն, վէպ: Այս անժուժկալութիւն և բողջախոհութիւն կոչուած յանցանքներից պիտի զգուշանան ոչ թէ ամուսնացողները միայն, այլ և երիտասարդներն ու կոյսերը, պատանիք և աղջկերք: Այն՝ ինչ որ ամուսնացողներին է վերաբերում, մէկդի թողնենք և զբաղուենք այն հարցով, թէ պատանիներն ու աղջիկները ինչ պիտի անեն:

1. Պատանիներն ու աղջիկները ժուժկալ և ողջախոհ պիտի լինին: (Ողջախոհ նշանակում է համեստ, պարկեշտ): Թէ դուք ժուժկալ և ողջախոհ էք, կարող էք իմ առաջարկելիք հետևեալ հարցերից իմանալ, որոց համար ոչինչ պատասխան չեմ պահանջում ես*: Արդեօք դու կարգուցել ես այնպիսի գրքեր, որոց պարունակութիւնը դու սիրում ես ծածուկ պահել և երբ քո ծնողները կամ մի որևէ կարգին մարդ հարցնելու լինի, դու իսկոյն կարմրում ես: Այնպէս չէ, որ դու սիրով ես լսում անվայել խօսակցութիւններ: Առանձին եղած ժամանակը ուրիշներից լսած անկարգ երգեր ես երգում և այնպիսի կատակներ ես անում, որի համար լաւ տղան, աղջիկը «փուռ» կասէր ու կանցնէր: Սիրով չէս կանգնում այնպիսի մարդ-

* Ուսուցչի համար ծանր խնդիր է այս հարցի մասին խօսել սաների հետ: Կան դաստիարակներ, որնք յարմար են համարում թողնել այս զուլը, ոչինչ չխօսել այդ մասին: Արդեօք իրաւացի է այդ մաները, որ նոր են ոտք դրել շար ձանապարհի վրայ, արդեօք մեր խորհրդներով չէինք կարող նրանց յետ կանգնեցնել մտխրութիւնից: Մեր ժամանակի սաները՝ նայած իրանց հասակին, այս նիւթի վերաբերմամբ աւելի գիտեն՝ քան թէ պիտի գիտենային: Այս բանը նկատելի է շատ սաների մէջ—աւելի քաղաքներում՝ քան գիւղերում, աւելի տղաների՝ քան աղջիկների մէջ: Պէտք է հարցնել շտապութեամբ, հանդիստ կերպով՝ խաղաղ հոգով՝ միայն շարունակ նայելով նրանց դէմքերին, աչքերին: Չատ երեսայք անմեղութեամբ են նայում, սովորական ձևով, ամենևին չեն գուշակում այն ինչ որ կամենում ես ասել—զբանք անմեղ են, դեռ ևս չեն փշացել: Ես կարծում եմ, յոյս ունիմ, որ իմ այս խօսքերը ձեզ համար մի օր պահապան հրեշտակ կլինին, երբ զայթակրութեան մէջ կընկնէք: Ոմանք հազիւ թէ նայում են ուսուցչին, աչքերը վար են ձգում. այդպիսիները կարմրում են, մի տեսակ անսխորթ զրութեան մէջ են, հազիւ թէ կարողանում են իրանց ներքին անհանգստութիւնը ծածկել, անդադար շուտ ու մուտ են գալիս—զբանք յանցանքից վարակուածներն են: Երբորդ տեսակը սառը, խիստ, դաժան ձևով է նայում, կարծես ուզում է ասել—ինչ որ ես զգում եմ, չես կարող իմանալ. դա ամենավատ նշանն է: Խիստ պիտի հսկել, սիրով խօսել այդպիսիների հետ, ծնողաց հետ խորհրդակցել . . . : Ամօթխածութիւնը նման է քնքոյշ բոյսի, որին կոշտ ձեւներով չպիտի բռնել: Ուսուցչի մասնաւոր հոգացողութեան առարկան է, թէ ինչ ձևով պիտի վարուի այդպիսիների հետ:

կանց մօտ, որոնք անկարգ բաների մասին են խօսում և ժամերով լսում նրանց. չի պատահել քեզ, որ նրանց արտասանած շատ խօսքերից կարմրել ես: Սիրով չե՞ս նայում այնպիսի պատկերների, որոնք քո մէջ չար մտքեր են ծնեցնում: Արդեօք քո մէջ բաւականութիւն չես զգացել անկարգ բաների վրայ մտածելով: Նրեկոյեան՝ երբ մըթնում է, սիրով չե՞ս գնում փողոց և հարևանի տղաների կամ աղջիկների հետ անվայել բաների մասին խօսում: Նրբ անկողին ես մշտնում, այնպիսի երազներ չե՞ս տեսնում, որ կամաչէիր ուրիշին պատմել: Այս հարցերի ոչ մինի պատասխանը չե՞մ պահանջում ձեզանից. ես կամենում եմ, որ դուք լաւ մտածէք այս մասին, որ ձեր սիրտը մաքուր լինի. անկարգ, անվայել բաների մասին չմտածէք. ձեր բերանը ի ստակ, մաքուր պահէք. վատ-վատ խօսքեր չլսուին ձեր բերնից. կցանկայի, որ ձեր ձեռքը ևս ազատ լինէր անկարգ գործերից: Քանի որ դեռ ևս դէմքի վրայ նկատում է կարմրութիւն, ամօթխածութիւն, այնքան ևս յոյս կայ, որ օգնել, ուղղել կարելի է այդպիսիներին: Նրբ պակասում է ամօթխածութեան կարմրութիւնը, ինչքան էլ սուրբ ներկայանայ մի աղջիկ կամ տղայ, այդ նշանակում է, որ անմեղութիւնը կորել է, սիրտն այլ ևս մաքուր չէ և Աստուած չէ բնակում այնտեղ: Հաւատացէք, մանուկներ, որ Աստուծուն հաճելի է միայն ժուժկալ և ողջախոհ սիրտը: Ոչ մի գեղեցիկ գովասանք չկայ՝ քան թէ որ ասում ենք—ինչ աստուածավախ տղայ է, կոյս է, ինչ պատուաւոր, ողջախոհ երիտասարդ է: Ոչինչ մեծ բան չկայ՝ քան խորշկը վատ խօսակցութիւնից և արտասանել ազնիւ խօսքեր. ատել այն ամենը՝ ինչ որ անկարգ է և սիրել բարին ու գեղեցիկը: Այսպիսի ողջախոհներին է պատկանում Աստուծո օրհնութիւնը—«Նրանի՛ այնօցիկ, որ սուրբ են սրտիւք» (Մտթ. ե. 8.): Դրա համար ևս Աստուծո խօսքը յորդորում, խրատում է մեզ և ինչ սրտագին ձևով—«Այսուհետև, եղբւրք, որ ինչ ճշմարտութեամբ է, որ ինչ պարկեշտութեամբ, որ ինչ արդարութեամբ, որ ինչ սրբութեամբ, որ ինչ սիրով, որ ինչ համբաւ բարեաց, որ ինչ քաջութեամբ, որ ինչ գովութեամբ, զայն խորհեա՛լիք. (թ. ա. Փիլ. դ. 8.): Դրա համար լաւ տղան պիտի խնդրէ և ասէ. «Տէր, Հայր եւ Աստուած կենաց իմօց, դբօսանա աչաց մի տար ինձ, եւ զցանկութիւն սրտի գարձս յինէն: Յանկութիւն որովայնի եւ գիշութիւն մի հասցեն ինձ. եւ անձին լրբենոյ մի մատներ զիս» (Սիրաք իգ. 4—6): Աստուած սիրով է լսում և կատարում այսպիսի աղօթքներ: Նա իւր անելիքը

կանէ, եթէ մենք էլ մերն անենք: Բայց ինչ է այն բանը, որ դուք պիտի անէք:

Մի խաբէք—«ապականեն զբարս քաղցունս բանք չարք» (Լ. թ. Աորնթ. Ժե. 33.): «Որդեանկ, մի խաբեսցեն զքեզ արք ամբարիշտք, եւ մի ախորժեսցես, եթէ կոչեսցեն զքեզ» (Առակաց ա. 10.): Մտիկ արէք, տղայք, աւելի լաւ է միայնակ լինել՝ քան թէ վատ հասարակութեան մէջ: Նրեկոները աւելի լաւ է տանը միայնակ լինել՝ քան թէ փողոցային մարդոց մօտ: Ուր որ սկսում են անկարգ խօսել, այնտեղից վեր կաց և հեռացիր: Հեռի փախիր յանցանքից՝ ինչպէս օձից՝ ապա թէ ոչ քեզ կկծէ: Հեռի փախիր անամօթ տղերքից, որոնք իրանց անվայել խօսքերով անմեղներին այնպիսի պատմութիւններ են անում, որ վերջինները մինչև ականջները կարմրում են: Հեռի փախիր այլ և այնպիսի տեղերից, ուր մի լաւ տղայ իւր անմեղութիւնը գայթակղութեան պիտի ենթարկէ: Որանդ քո փողը գողանում, խլում են քեզնից, դու այլևս այնտեղ չես գնում, բայց անմեղութիւնն աւելի բարձր է՝ քան փողը: Շատ բան կայ, որ արտաքուստ լաւ է երևում. շատերն են հաւանում, բայց և այնպէս ծածուկ կերպով թունաւորում են անմեղութիւնը: Կան այնպիսի աշակերտուհիներ և աշակերտներ, որոնք ծածուկ կերպով անհամապատասխան գրքեր են կարդում և կարծում են թէ օգտուէտ բան է: Մի քանի տղաներ էլ կամ ծածուկ, կամ ծնողաց գիտութեամբ պարահանդէսներ են յաճախում, ուր և սլարում են—արդարև բաւականութիւն են գտնում, բայց հետևանքն իրանց ամբողջ կեանքի ընթացքում տուժում են: Լաւ տղան հեռի կմնայ այն ամեն տեղերից, որոնք կարող են նրան վաղաժամ գայթակղեցնել: Եթէ դու կամենում ես հեռի մնալ անկարգ մտածողութիւններից, այն ժամանակ պիտի խուսափես

2. Ծ ու լ ու թ իւ լ ն ից: Ով ցերեկը ջանասիրութեամբ է աշխատել, այնպիսին դիշերը խաղաղ մտքով է քնում: Դրա հակառակ՝ պարապութիւնն ամեն չարեաց մայրն է, այլև սկիզբն է անպարկեշտութեան, բողջախոհութեան:

3. Հեռի ան ժ ու ժ կ ա լ ու թ իւ լ ն ից, զ ե ղ ի ս ու թ իւ լ ն ից: Անկարգ կեր ու խումը շատերին է անբարոյականացրել, որովհետև ուր գինու, օղու, գարեջրի... պղտոր ոգին մարդոց մէջն է մտնում, մաքուր, սուրբ հօգին պիտի հեռանայ այնտեղից: Նրկու զանազան տեսակ ոգիներ միևնոյն սրտի մէջ չեն կարող ապրել: Ժուժկալ և չափաւոր կեանք վարողը գիտէ, թէ ինչ անէ այդպիսի հանգաման-

քում—նա պատերազմի մէջ է, նա Աստծու պատուիրանն աչքի առաջ ունի: Սրա համար եղիբ ժ ու ժ կ ա լ, չ ա փ ա լ ու ը և հ ս կ ի ՚ ր ք ու անձին: Այն,

4, Հ ս կ ի ՚ ր: Անմեղութեան գայթակղիչներն ամեն ուրեք պտըտում են: Աթէ գայթակղիչը արտաքոյ քո չէ, այն ժամանակ քո մէջ կարող է լինել—Ձի ի սրտէ ելանեն խորհուրդը չարք, սպանութիւնք, շնութիւնք... գողութիւնք, սուտ վկայութիւնք, հայհոյութիւնք» (Մտթ. ժէ. 19): Չար ցանկութիւնը դարանի է մտած—վայ այն մարդուն, որ չի հսկում իրան և իւր անձը նրան է մատնում—«Նրբ մարդիկ քնեցին, չարը եկաւ և որոմը ցանեց ցորենի մէջ»: Գայթակղութեան անունը քաղցր է հնչում, բայց դառն և զարհուրելի են բողջախոսութեան հետևանքները: Սիրտն արէկոծող ծովի է նման: Մարմինը թառամում է հիւանդ բոյսի նման: Քանի-քանի տղաներ և աղջիկներ վաղահաս գերեզման են մտել բողջախոս կեանք վարելու պատճառով: Քանի-քանի երիտասարդների ոյժն ա զօրութիւնը խլել, յափշտակել է այս մոլութիւնը: Մնողաց օգնող երիտասարդներն իրանք կարօտ են ծնողաց օգնութեան. ծնողը որ պիտի խնամէր, պահպանէր իւր գաւակին, այժմ գերեզման պիտի տանէ: Ուստի «բայց, զոր ձեզդ ասեմ, ամենեցուն ասեմ, արթնն կացէք»—հսկեցէք: Այն, «արթուն կացէք և աղօթն արարէք, զի մի անկանիցիք ի փորձութիւն» (Մտթ. իդ. 41):

Ա դ օ թ ի ՚ ր: Թուշունը, որ քո գլխի վրայով անցնում է, նրան ոչինչ անել չես կարող, բայց երբ նոյն թուշունը քո գլխում բներ է շինում, այդ դէպքում դու ամեն ինչ կարող ես: Այսպէս էլ չար մտքերն են՝ հակառակ մարդու ցանկութեան, առանց սպասելու՝ լոյս են ընկնում չար մտքերը: Մարդոց պարտքն է, մարդկային յատկութիւն է արհամարհել, հեռացնել չարը: Ինչպէս ձուից ձուտեր են դուրս գալիս, այսպէս էլ մտածողութիւնից գործ է ծնում: Այս տեսակ հանգամանքում ոչ մի պաշտպանողական գէնք չկայ այդ թշնամու դէմ, բացի աղօթելուց: Նրբ ես անկողին եմ մտնում, քո մասին եմ մտածում, ասում էր Դաւիթը: Նրբ չարը գալիս լինի, յիշիր ամենագէտ, ամենին մօտիկ Աստծուն, յիշիր սաղմոսերգուի խօսքը—տէր, կարդացի առ քեզ և լուր ինձ, նայեա՛ ի ձայն աղօթից իմոց ի կարգալ իմում առ քեզ: Ուղիղ եղիցին աղօթք իմ, որպէս խունկ առաջի քո տէր, համբարձումն ձեռաց իմոց, պատարագ երեկոյի: Դի՛ր տէր, պահապան բնրանոյ իմոյ և դուռն ամուր չրթանց իմոց, զի՛ մի՛

խտորեցի սիրտ իմ բանիւ չարութեան: Ի պատճառել զպատճառս մեղաց ընդ մարդս՝ որ գործեն զանօրէնութիւն, ոչ եղեց կցորդ ընտրելոյ նոցա» (Սաղմ. ձխ. 1—4): Մի լուր, ասա՛ Յովսէփի հետ—«Ջիւարդ առնիցեմ զբանդ զայդ չար և զմեծ և մեղանչիցեմ առաջի Աստուծոյ» (Լ. Մովս. լթ. 9): Յիշեցէք մեր Յիսուս Քրիստոսին, որ փորձութեան մէջ ընկաւ, բայց թոյլ չտուաւ, որ գայթակղիչը գայ և իրան դաթակղեցնէ: Այս տեսակ հանգամանքում աղօթքի միջնորդութեամբ պիտի հաւաքել բոլոր ոյժերը և անվեհեր կերպով պատերազմ յայտնել չարին: Աթէ դու այս տեսակ ըսպէներում բարի նախաբաններով կբաւականանաս, կնմանիս այն թիթեռին, որ երեկոները պաւտում է լապտերի շուրջը: Նա թէև չի ուզում լապտերի մէջ մտնել, բայց և այնպէս անկարելի է որ մի անգամ շատ չմօտենայ լուսին և թշուառ ձեով վերջ չդնէ իւր կեանքին՝ այրուելով լուսոյ ջերմութեան մէջ: Նրբ դու քո ապաստանը Աստծու մօտն ես որոնում և այնտեղ մնում, երբ դու քո բոլոր ոյժը չարի՛ բողջախոսութեան և անժուժկալութեան դէմ ես դարձնում, այն ժամանակ միայն դու ապահովուած ես քո թշնամիների դէմ: Լաւ ի միտ առ, «որ համարիցի հաստատուն կալ, զգոյշ լիցի, գուցէ անկանիցի (Լ. թ. ա Կրնթ. ժ. 12):

Ո Ւ Թ Ե Ր Ո Ր Դ Պ Ա Տ Ո Ւ Ի Ր Ա Ն

«Մի՛ գողանար»:

Քո մերձաւորի սեպհականութեանը ձեռնամուխ մի լինիր—անաութերորդ պատուիրանի իմաստը: Մարդս զանազան ձեով կարող է սեպհականութիւն ձեռք բերել: Նախ՝ արգար, կանոնաւոր եղանակով (աշխատանքով, մշակութեամբ, վաճառականութեամբ, ժառանգութեամբ...) և ապա՝ անարգար, անկանոն ճանապարհով (զողութեամբ, յափշտակութեամբ): Վերջին ձևի մասին է ութերորդ պատուիրանի խօսքը, ուր որոշ կերպով արգելում է ամեն տեսակ անկանոն սեպհականութեան ձեռք բերելը—բացէ ի բաց մերժում է յափշտակութիւնը:

Յափշտակութեան վերաբերութեամբ, եթէ լսելու լինինք մարդոց դատողութիւնքը, պիտի ասենք, որ աւելորդ է ութերորդ պատուիրանը, աշխարհումս ամեն ինչ ազնիւ ճանապարհով պիտի ընթանայ: Մարդիկ թոյլ են տալիս իրանց ստախօս, անաստուած, չա՛

բաթը կտարող, կիրակէն չպահող անուանել, բայց ոչ յափշտակող, գող: Այս խօսքից ամենքն էլ սարսափում են: Արդեօք եկել, հասել է այն երջանիկ ժամանակը, որ այլ ևս բանտերի կարիք չունենանք: Յկէք մի անգամ փոքր ինչ խստութեամբ, ըստ Աստուածային բանի, քննենք, թէ այս պատուիրանն իրականութեան մէջ ինչպիսի յարաբերութիւն ունի յանցանքի հետ և թէ առհասարակ մարդիկ ինչ են հասկանում յափշտակութիւն ասելով:

Եթէ մի «գողանար» ասելով մարդս մտածէ միայն գողերի ու աւագակների վրայ, որոնք ճանապարհի անկիւններում դարանակայ են լինում և անցորդների ունեցածը ոյժով խլում են (գործրինակ ողորմած սամարացու առակը) և կամ եթէ գող ենք անուանում նոցա, որոնք հարևանի տունն են կոտորում կամ թաք են կենում և յափշտակում նրա փողը, հանդերձը, կեանքը . . . անարդարձ ճանապարհով, այն ժամանակ ի հարկէ պատուաւոր մարդկանց թիւը շատանում է, իսկ գողերինը՝ փոքրանում: Կան մարդիկ, որոնք ոչ թէ աստուածային պատուիրանը պահելու մտօք են կատարում «մի գողանար», այլ բանտ նստելու երկիւղն է, որ ստիպում է նրանց զսպելու իրանց ցանկութիւնը: Արդեօք բացի վերոյիշեալներէից, ուրիշ տեսակ գողեր չկան. միթէ հէնց այս երկու տեսակ մարդիկն են արժանի այս եպերելի անուան: Գող չէ՞ նա, որ իւր հարևանի ագարակի սահմանը փոխում է և ծածկաբար մի քայլ հեռու՝ դէնն է տընկում իւր սահմանաքարը: Գող չէ՞ նա, որ հարևանի պարտիզի պտուղները քաղում է և կամ գողունի անցնում է դրացու արտը և տանում է նրա խուրճերը և այսպէս հնձում է՝ ինչ որ չէ ցանել: Գող չէ՞ նա, որ իրան հաւատացած աւանդը (օր. դերձակը՝ կտորը, ջրաղացպանը՝ ցորենը . . .) կամ գողացած իրը թաղցնում է և գտածը յետ չի վերադարձնում: Գող չէ՞ նա, որ ընկերից մի բան ուզում է և վերջը կամ ուրանում է և կամ փչացրած վերադարձնում: Գող չէ՞ նա, որ մշակի քրտանց վարձը կամ կտրում է կամ մասամբ է տալիս և կամ գանազան խոստումներով ձրի աշխատեցնում է: Գող է այլև այն բաները, որ վարձ է պահանջում, բայց կանոնաւոր ձևով աշխատելու փոխարէն, իւր ժամանակը խօսակցութեամբ է անցկացնում և այսպէս Աստուած աշխատանաց ժամը գողանում է: Գող է այն վաճառականը, որ վատ ապրանքը լաւի տեղ է ծախում կամ կեղծ չափ ու կշիռ է գործածում: Կեռ Մովսէսը իւր երկրորդ օրինաց գրքի իե. 13-15. ասում է. «մի լինիցի յամանի քում կշիռ և կշիռ մեծ և

փոքր. և մի լինիցի ի տան քում չափ և չափ, մեծ կամ փոքր, կշիռ ստոյգ և արդար եղիցի քեզ, և չափ ստոյգ և արդար եղիցի քեզ, զի բազմօրեայ եղիցին ի վերայ երկրի, զոր տէր Աստուած քո տացէ քեզ ի ժառանգութիւն»: «Մի առնիցէք անիրաւութիւն ի դատաստանի, ի չափս և ի կշիռս և ի զոյգս: Զոյգք արդարք և կշիռք արդարք, և չափք արդարք և կապի՞ճ արդար լինիցի ձեր» (III. Մովս. իթ. 35-36): Գող է այն վարպետը, որ տեսնելով իւր մուշտարու անփորձութիւնը, բարձր գին է պահանջում. գող է և այն մուշտարին, որ արդար վաստակի գինը կամ սկսկաս գնով է վճարում կամ կեղծ դրամով և կամ ծախողին այս կամ այն միջոցով ստիպում է վնասով վաճառելու: Նրբ գնողը և վաճառողը փոխադարձ սակարկութեան մէջ են մտնում, ասել է թէ միմեանց չեն հաւատում և ամեն մինը դիմացինին անհաւատարիմ ունէ է ընդունում: Գող է այն սլարտապանը, որ փոխ է առնում, նախապէս համոզուած լինելով, որ անկարող է վճարելու և կամ չի կամենում վճարել: Գող է նա, որ իւր քաղցր լեզուով, բայց նենդ մտքերով, սողոսկում է ընկերի գրպանը և դուրս կորզում նրա դրամը: Գող է այն վաշխառուն, որ մերձաւորի կարիքը նկատելով, մեծամեծ տոկոսներ է պահանջում և կամ իւր ունեցածը մեծ գնով վաճառում: «Նե եթէ արծաթ փոխ տայցես եղբօր քում, որ աղքատ իցէ սու քեզ, մի՛ ճեպեսցես զնա, և մի՛ արկանիսնես նմա տոկոսս: Նե եթէ գրաւեսցես զբաճկոն ընկերի քոյ, նախ քան զմտանիլ արեւու՝ դարձուցես անդրէն, զի այն է վերարկու նորա, և և այն է հանդերձ առականաց նորա, որով ննջիցէ, և եթէ բողբոջիցէ առ իս, լուայց նմա, քանզի ողորմած եմ» (II. Մովս. իբ. 25. 26. 27.): Մի առնիցես ի նմանէ (յեղբօրէ) վաշխ և տոկոսիս, և երկընչիցիս ի տեառնէ Աստուծոյ քումմէ, զի ես եմ տէր. և կեսցէ եղբայր քո ընդ քեզ, զարծաթ քո մի՛ տացես նմա ընդ տոկոսեօք, և զկերակուր քո մի՛ տացես նմա չարիաթիւ. III. Մովս. իե. 26. 37.): Գող է այն մուրացկանը, որ թէև ոյժ ունի և հանգամանքը ներում է նրան իւր պատաս հացը քրանքով վաստակելու, բայց աշխատել չի կամենում, այդպիսիք ցերեկով մուրացկան, իսկ երեկոները գող են և ինչ կարծիք, որ այդպիսիք ոչ թէ իրանց աշխատած հացն են ուտում, այլ՝ օտարի: Գեղեցիկ է ասում Սիրաքը. «Որդեակ, զկեանս մուրողութեան մի՛ կեար, լաւ է մեռանել քան զմուրանար» (Սիրաք խ. 29.): Գող է այն խնամակալը, որ իրան խնամքին յանձնուած որբերի և այրիների գոյքը իւր օգտին է գործ դնում: Այսպէս՝

ամենուրեք լի են գողերով, նրանց տեսակը բազմազան է: Գողեր կարելի է գտնել և՛ քաղաքներում, և՛ գիւղերում, և՛ դաշտերում, և՛ անտառներում: Գողեր կան, որոնք մաքուր հագնուած են, ման գալիս էլ գլուխները բարձր են բռնում: Գողերն ունին իրանց մեծը՝ առաջնորդը. նրանք աշակերտներ ևս ունին, որոց սովորցնում են, թէ ինչպէս պիտի գողանան: Գողեր կան և՛ հարուստ, և՛ աղքատ, և՛ բարձր, և՛ ստորին դասակարգերի մէջ: Գող է այն գաւազը, որ ծնողաց սեպհականութիւնը ծածուկ, առանց նրանց գիտութեան վերցնում և ծախում է, որ ծնողների պահարանից այս կամ այն իրը առնում է և դրանով խաբոււմ իւր ընկերներին՝ ասելով որ պարզ և ստացել—նրանք չգիտեն, որ խաբելու և գողութեան մէջ մօտիկ ազգականութիւն կայ: Գող է այն ծնողը, երբ մարդը կնոջ սեպհականութիւնը տանուլ է տալիս թղթախաղում կամ արբեցութեամբ և կամ կինը մարդու կարողութիւնը աննպատակ զուարճութեանց վրայ է գործ դնում, պճնւում է և այլ այսպիսի աւելորդութեանց զոհում ամուսնու և որդւոց պատիւն ու կեանքը: Գողանում է պաշտօնեան, քահանան, ուսուցիչը, երբ իւր ուժիկը, հասոյթն ստանում է, բայց իւր պարտաւորութիւնը չի կատարում: Գող է այն հպատակը որ ծածկում է իւր կարողութիւնը, որպէսզի տէրութեան հասանելի հարկը լիովին չվճարէ:

Այսպէս ուրեմն՝ մենք տեսանք, որ ամեն ոք թոյլ է տալիս իրա մասին շատ բան ասել, բայց ոչ երբէք գող: Սրա համար էլ ոչ մի պատուիրան այնքան արդարանալու միջոցների չի դիմում, որքան «մի գողանարը»-ը: Մինն ասում է—գու խիստ ևս դատում, պէտք է փոքր ինչ այլ ձևով վարուել: Բայց ո՞րն է այլ ձևով վարուելը, ո՞րն է այն չափը, աստիճանը, որով կարելի լինէր որոշել այլ ձևւով: Նւ կամ՝ կարո՞ղ ես ինձ սպացուցանել, որ Աստուած ամեն մի մեծ թէ փոքր շանցաւորի համար՝ լինի նա իշխանութիւնից պատժուած թէ ոչ, այն կամ ոչ վճիռը կասէ: Միւսն ասում—պէտք է ներողամիտ լինել, միթէ՞ մի քանի կոպէկի, մի բուռն ցորենի կամ մի քանի հատ պտղի համար արժէ...: Բայց ո՞րտեղ է գրած թէ մեծ բաները չի կարելի գողանալ, իսկ դրա հակառակ՝ թոյլատրած է փոքր իրերը գողանալ: Աւագի հատիկը շատ փոքր բան է, երբ մինը վարժուում է այդ տեսակ բաներում, նա յետոյ լեռներն էլ է սեպհականում—ձուլի գողը ձի էլ է գողանում: Շատ օրինակներ կան, որ փոքրիկ կոչուածը մեծամեծ հետևանքներ է ունեցել. վասնզի ինչ որ

մարդոց աչքում փոքր է թուում, Աստուած աչքում փոքր չէ: Սովորական իրողութիւն է, որ մարդս փոքրով սկսում է, իսկ մեծով վերջացնում: Քանի-քանի աղայք մի քանի հատ խնձոր, տանձ... գողանալով սկսել են իրանց յանցանքը և վերջացրել են նրանով, որ աւագակներ են դառել—մարդիկ կողոպտել, բանտ մտել կամ կախաղանի վրայ վախճան դրել իրանց կեանքին: Մի մոռանաք աւետարանի խօսքը. «Որ ի փոքուն հաւատարիմ է, և ի բազմին հաւատարիմ է, և ուր ի փոքուն անիրաւ է և ի բազմին անիրաւ է» (Ղուկ. ԺԳ. 10): Մի և բոլորդն աւելացնում է, թէ կարիքը պատուիրան չէ ճանաչում, հարկը լուծանեն գօրէնս: Բայց աւելի ճիշտ կլինի ասել—պատուիրանը կարիք չէ ճանաչում, այսինքն ինչ որ Աստուած հրամայել է, պէտք է կատարել, որքան էլ մեծ լինի կարիքը: Թէև ասած է, հարկը լուծանեն գօրէնս, սակայն այս պատճառաբանութիւնը ոչինչ հիմք չունի: Բայց և այնպէս՝ ոյ ասես որ այս ձևով չի արդարանում: Սյս հիմունքով է արդարանում վաշխառուն, երբ սովի տարին իրան դիմող աղքատին հեռացնում է, այն ինչ նրա յատակի վրայ թափուած փշրանքով կարող էր նրա արտասուքը չորացնել—այդպիսիք պինդ կողպում ևն շահմարանները և սպասում, որ և՛ս աւելի բարձրանայ ցորենի գինը: Այս սկզբունքով է արդարանում ալիւր ծախողը, երբ նկատում են իրան, որ նա խոնաւ տեղ է գարսել վտճառելիքը: Սրանով է արդարանում այն վաճառականը, երբ չնչին իրին բարձր գին է նշանակում: Վերջապէս սրանով է արդարանում և ամեն մի խաբեբայ, ամեն մի խարդախ, գող...: Աստուած այդ պատճառաբանութիւններից և ոչ մինը չի ընդունում, ոչ զըրկողի լիութիւնը, ոչ գողացողի չբաւորութիւնը՝ և ոչ գողացուած փոքրիկ գումարը Աստուած առաջ արդարանալու հիմունքներ չեն: Աստուած ասել է. «Մի գողանար», ուրեմն գողը՝ գող է և գողացածը՝ գողացած:

Հարցը նրանում չէ, որ անպատճառ գողութիւնը յայտնուելի, բաց լինի կամ ծածուկ մնայ: Ամենևին ուշք մի դարձնէք այնպիսիների խօսքերին, որոնք ասում են, թէ փոքր գողերին կախում են, իսկ մեծերին բաց թողնում: Այդ բաց թողնելը երկար չի տևում: Գուժն այնքան ժամանակ է աղբիւրը ջրի գնում, մինչև որ կտարուում է: Բացի սրանից չարութիւնը երբէք բարի վախճան չի ունենում: Ազնուութիւնն է, որ ամենից երկար գոյութիւն ունի: Շատ տեսակ գողութիւն կարող է անյայտ մնալ, շատերը կարող են մահու պա-

տիժ չստանալ, ինչպէս Անանիան կամ Աքաաբը. ամեն ոք իւր փըրկութիւնը կախուելու՝ խեղդամահ լինելու մէջ չէ որոնում, ինչպէս Յուդայ իսկարիտութան արաւ: Աստծու պատժից ոչ միւսն էլ չի կարող ազատուել: Անկանոն, անարդար գործը շատերի սիրտն ու հոգին վրդովում, ալէկոծում է. քանի-քանիսը, որոնց աշխարհը երջանիկ է համարում, զրկուած են ներքին հանգստութիւնից. քանի-քանիսը երեւեալ և տատանեալ շրջում են, քուն ու հանգիստ չունին փափուկ անկողնում: Այստեղից պիտի այն միտքը հետեցնել, որ արդարադատ Աստուածը գողացած իրի վրայ ապականութեան դրօշմըն է դրել: Մեր պապերը շատ սիրուն են ասել— «ինչպէս կաշխատես, այնպէս էլ կ'ծախսես»: Հարամ ապրանքը չի ուտուի՝ հարամ ապրանքը որդուց թոռանը չի անցնում: Այս առածները փորձից են դուրս բերուել: Անյաջողութիւնն ու փորձանքը իբրև ստուեր հետեւում են գողերին, նրանցից անբաժան են: Այս միջոցով հաւաքած հարստութիւնը ինչ ձևով էլ որ գործ դնես, որքան էլ խնայող լինիս, որքան էլ ժլատութեամբ վարուես, այնուամենայնիւ ինչպէս եկել է, այնպէս էլ կ'զնայ—վերջ չունի: Գողերն իրանց հետ աշխարհ ոչինչ չեն բերել և ոչինչ էլ չեն տանի աշխարհից—այդպիսեաց միակ ունեցածը իրանց ծանրաբեռնուած խիղճն է: Եթէ գողութիւնով հայրը հարստացել է, անշուշտ որդին կամ թոռը աղքատ կ'լինի: Ինչպէս և շատ որդիք աշխատում են, բայց հաց չունին. շինում են, բայց անտուն են մնում. աշխատում են վաճառականութեան մէջ, բայց չի մնում. որդիք են կրթում, բայց ծերութեան օրերում մնում են անօգնական, անտէր: Ծնողաց յանցանքը որդիքը պիտի տուժեն: Ահա այս է անէծքը:

Թո՛ղ ձեզանից իւրաքանչիւրը լաւ քննէ, թէ ինչ միջոցով է նա իւր փողն ու հարստութիւնը ձեռք բերել. արդե՞ծք իւր սեպհականութեան մէջ հարամ մաս չկայ. արդե՞ծք ոչ ոքի անէծք չկայ իւր վրայ և եթէ իւր քննութեան արդիւնքն ասէ իրան, որ անարդար, անկանոն եղանակով ձեռք բերած մասը կայ իւր կարողութեան մէջ, այդպիսին պիտի մտածէ, որ Աստծու օրհնութիւնը պակասում է իւր տան մէջ, այն ժամանակ նա ևս Չաքէոսի նման պիտի վարուի—«եթէ զոք զրկեցի, հատուցից չորեքկին» (Ղուկ. ԺԹ. 8): Յիշեցէք Սամուէլի ազնիւ վարմունքը:

Ինչպէս ամեն պատուիրան, նոյնպէս և ութերորդը՝ պատուիրում է ոչ թէ միայն այն՝ ինչ որ պիտի չանենք, թո՛յլ չտանք:

այլև այն՝ թէ ինչ պիտի անենք—ամեն մի պատուիրանի (հրամանի) մօտ արգելումն էլ է դրած: Եթէ ուզում ես իմանալ, թէ ինչ պիտի անես, որպէսզի ազատ լինիս գողութիւնից, այն ժամանակ պիտի զգուշանաս

1. Դատարկ ապուրտութիւնից, պարապորտութիւնից, անգործութիւնից: Պարապ մնալուց ամեն չարութիւն ծնում է, ամեն չարութեան սկիզբն է պարապութիւնը—գողութիւնը սկիզբն է առնում պարապութիւնից: Ով չի կամենում աշխատել, ով իւր առողջ անդամները չի ցանկանում գործ դնել, այնպիսուն վերջ ի վերջոյ ինչ է մնում, եթէ ոչ՝ գողանալ: Կան մարդիկ, որոնք կարծում են, եթէ աշխատանք չկայ կամ քիչ է, իրաւունք է ուրիշի արիւնք ծծել, նրա սեպհականը իրան սեպհականել, բայց աւելի լաւ է պատուաւոր ձևով քիչ աշխատել՝ քան թէ անպատիւ կերպով շատ: Ուղիղ, արդար ճանապարհով ձեռք բերած կուպէկի մէջն աւելի օրհնութիւն կայ՝ քան թէ գողացած հարիւր ուրբու մէջ: Ով կամենում է ունենալ, պիտի աշխատէ. աշխատանքի արմատները դառն են, իսկ պրտուղը՝ քաղցր: Գեղեցիկ է ասում սաղմոսեգրուն. «Մանուկ էի եւ ծերացայ, եւ ոչ տեսի զարդարն արհամարհեալ, եւ ոչ զզաւակ նորա՝ թէ մուրանայ հաց» (լգ. 23):

2. Զգուշացիր չուայլութիւնից, անառակ կեանք վարելուց—երբ մինը այդ տեսակ կեանքի սովոր է, ոսկէ լեռներ էլ որ լինին, բաւական չէ—Գործք (հարստութիւն) արդարոց կեանս առնեն, և պտուղք ամբարշտաց մեղա Առակք Ժ. 16.): Արդարը իւր հարստութիւնը գործ է դնում ապրելու, իսկ ամբարիշտը՝ յանցանք գործելու համար, ուստի խնայող եղիր: Ով կուպէկի արժէքը չգիտէ, չգիտէ և ուրբունը: Կարծեալ՝ եթէ մինը սովորութիւն է արել վաճառելու այն՝ ինչ որ հարկաւոր չէ, այնպիսին չուտով կստիպուի ծախելու և այն՝ ինչ անհրաժեշտ է իրան: Ամեն ոք պիտի աշխատէ իւր ստացածի մի մասը սև օրուան համար պահել: Միտալ կարծիք է, որ ասում են, թէ խնայողութիւնը ազահութիւն է: Որքան կարող ես, խնայող եղիր, բայց

3. Զգուշացիր ազահութիւնից—Զի արմատ ամենայն չարեաց արծաթսիրութիւն է (Ղ. Թ. ա. Տմթ. դ. 10.): Ազահ մարդը ծառայ, ստրուկ է. նա ունի մի խիստ պարոն, այդ պարոնի անունը փող է: Ազահի մինը նաև է նստում. նրա հետն է լինում իւր սիրելի փողը. բարձրանում է փոթորիկ. ազահն ասում է—«Ուր որ դու

կլինիս, այնտեղ էլ ես: Ազահ մարդու վերաբերութեամբ չի կարելի ասել, նա փող ունի, այլ՝ փողն ունի նրան: Երբ արծաթի ձայն է լսուում, ազահը կորցնում է իւր հանգստութիւնը: Ազահն անկուշտ է, որքան էլ ունենայ, այնքան էլ կցանկայ ունենալ—նրա գանգատը չի դադարում: Մի մոռանաք երբէք, որ ամենսմեծ ծարաւը փողի մասին է: Աւելի ճիշտ է գտնել այնպիսի մարդիկ, որոնք թէև հարստութիւն չունին, բայց սիրում են, քան թէ այնպիսիք, որոնք հարստութիւն ունենան, բայց չսիրեն: Սուրբ գիրքն ասում է. «Լաւ է սակաւիկ ինչ առնուլ երկիւղիւ Տեառն, քան զգանձս մեծամեծս ամբարըշտութեամբ» (Առակք Սող. փէ. 8.): Արդեօք կցանկայիր հարուստ լինել, բայց զլիւիդ անէծք ընդունել ումանց հարուստների նման: Զգուշացիր ազահութիւնից, բայց

4. Զգուշացիր նաև նախան ձից: Զէք լսել, թէ ինչպէս մինը միւսին անուանարկում է, բամբասում և սրանով կամենում է իւր նշանակութիւնը բարձրացնել: Միթէ այդպիսիք չեն մեղանշում ութերորդ պատուիրանի դէմ, որոց համար ասած է. «մի գողանար»: Մի կարծէք, թէ ով շատ փող ունի, երջանիկը նա է: Քանի—քանիսը իրանց անհուն փողի հետ հանգստութիւն չունին—կիչ անեմ էն ոսկէ լագանը, որի մէջ արիւն պիտի թքեմ: ասում է առածը: Հարստութիւնը դրամարկղի մէջ չի կայանում, այլ՝ սրտի: «Նա այնքան ունիմ, որքան մի թագաւոր», ասաց մի անգամ շինականի մէկը, «որովհետև ես այնքան ունիմ, որքան ինձ պէտք է: «Նն որ մեծացուցանեն զանձինս՝ եւ լի են մեծութեամբ բազմաւ», ասում է Սողոմոնը իւր փգ. 7. առակի մէջ: Մի նախանձիր հարստին, մի նախանձիր նրա կարծեցեալ երջանկութեան. բնդհակառակն, եթէ քո մերձաւորին վնասից կարող ես ազատել, արա՛: Նթէ քո խորհուրդը նրան կարևոր է, օգտաւէտ է, մի ինայիր՝ լինի դա խօսքով թէ գործքով: Նթէ մինը հարուստ է, այդ չէ պատճառը որ դու աղքատ ես: Գու գո՛հ եղիր քո ունեցածով: Առաքեալն ասում է իւր առ. I. Թ. Տմթ. գ. 6-9. «Այլ շահավաճառ մեծ աստուածպաշտութիւն է՝ բաւականութեամբ հանդերձ, զի ոչ բիրաք ինչ յաշխարհ, եւ ոչ տանել ինչ կարասցուք, այլ ունիմք կերակուր եւ հանդերձս եւ այնու շատասցուք: Իսկ որք կամինն մեծանալ՝ անկանին ի փորձութիւն եւ յորոգայթ եւ ի բազում ցանկութիւնս անմիտս եւ վնասակարս, որք ընկզմեն զմարդիկ ի սատակումն եւ ի կորուստ: Այո՛, ամենսմեծ հարստութիւնն այն

է, երբ մարդս գո՛հ է իւր ունեցածով: Ես գո՛հ եմ Աստուծու տուածով, ինչ որ ինձ պարգեւել է, դա բարձր է քան թէ տասն թագաւորութիւն: Սակաւապետն ասում է Սողոմոնի հետ. «Մեծութիւն եւ տնանկութիւն մի տար ինձ, այլ կլեւն ինձ զարժանն բաւականութեամբ: Զի մի մեծացայց եւ ստեցից, եւ ասիցեմ, թէ ո՛վ տեսնիցէ զիս, կամ աղքատացայց եւ դողացայց եւ երգուայց յանուն Աստուծոյ իմոյ» (Առակք I. 8. 9): Սակաւապետը Քրիստոսին պիտի նմանի, որ չգիտէր, թէ ուր դնէ իւր գլուխը, բայց և այնպէս փորձչին, որ խոստանում էր ամենայն ինչ, ասաց. «Յետս կանց, սատանայ: Տայ Աստուած որ այսպիսի սակաւապետութեան զգացում ձեր բոլորի սրբտերում մշտապէս լինի:

Վերջապէս պիտի մտածենք և այն մասին, որ երկրիս բոլոր բարիքներն էլ Աստուծու սեպականութիւնն են: Մենք տէր չենք, այլ իբրև զբարւոք հազարապետս (տնտես) պէս պէս շնորհացն Աստուծոյ. (I. Թ. Պետր. դ. 11.): Մենք չպիտի նրանով բաւականանք, որ Աստուծու տուած բարիքները ազնիւ ճանապարհով ձեռք ենք բերել, մենք չպիտի գո՛հ լինինք նրանով, ինչ որ Աստուած մեզ տալիս է, այլ պիտի աշխատենք որ Աստուծու շնորհած բարիքներով ուրիշին էլ լաւութիւն անենք. որ Աստուծու տուած բարիքները ի փառս Աստուծու և աշխարհի օրհնութեան համար գործ դնենք: Նիւթիս վերջում լսեցէք մի քանի հատուածներ եւ սուրբ գրքից, որոնք բացատրում են, թէ մեր հարստութիւնը ինչպէս պիտի գործադրենք:

Բարեպաշտի մէկը իւր շինած որբանոցի դրամարկղի վրայ գրել էր տուել. «Որ ունիցի զկեանս ինչ յաշխարհիս եւ տեսանիցէ զեղբայր իւր կարօտեալ իւրիք, եւ փակիցէ զգուլթս իւր առ ի նմանէ, զիմրդ սէրն Աստուծոյ ի նմա իցէ բնակեալ. (I. Թ. Յովհ. գ. 17.): Շատերն իրանց համար սկզբունք են դարձրել—եւս իմ մասին էլ բաւական հոգալիք ունիմ, ուրիշներ ի մասին մտածել չեմ կարող. եւ ուրիշներից ոչինչ չեմ պահանջում. թող ուրիշներն էլ ինձնից ոչինչ չպահանջեն: Գիւղացու մինը, որ պաշտպան էր այս սկզբունքին, դժբաղդութիւն ունեցաւ—նրա տունն այրուեց: Նրա վիճակը ծանր էր, ուստի դիմեց հարստի մինին և խնդրեց, որ իրան օգնէ: Հարուստը պատասխանեց նրան. «Նա ուրիշներից ոչինչ չեմ պահանջում, թող ուրիշներն էլ ինձնից ոչինչ չպահանջեն: Աղքատ գիւղացին յետ դարձաւ մինչև ականջները կարմրած: Ես չեմ ցանկայ, որ

այսպիսի սկզբունքներն ձեր մէջ ևս գոյութիւն ունենան: Սիրտը երբէք չպիտի կողպենք, նրան ամեն ժամանակ, միշտ և հանապազ բաց պիտի ունենանք. եթէ կոյրը, այրին, որբը, հրդեհուածը, խեղդուողը, չքաւորը, օտարադաւանը . . . մեզ դիմեն: Աղքատներին չպիտի մոռանալ, չքաւորներին խրճիթը պիտի մտնել թշուառութիւնը տեսնել կարողանալու համար: Մի բոսլէ պիտի այսպէս մտածենք —ինչ կլինէր մեր վիճակը, եթէ ձմեռուայ ցրտին մերկ ցնցոտիներով պաշտպանուած լինէինք, եթէ մենք հիւանդ լինէինք և բժշկի կարիք ունենայինք, եթէ սովը մեր ամենօրեայ հիւրը լինէր. . . : Դարձեալ՝ ով իւր սիրտը եղբօր առաջ կկողպէ, նա չպիտի տրտնջայ, եթէ Աստուած էլ նրա առաջ փակէ իւր սիրտը և աշխարհիս դատաւորն ասէ. «Նրժայք լինէն, ոչ գիտեմ զձեզ»: Գուք երբէք չպիտի աշխարհիս մարդոց հետ ասէք—առնելը տալուց լաւն է, այլ Աստուծ խօսքին պիտի հետեւել, որ ասում է. «Նրանելի է մանաւանդ տալն քան առնուլն» (Գործք առք. ի. 35.): Ապա ուրեմն. «Որում խնդրէ իքէն տուր, եւ որ կամի փոխ առնուլ իքէն, մի՛ դարձուցաներ զերեսս» (Մտթ. ե. 42.): Սրանով ասած չէ ի հարկէ, որ քեզ դիմող արեւոյդին քսակդ բանալու չպիտի դժգոհիս և թեթեամտին, ծոյլին. . . քո օգնութիւնով վարժեցնես՝ իւր օրը առանց աշխատանքի մթնացնելու. սրանով ասած չէ, թէ ընտանիքի տէր հայրը իւր ունեցած չունեցածը կարօտեալներին տայ և իւր որդւոց հացի կարօտ թողնէ: Եթէ ազնիւ անհատի մինը այս կամ այն ներելի պատճառով ձախորդութիւն է ունենում իւր ձեռնարկութեան մէջ, ահա թէ ում պիտի օգնութեան ձեռը կարկառել: Նրբ տեսնես այրու միակ պաշտպան որդին մեռել է և նրան հողին յանձնելու ոչինչ միջոց չկայ, տուր համեստ նուէրդ այդ նախատակի համար: Առ հասարակ աղքատներին պիտի հովանաւորել, վասնզի՛ փոխ տայ Աստուծոյ, որ ողորմի անանկին, ըստ տրոց նորա հատուցէ նմա. (Առակք ժթ. 17.): Ապա ուրեմն. «Բրդեա քաղցելոց զհաց քո եւ զաղքատս անյարկս տար ի տուն քո. եթէ տեսանիցես զմերկն՝ զզեցուցանիջիւր, եւ յընտանեաց զաւակի քոյ զակն մի՛ արկանիցես». (Յսայի ծը. 7.): «Որչափ եւ իցէ քո՝ ըստ նմին բազմութեան արասցես ողորմութիւնսն, եթէ սակաւ իցէ քո՝ ըստ սակաււան եւ մի՛ յապաղեսցես առնել զողորմութիւնն». (Տովբիթ. դ. 8. 9.): «Կայր Յիսուս ընդդէմ՝ դանձանակին. տեսանէր զիարդ ժողովուրդ արկանէր պղինձ. . . .» (Մրկ. ժբ. 41. 44): Աստրծուն աւելի հաճելի է ոչ թէ տուրքի քանակը, այլ որ ա կը—ահա այն

է, որ ընդունելի և ոչ ընդունելի է յաչս Աստուծոյ: Ասած չէ որ օգնութիւնը միայն փողով կարելի է: Մարդս սրանով աւելի վնասուած է քան թէ օգուում, որովհետև այսպիսով մարդս պաշտպանում է ծուլութիւնը, դատարկապորտութիւնը, ագահութիւնը, արեւոյդութիւնը և այլն այսպիսի մոլութիւններ: Բարի խորհուրդը, խելացի յորդորը, սրտազին նկատողութիւնը, հրաւէր դէպի աշխատանք. . . . յաճախակի աւելի մեծ արժէք ունին՝ քան թէ փողը: Բայց ուր փողի օգնութիւն է հարկաւոր, փողով էլ արա՛, եթէ կարող ես: Նրբ հարցը բաւականութիւն պատճառող ծախսերի մասին է, այն ժամանակ փող կայ: Իսկ եթէ հանդամանքն այնպէս պատահէր որ միևնոյն անձը իւր ազնիւ, քաղքատ, սովից ու ցրտից տանջուող հարևանին օգնութեան ձեռը կարկառելու ստիպուած լինէր, դուք պիտի տեսնէիք թէ ինչ թթու դէմք ցոյց կտար: Չմոռանանք երբէք—եթէ մարդս իրան համար անպէտք, աւել ուրդ եղածի տասներորդ մասը աղքատներին տար, աշխարհումս շատ վշտեր և նեղութիւններ անհետացած կլինէին, քանի-քանի աչքերից արասուները կարելի էր կտրել: Բայց ինչ որ տալիս ես, սրտանց տուր—«Գանձի զտուրս առատս սիրէ Աստուած»: Տուած բանիդ վերաբերութեամբ թթու դէմք մի ցոյց տուր—աւելի լաւ է սիրով մերժել՝ քան դժկամակութեամբ տալ: Այն ողորմութիւնը, որ սրտանց է, տուողին էլ, ստացողին էլ բաւականութիւն է պատճառում: Այսպէս ուրեմն, սիրելի աշակերտներ, «զբարբարութիւն և զհաղորդութիւն մի՛ մոռանայք, զի ընդ այդպիսի պատարագս հաճի Աստուած» (թ. ա. Նբբ. ժգ. 16): Յիսուս Գրիստոսն ասաց. «Ամէն ասեմ ձեզ, որովհետև արարէք միում յեղբարցս այսօցիկ փոքրկանց, ինձ արարէք» (Մտթ. իե. 40): «Այլ դու յորժամ ողորմութիւն առնիցես, մի՛ գիտասցէ ձախ քո զինչ գործէ աջ քո: Ողորմի՛ր ի մաս տոււն ձեռով:—«Ո՞ իցէ ի ձէնջ մարդ՝ ցոր խնդրիցէ որդի իւր հաց, մի՛թէ քար տայցէ նմա: Արդ եթէ դուք. . . այսպէս և դուք արարէք» (Մտթ. է. 9—12): Մի՛ ձանձրացիր ողորմութիւն տալուց—«Այսուհետև մինչդեռ ժամանակս ի ձեռս է, գործեսցուք զբարիս առ ամենեսեան, մանաւանդ առ ընտանիսն հաւատոյ» (թ. ա. Գաղ. գ. 10):

ԻՆՆԵՐՈՐԳ ՊԸՏՈՒՐԱՆ

«Մի՛ սուտ վկայեր
«զընկերէ ջումմէ»:

Նախկին պատուիրանի պահանջն էր ունենալ հաւատարիմ ձեռք, իսկ ներկայ պատուիրանը պահանջում հաւատարիմ բերան: Այնտեղ ասուած է—չպիտի գողանաս մերձաւորիդ փողը և այլ ունեցուածքը, իսկ այստեղ ասում է—չպիտի գողանաս քո մերձաւորի բարի անունը, բարի համբաւը: Այնտեղ խօսքը փող գողացողի, իսկ այստեղ՝ անուն, պատիւ գողացողի մասին է:

Ամեն ինչ լեզուիցն է դուրս գալիս: Յայտնի առակախօս Նիովպոսը ծառային փողոց ուղարկեց ն պատուիրեց որ ամենալաւ բանն առնէ: Ծառան գնեց մի հատ լեզու: Մի այլ անգամ, երբ նա ամենավատը պիտի գնէր, դարձեալ լեզու գնեց: Եւ իրօք լեզուն մարդուս, ինչպէս ամենաազնիւ, նոյնպէս և ամենավատ անգամներից մինն է: Իբրև ճաշակելիաց գործարան, ուտելու և խմելու բաւականութիւն որսողը նա է, բայց միևնոյն ժամանակ գայթակեցնում է՝ առաջնորդելով մեզ դէպի որկրամոլութիւն, շայտութիւն, վատնումն, աղքատութիւն . . . : Իբրև խօսակցութեան գործարան նրանով մեր մտածմունքները լսելի ձևով ենք արտայայտում, նրանով ենք յայտնում մեր զգացմունքներն ու զգայութիւնները, մեր ցանկութիւններն ու խնդիրները (ինչ թշուառ է համբը): Միևնոյն գործարանովն է, որ մարդս սուտ է խօսում, շողքորթում է, ծաղրում է, անիծում է, դաւաճանում է և ամբաստանում է: Աստուածային սիրոյ գեղեցիկ օրինակներից մինն էլ սա է, որ նա մարդուն լեզու է պարգևել՝ խստիւ արգելելով նրա թիւր գործածութիւնը: Ահա լեզուի այս թիւր, սխալ գործածութեան մասին է իններորդ պատուիրանի խօսքը— նա կամենում է մեր մերձաւորի բարի անունը սուրբ պահել:

Վաւ է անուն բարի քան զմեծութիւն բազում, եւ քան դարձաթ եւ զոսկի՝ շնորհք բարիք», ասում է Սողոմոն թագաւորը (Առկք. իթ. 1.): Յիրաւի, ինչո՞ւ են պէտք թագաւորին երկիրն ու ժողովուրդը, եթէ նա բարի անուն չունի, եթէ նրա սիրտը իւր հպատակների բարեկեցութեան համար չէ բաբախում: Ինչպէս թագաւորի համար, նոյնպէս և ամեն հպատակի համար բարի անունը թան-

կազին զարդ է: Քարոզչի խօսքը և՛ս աւելի է ազդում ունկնդիրների վրայ, եթէ նրանք համոզուած են, որ նա անկեղծ Նաթանայէ է, որի մէջ նենգութիւն չկայ, որի խօսքը և գործքը չեն տարբերում իրարից, որ ըստ Քրիստոսի նախ՝ առնէ և ապա ուսուցանէ: Արքան ուսուցչի անունը՝ (հեղինակութիւնը) բարձր է, նոյնքան և ներգործող է նրա խօսքը: Երբ հասարակութեան մէջ վատ մարդիկ սխալ վկայութիւն են տալիս մի ազնիւ քահանայի կամ ուսուցչի մասին և դրանով նրանց բարի անունը և գործունէութիւնն անուանարկում, իրաւունք պիտի տալ ամբաստանեալներին վշտանալու այդ մարդկանց խօսքից: Նոյն իսկ ամեն մի գործակատար, ամեն մի վաճառական . . . վրդովում է, երբ սուտ վկայութիւն է տրւում իրանց դէմ: Արհեստաւորը կորցնում է իւր յաճախորդներին. վաճառականը՝ իւր վարկը. աշխատաւորը՝ իւր հաւատարմութիւնը. ազնիւ մարդիկն՝ իրանց յարգանքը, երբ սուտ են խօսում, սուտ վկայութիւն են տալիս: Աղջկայ ամենալաւ օժիտը նրա ազնիւ տնունն է. որդւոց համար մեծ ժառանգութիւն է ծնողաց բարի համբաւը: Բոյոր յարաբերութիւնները փոխադարձ հաւատարմութեան վրայ են հիմնուած, որ յենած է բարի համբաւի վրայ: Արքան բարձր է բարի համբաւի արժանաւորութիւնը, նոյնքան էլ խիստ ձևով է արգելում Աստուած մերձաւորի՝ ընկերի դէմ սուտ վկայութիւն տալը և յանցանք գործողին նոյն խստութեամբ պատժում է: Վկայ սուտ՝ առանց պատժի ոչ լինի, եւ որ մեզ դնէ տարապարտուց՝ ոչ ապրեսցի». (Առակք. ժթ. 5.). ասած է և Վայ այնոցիկ ոչք ասիցեն գշարն բարի, եւ զբարին չար, ոչք զնիցեն զգառն քաղցր, եւ զքաղցրն՝ դառն. (Նսայի ե. 20.):

Անշուշտ Աստուած էլ իւր հիմունքն ունի, որ այսպիսի խիստ պատիժ է նշանակում սուտ վկայութիւն տուողների համար, որովհետեւ մարդկանց մեծ մասը խիստ դժուարանում է ընկերի վերաբերութեամբ ճշմարիտ վկայութիւն տալու: Մինին շահախնդրութիւնն է ստիպում (Աքաբա և Իզարէլ) այդպէս վարուելու, միւսին՝ մարդկային երկիւղը (Իսրայէլի ծերերը), երրորդին՝ մեծամտութիւնը (տաճարի փարիսեցիները), չորրորդին՝ նախանձը (Աբիսողոմ), հինգերորդին՝ ատելութիւնը. (Մտթ. ժբ. 24.):

Վկայութիւնը ճշմարիտ պիտի լինի: Մարդիկ երգում ուտելու կարիք են ունենում դատաստանի առաջ: Այնտեղ ոմանք խորամանկ ստախոսութիւն են անում, որպէսզի իշխանութեան պատժից կարողանան ազատուել: Եթէ դու յանցաւոր ես, խոստովա-

ն ի բ յանցանքդ, իսկ եթէ անմեղ ես, ապա ց ու ց ի բ անմեղութիւնդ և երբէք մի ստիպուիր սպառնալեաց ներքոյ այլապէս խօսել՝ քան թէ համոզուած ես: Գանգատուողի՝ դատախազի վկայութիւնը եւս արդար պիտի լինի: Դատախազը կեղծ տմբաստանութիւն չպիտի անէ, սուտ վկաներ չպիտի բռնէ, որոնք այլապէս խօսին, քան թէ ճշմարտութիւնն է: Ով դատաստանի առաջ իր մտածողութեան հակառակն է խօսում՝ այնպիսին սխալ վկայութիւն է տալիս և դրանով յանցանք է գործում Աստծու և ընկերի դէմ: Դատաստանի առաջ սխալ վկայութիւն տալու հարցում ոչ թէ միայն ամբաստանեալը և ամբաստանողն են յանցաւոր, այլ և այն փաստաբանները, որոնք թէ-և համոզուած են, որ դատն անարդար է, բայց և այնպէս նիւթական ակնկալութեան կամ ինչ ինչ պատճառով, իրանց համոզման հակառակ են գործում—արդարին յանցաւոր են դուրս բերում կամ յանցաւորին՝ արդար: Սուտ վկայութիւն է տալիս և այն իշխանութիւնը, երբ դատը վճռելիս ի նկատի է առնում անձնաւորութիւնը կամ երկիրը և կրում մէկից, միւսից: Այսպիսով աչառու դատաւորը արդարութիւնը ոտնակոխ է անում և սխալ, կեղծ վկայութեան միջնորդութեամբ խլում է անհատի բարի անունը, համբաւը:

Սուտ վկայութիւն տալը միայն դատաստանի առաջ չի արգելուում, ուրիշ շատ հանգամանքներ ևս կան: Տէրերը ծառաներ ունին, վարպետներն՝ աշակերտներ, մեծաւորները՝ ստորագրեալներ... որոնց յարաբերութեան մէջ նոյնպէս գործ է դրւում այս պատուիրանը: Այստեղ ևս վկայութիւնը ճշմարիտ պիտի լինի: Մեծաւորը իւր լաւ ստորագրեալին կարող է չգովել, մոռացութեան տալ, դա ևս յանցանք է: Եթէ հարկ կայ, որ պարոնը իւր ծառայի հաւատարիմ վարմունքը գովաբանէ՝ չպիտի լռէ: Ո՛չ մի կեղծ դատողութիւն, ո՛չ մի անարդար իրողութիւն, ո՛չ մի կասկածանք, ո՛չ մի պատրուակումն, չպիտի լինին այս տեսակ վկայութեանց մէջ, այլ ամեն ինչ այնպէս պէտք է ներկայացնել, ինչպէս որ իրականութեան մէջն է, ինչ որ իրողութիւն է: Թէև այս այսպէս է, բայց և այնպէս քանի-քանի վկայութիւններ կեղծ են: Դիցուք մարդու մինը մի անկարգ աղախին ունի, արձակում է նրան: Մի ուրիշը կամենում է վարձել նրան, բայց լսած լինելով, որ ձեզ մօտ է եղել, տեղեկութիւն է հարցնում նրա մասին: Ի՞նչ էք կարծում, ի՞նչ վկայութիւն է տալիս—գովում է, երկինք է բարձրացնում և այսպէս խտրում է ուրիշներին, որոնք շատ զրկանք կրելուց յետոյ պիտի զգուշանան: Ուրիշ օրինակ—գի-

ցուք մինն ունի մի ազնիւ, հաւատարիմ, օրինակելի ծառայ, փոխանակ գովելու՝ անուանարկում է նրան, վկայականի վրայ նկատողութիւններ է անում, երբ վերջինս հեռացել է իրանից և մի ուրիշի մօտ աւելի ուճկով է ծառայում: Այսպէս չպիտի անել: Չպիտի գովել, ուր պիտարակելու է. չպիտի պախարակել, ուր գովելու է. չլռել, ուր պիտի խօսել, և խօսել, ուր չպիտի լռել:

Մեր պատուիրանն արգելում է ոչ թէ միայն գրաւոր սուտ վկայութիւնը, այլ և ամեն մի վկայութիւն՝ լինի դա գրաւոր, թէ բերանացի, դատաստանի առաջ, թէ սովորական կեանքում: Կուգէք իմանալ, թէ որոնք են ընկերի մասին տուած սուտ վկայութիւնները: Լսեցէք, ես ասեմ ձեզ—մի քանի ընտանիքներում ինչպիսի անսանձ լեզու են գործ դնում սրա կամ նրա դէմ. այս ինչ ժողովարանում ի՞նչպէս են ցեխտում սրան կամ նրան. փողոցում, դաշտում, տանը ի՞նչպէս են յարձակւում մինի, միւսի վրայ և առանց արգարութեան չափն ի նկատի առնելու, այս կամ այն պատճառից զրգած՝ բամբասանքով է լուծում իւր վրէժը՝ փոխանակ ազնիւ մարդուն յատուկ մեծահոգութեամբ կամ ներելու կամ երեսին ասելու: Ընկերի դէմ վատ վկայութիւն տալու համար միշտ կարևոր չէ խօսքը: Զորօրինակ դու հարցնում ես մինին—ճանաչում ես այս ինչին, ազնիւ մարդ է նա: Լսողը թշնամի է այն անձին, որի մասին է խօսքը և այս գործողութեան նպատակը ոչ այլ ինչ է, եթէ ոչ չարախօսել, վրէժ լուծել: Այս տեսակ ողորմելի արարածները ուղղակի չարախօսել չեն կարողանում, ապա թէ ոչ իրանց խորամանկութիւնը կ'յայտնուէր: Այսպիսի մարդիկ այլ ձևով են արտայայտում իրանց սրտինը, զորօրինակ ուսերը վեր են քաշում, արհամարհական ժպիտ են ցոյց տալիս, դիրք են բռնում կամ խորհրդաւոր լուծիւն պահպանում...: Այս տեսակ դիրք բռնելով՝ զրգում են դիմացինի նախանձը և յաճախ ոգեկան վրդովմանց ենթարկում, իսկ այս բոլորից յետոյ անամօթաբար նստում, խօսում են, թէ ես ի՞նչ վատ բան եմ արել նրան, որ նեղանում է: Միթէ այս վարմունքը ընկերի մասին սուտ վկայութիւն չէ. արդե՞օք այս դասակարգի մարդիկն աւելի վտանգաւոր չեն, քան թէ երեսին ամեն ինչ յայտնի ասողները: Եւ նա որ թոյլ է տալիս իւր առաջ բամբասելու ազնիւ, բարի մարդուն, որ լուռ է մնում և զլխի ու դէմքի շարժումներով հաստատում է ստախօսի ասածները, նոյնպէս մեղանշում է այս պատուիրանի դէմ: Աւելի հեռուն կարելի է գնալ—կարելի է ճշմարտու-

թիւնն այն ձևով արտայայտել, որ դովասանքը և պարտաւանքը միմեանցից կարելի չլինի զանազանել— փոխանակ պարզ և որոշ խօսելու— սա ևս սուտ վկայութիւն է: Ամեն բան սրտիցն է կախուած: Կեղծ խօսքը կեղծ սրտից բղխած, ինչպէս և ճշմարիտ խօսքը կեղծ սրտից— երկուսն էլ հաւասարապէս կեղծ վկայութիւն են:

1. Կեղծ վկայութիւն ստախօսանքն են տալիս: Ստախօսներ (սուտը ուրիշ խօսքով կոչուում է դիտաւորեալ անճշտութիւն), ինչպէս և գողեր ամեն հասակում և ամեն դասակարգի մէջ կարելի է գտնել: Սուտ են խօսում և՛ տղայք և՛ չափահասները: Սուտ է խօսում և մուրացկանը, երբ իւր կարիքը մեծացնում է օտարի կարեկցութիւնը շարժելու համար: Սուտ է խօսում հարուստը, երբ իրան դիմող աղքատին ծառայի բերանով ասել է տալիս. «Պարոնը տանը չէ»: Սուտ են խօսում ինչպէս գուհիի շինականը, նոյնպէս և կրթուած քաղաքացին, ոչ մէկը և ոչ միւսը խօսքը ազնիւ ձևով չեն գործ դնում: Մեր նախնիքն այդպէս չեն վարուել— նրանց մօտ «խօսքը՝ խօսք է եղեր:

Ինչ է պատճառը որ այդքան սուտ են խօսում:— Ոմանք պատժի երկիւղից (ծոյլ աշակերտները ուսուցչի, գողերը դատաստանի առաջ), ոմանք շահախնդրութիւնից դրողած (Յակովբ): Քանիք անի վաճառականներ իրանց փտած սպրանքին բարձր գին են նշանակում, որ գնողը չկասկածէ: Քանիք անի վատաբանում է հարևանի ապրանքը: Կան մարդիկ, որոնք մեծամտութիւնից ըստիպուած սուտ են խօսում: Այդպիսիք ճառում են միայն և եթ իրանց կատարած գործերի մասին, իրանց տիտղոսի և իրանց հարըստութեան մասին— դրանք իրանց մեծացնում են, իսկ միւսներին փոքրացնում: Կան մի տեսակ մարդիկ էլ, որոնք նախանձից գլըրդած են սուտ խօսում: Այդ մարդիկը հանգիստ չեն կարող լինել, երբ մի ուրիշը երջանիկ է. սառն աչքով չեն կարող տեսնել օտարի բաղդաւորութիւնը: Այն՝ ինչ որ ընկերին փայլ կարող է տալ, սեցնում են, որովհետև աշխարհիս մարդիկը սիրում են սեցնել փայլունը և վատաբանել գովանին: Ոմանք էլ ձանձրութիւնից ստիպուած սուտ են խօսում: Այդպիսիք բան ու գործ չունին... ուզում են մի կերպ ժամանակ անցկացնել և անձ ոկում են ուրիշների սխալները կամ առաքինութիւնները խօսակցութեան նիւթ դարձնել— բամբասել: Այստեղ փոքրը մեծացնում են, իսկ մեծը փոքրացնում, և երբ իրանց այդ աւերորդաբանութիւնները լոյս աշխարհ են գալիս, անմիտ բա-

ցատրութեամբ են արդարանում— դէ՛հ մի բանով պիտի զբաղուէինք էլի, պարապ ինչ անէինք: Այլը սուտ են խօսում չարութիւնից, առեւութիւնից դրողած: Ոմանց համար մեծ բաւականութիւն է ուրիշին սխալեցնելը. թիւր ճանապարհ ցոյց տալը պարծանք են համարում, «ուրիշի տակից», սովորական խօսքով ասենք, «խալիչէն հանելը»: Կան ստախօսներ էլ, որոնք սուտ են խօսում արհամարհական ծիծաղով: Այսպիսիք սիրում են մի բան հնարել և սրան նրան խաբելով՝ բաւականութիւն զգալ: Կան ստախօսներ, որոնք քաղաքավարութիւն սուտ են խօսում: Այդպիսիք կամենում են ամենին էլ մի հաճելի բան ասել, ուստի և սկսում են շողոքորթել և այսպէս քաղաքավարութեամբ սուտ են խօսում: Կան ստախօսներ, որոնք կեղծ քաղաքավարութիւն ունին և երբէք չեն վստահանայ իրանց ազնիւ համոզումը յայտնելու մի ուրիշի կարծեաց դէմ: Այս կեղծ քաղաքավարները համաձայնում են այն ամենին, ինչ որ ծաղրողը, հեղնողը սրախօսում է: Այդպիսիք գովաբանում են անարժաններին և երկու հակառակող կողմերին էլ արդար են դուրս բերում— մինի մօտ մի բան աւելացնում, իսկ միւսի մօտ՝ պակասացնում են: Այդպիսիք ոչ ոքի չեն հակառակում իրանց ներկայութեամբ, ամենի հետ էլ համաձայնում են, ոչ ոքի չեն վիրաւորում: Ստրկական երկչոտութեան և ուրիշին դուր գալու անազնիւ կեղտոտ զգացումն— անա այդպիսեաց շարժաւիթը, նպատակը: Սովորական կեանքի մէջ այդպիսիք զուարճախօս անունն են կրում և խիստ ընդունուած են մեծամասնութիւնից: Բայց իրականութեան մէջ դրանք շատ վտանգաւոր մարդիկ են: Այն վնասը, որ այդ երկերեսանի, երկկեզուանի մարդիկը հասցնում են, շատ մեծ է: Այդպիսիք աշխարհս տակն ու վրայ են անում, որտեղ ասես մտնում են. ինչ ասես խօսում են, բայց և այնպէս քեզ այնպէս են ներկայանում՝ որպէս թէ ոչինչ չգիտեն: Իրանք քաղցր ժպիտով են մօտենում մարդոց, պատմում են այնպիսի նորութիւններ, որոնցով իրանց դիտաւորութիւնն են յայտնում ու վերջն էլ աւելացնում— «ես այդ չէի ուզում ասել» կամ «դուք ինձ սխալ հասկացաք»: Սստուած հեռու պահէ ձեզ այս տեսակ մարդկանցից, այդպիսիք մարդկութեան ցեցերն են:

Ինչ գեղեցիկ կլինէր, եթէ բոլոր մարդիկն էլ շիտակ լինէին. ամեն ոք իւր տուած խօսքն ազնուութեամբ պահէր, ուղիղ խօստովանէր իւր արածը, իւր զգացածը չկեղծէր, արդարութեամբ գովէր

գովելին և պարսաւէր պարսաւելին—առանց քաշուելու՝ ընկերաբար, բարեկամաբար ճշմարտութիւնը երեսին ասէր: Այն ժամանակ քանի քանի վէճեր, անբաւականութիւններ կ'վերանային երկրիս վրայից և ինչպէս շուտով կուղղէին իրար մարդիկ (Պաւլոս և Նաթան): Պրահամար էլ աստուածային խօսքը երբէք չէ դադարում ստախօսներին զգուշացնելու: «Ի բաց ընկեցէք զստութիւն, խօսեցարն՝ զճշմարտութիւն իւրաքանչիւր՝ ընդ ընկերի իւրում, զի եմք միմեանց անդամք» ասում է առաքեալը թ. ա. Նփես. դ. 25 ում: «Չար բիծ ի մարդ ստութիւն» (Սիրաք ի. 26.): «Ստել զամենայն ստութիւն մի ախորժեր, զի յաճախութիւն նորա ոչ է բարի» (Սիրաք է. 14.): Այն, սուտ խօսելը, բարի բան չէ, որովհետև ստութիւնը, որպէս յանցանք, մի աստիճանից միւսն է անցնում և վերջապէս նրան կորստեան է մատնում (ստի տունը կրակ ընկաւ, ոչ ոք չհաւատաց): Շատ հեշտութեամբ կարող է պատահել, որ ստախօսը գող էլ դառնայ, որովհետև ով խօսքով կխաբէ, այնպիսին հետի չէ և գործով խաբելուց, ուստի դրա համար էլ ասում են, որ ստախօսն ու գողը երկուորեակներ են: Ուրեմն զգոյշ եղի՛ր ստախօսութիւնից: Մանաւանդ զգոյշ եղի՛ր առաջն անգամ սուտ խօսելուց, որովհետև մի յանցանքը միւսի մայրն է: Երբէք մի արդարացիը նրանով, որ կարիք ունէիր, նրա համար սուտ խօսեցիր: Եթէ կարիքը թոյլ է տալիս սուտ խօսել, նոյն կարիքը իրաւունք կտայ և՛ գողանալ, և՛ սպանել, և՛ անիծել, և՛ երդուել, և՛ կախարդել: Եթէ այնպիսի հանգամանքի մէջ ես, որ ճշմարտութիւն չես կարող խօստովանել, այն ժամանակ լռի՛ր, կամ պարզ ձևով ասա՛—ես այդ մասին չեմ վստահանում խօսել: Ինչ որ քո բերանից դուրս է գալիս, պիտի բոլորն էլ ճշմարիտ լինի: Բայց սրանով ասած չէ, թէ այն ամենը՝ ինչ որ ճշմարիտ է, պէտք է ասես, զորօրինակ բժիշկն ամեն հանգամանք հիւանդին չէ յայտնում: Իմաստուն խօսելը դժուար է, բայց իմաստուն լռութիւնը և՛ աւելի: Երբէք քո ապաստարանը ստախօսութեան մէջ չորոնես: Համբերի՛ր ամեն ախիստ պատժին: Բայց երբէք ազատութիւնդ ստախօսութեամբ ձեռք չբերես—աւելի լաւ է մեռանել, քան սուտ խօսել: Փոքրութիւնից վարժի՛ր քեզ ճշմարտասիրութեան և յստակամտութեան: Մեր պապերն իրանց պարծանքը յստակամտութեան մէջ էին որոնում:

2. Սուտ վկայութիւն են տալիս մատնիչները: Հարցն այստեղ գաղտնիքների վերաբերմամբ լռութիւն պահպանելու մա-

սին է: Ի հարկէ ամեն մի գաղտնիք բաց անողը մատնիչ չէ, որովհետև գաղտնիքի մատնութիւնը կարող է և՛ սխալ և՛ ուղիղ վերկայութեամբ յայտնուել. կարող է թոյլատրած և կարող է արգելուած լինել: Այդ տեսակ հանգամանքներում երբեմն լռութիւնը յանցանք է, իսկ երբեմն էլ՝ խօսելը: Սուտ, սխալ վկայութիւն տալ է, երբ զորօրինակ տեսնում ես գիշերով հարևանիդ տունը մշտնող գողին և լռում ես, փոխանակ իշխանութեան յայտնելու, մանաւանդ, երբ այդ պահանջում է քո պաշտօնը, պարտաւորութիւնը: Չարութիւնը լոյս աշխարհ հանելը մատնութիւն չէ, վասն֊զի՛ ով ուրիշի չար արարմունքները ծածկում է և նրանով է արդարանում, թէ այլոց անբաղդութեան պատճառ չեմ դառնայ. ինչո՞ւ թշնամիներս թիւն աւելացնեմ . . . այդպիսին մեղանչում է իւր ընկերի դէմ. այդպիսին երկչոտ, անազնիւ, անխիղճ մարդ է, նա կատարեալ արհամարհանքի արժանի է: Բայց ուրիշ տեսակ գաղտնիքներ ևս կան: Օրինակի համար—ազնիւ մարդու մինը կարիք ունի, նեղութեան մէջ է, քեզ մօտ է գալիս և խնդրում է, բարի խորհրդով է, թէ դրամական օժանդակութեամբ, օգնել իրան—այս գաղտնիքը մի ուրիշին յայտնելը յանցանք է: Սա խոստովանութիւն է, սուրբ պիտի պահել: Սուրբ գիրքն ասում է. «Այր երկխօս՝ յայտնէ զխորհուրդս յատենի, իսկ հաւատարիմն ոգևով՝ ծածկէ զիրս» (Առակք Սող. ժա. 19.): Ով հետամուտ է ընտանեկան գաղտնիքներին, որպէսզի չարախնդացութեամբ անուանարկէ ընկերի ընտանեկան պատիւը. ով մարդկային թուլութեան յանցանքները, որոց Աստուած ևս ներողամիտ է, հրապարակում է. ով բարեկամական դիմակով ընկերի հաւատարմութեան է արժանանում և նրա գաղտնիքները թշնամուն յայտնում . . . այնպիսին մատնիչ է և մեղանչող ստտուածային այս պատուիրանի դէմ: Այսպիսի մատնիչներ էին Պովկելը (Ի. Թագ. իբ. 9. 10.), Ջիփացիք. (Ի. Թագ. իգ. 19. . . և իգ. 1.), Յուդան, որովհետև սրանք մատնեցին այն՝ ինչ որ գաղտնիք էր, նրանք հաւատարիմ սիրտ չունեցան: Նրանց նպատակը վնասելն էր, նրանք թշնամի հանդիսացան, նրանց սիրտը կեղծ էր, իսկ բերանը՝ լի ստախօսութեամբ: Պաւլոսն ու Յովնաթանը ամենին նմանութիւն չունին սրանց: Յովնաթանը Պաւլոսին խօսք տուաւ—թո՛ղ Աստուած յաւիտեան վկայ լինի իմ և քո խօսակցութեան և Յովնաթանը իւր խօսքը ազնուութեամբ պահեց՝ նոյն իսկ այն լուպէին, երբ Սաւուղը նրան խարզախ անուանեց և գեղարդը ետեից չպրտեց: Այսպէս էլ դու

պէտք է քո առած խօսքը պահես բարեկամի վերաբերութեամբ և երբէք մատնիչ չդառնաս: Երբ բարեկամը քեզ մի գաղտնիք հաւատում է—քո սիրտը պիտի գերեզման լինի: Աւելի լաւ է ոտդ կոտրել՝ քան տուածդ խօսքը: Շատ սիրուն բան է հաւատարիմ ընկեր ունենալը, ընկեր, որին կարող լինիս քո սիրտը բաց անել, քո ներքինը փղձկալ և այսպէս թեթևանալ: «Յամենայն ժամանակի բարեկամք եղիցին քո, բայց եղբարք՝ ի վիշտս եղիցին քեզ պիտոյ» (Առաւիշ Սող. ժէ. 17): «Բարեկամ հաւատարիմ, ծածկոյթ հզօր, իսկ որ գտանէ գնա, եղիտ գանձ: Հաւատարիմ բարեկամի ոչ գոյ փոխանակ, եւ ոչ կշիռ լաւութեան նորա: Բարեկամ հաւատարիմ դեզ կենաց, եւ երկիւղածք Տեառն գտցեն գնա» (Սիրաք գ. 14. 16.): Մանաւանդ զըզուելի է այն գաղտնիքների հրապարակելը, որոնք ոչինչ չա՛հ չունին ոչ ասողի և ոչ ընդհանրութեան համար, այլ վնասուողը լուկ նա է, որի վրայ խօսուել է: Մատնութիւն շատերն են սիրում, իսկ մատնիչներին ոչ ոք չի յարգում: Բաց է ի բաց հեռու եղիր այն մարդկանցից, որոնք սովորութիւն ունին ասելու — թէ և ես խոստացել եմ այդ մասին լուել: Բայց քեզ կասեմ: Ով քեզ ասում է գաղտնիք կոչուածը, անշուշտ մի ուրիշին էլ կասէ: Դրա համար քեզ մի բարի խորհուրդ—ա, հետամուտ մի եղիր ոչ ոքից գաղտնիք իմանալու, նոյնպէս ոչ ոքից հաւատարմութիւն մի խնդրիր: Որովհետև ինչ բանի մասին, որ մենք ոչինչ չգիտենք, այնքան էլ հանգիստ կլինինք: Կեռ ոչ ոք ուրիշի գաղտնիքներն իմանալով երջանիկ չէ դարձել: Ե, եթէ պատահի որ մինը քեզ մօտ գայ և առաջարկէ մի գաղտնիք լսելու, դու պիտի յայտնես, որ նրա գաղտնիքը գաղտնիք կմնայ, եթէ վատ, չար բան չէ: Վարդութիւնիցդ վեր խոստում մի արա: Յիշիր Հերովդէսի տուած խոստումը Յովհաննէսի մասին: Գ, իսկ եթէ գաղտնիքը անվնաս բան է, հանգիստ սրտով կարելի է լսել. այնուհետև սրբազան պարտքդ պիտի լինի գաղտնիքը սրբութեամբ պահելու քո մէջ: Սեպհական լեզուն սանձելը մեծ արժանաւորութիւն է: Ինչպէս խօսելն արուեստ է, նոյնպէս լուելը: Խօսելն արծաթ է, իսկ լուելը՝ ոսկի: Յիշիր, լաւ ի միտ առ, որ դու երկու ականջ ունիս, իսկ մի բերան. միթէ՞ գժգոհ ես այդ մասին, որ շատ բան պիտի լսես, իսկ քիչ խօսիս: Երկու աչք ունիս, բայց մի բերան. շատ բան պիտի տեսնես, բայց շատ բան էլ չտեսնելու պիտի տաս:

3. Ս ու ա վ կ ա յ ու թ իւ ն են տ ա լ ի ս ք ս ու ն եր ըր, բ ան ս ար կ ու ն եր ըր: Սիրաքն ասում է. «Մի կոչեսցիս բանասրկու և լեզուա

քով մի վարաներ: Զի ի վերայ գողոյս վայ ամօթ, եւ պարսաւանք չար ի վերայ երկիւսին» (Սիրաք ե. 16. 17): Սա կատարեալ ճշմարտութիւն է, որովհետև գողի առաջ դուռը կարելի է կողպել, իսկ բանասրկուի առաջ՝ ոչ: Առաջինը վեր է առնում այն, ինչ որ նորից կարելի է փոխարինել, իսկ վերջինը՝ մարդու մաքուր, անբիծ անունըն է յափշտակում, որի փոխարինումը շատ դժուար է և երբեմն անհնար: Մարդու պատիւը նմանում է խնձորի կճեպին, որ թէև շատ քնքոյշ է, բայց և այնպէս պահպանում է պտուղը փտելուց: Հէնց որ կեղևը վնասում է, իսկոյն աւերում է և խնձորը: Եթէ նկատելու լինինք, կտեսնենք որ քանի-քանի անգամ քսու մարդիկ ընտանեկան խաղաղութիւնը վրդովի են իրանց անարդար բամբասանքներով: Քանիցս շողքորթները թշնամութեան սերմն են ցանել իշխանութեան և հաւատարիմ հպատակների մէջ, տիրոջ և ծառայի, կնոջ և մարդու, ծնողաց և որդւոց... մէջ: Իսկապէս մարդիկ կատարեալ զգուանք պիտի զգան դէպի քսուները և արհամարհեն շողքորթներին: Բայց այդպէս չէ: Որքան անարգուած բան է քսու, բանասրկու լինելը, շողքորթութիւնը, նոյնքան էլ տարածուած է: Շողքորթների առևտուրը մեծ յաջողութեան մէջ է, ունկնդիրները թիւն էլ պակաս չէ: Երանի իմանայիք, թէ մարդիկ ըստ մեծի մասին ինչ խօսակցութիւններ ունին ընկերական չրջաններում (թատրոն, ժողովարան): Միշտ զբաղուած են ուրիշի թերութիւնները նկատելով՝ օտարի սխալներն են աչքի ընկնում. բարու, ազնուի, գեղեցկի մասին լուութիւն է տիրում, որովհետև մարդիկ բամբասանքով մեծ լինել՝ բարձրանալ չեն կարող: Ուրիշի սխալ կողմերը յիշելով կամենում են վայր ձգել ընկերին, իսկ միւս կողմից ծածկում են իրանց սխալները և այսպէս գերազասում իրանց: Օտարի անմեղ խօսքը, անմեղ գործքը, ուր ոչ մի չար դետաւորութիւն չէ ունեցել ասողը՝ բանասրկուի, շողքորթողի բերանում մեծանում է և չարի կնիք դրում վրան: Եւ ա՛հ կարճ ժամանակուայ մէջ հրկեհի նման անցնում է մի ընտանիքից միւսը, մի տեղից միւս տեղը: Աշխարհիցս չարիքը շուտով հեռացած կլինէր, եթէ մարդիկ իրանց սխալներն էլ այնպէս խիստ դատէին, ինչպէս ուրիշինը. եթէ իրանց թերութիւններն էլ նոյնպիսի գոյներով նկարագրէին՝ ինչպէս իրանց բացակայ ընկերինը—երանի այդպիսիք ուրիշի առաք ի ն ու թ իւ ն ն եր ը ևս լոյս աշխարհ հանէին պակասու

թիւնները նման*։ Հեռի կաց բանսարկուներինց, զգուշացիր նրանցից։ Լաւ իմացիր, որ քեզ մօտ ուրիշի վրայ խօսողը, ուրիշին ծաղրողը, մի ուրիշի մօտ էլ քեզ կանէ և գիտէք որքան վշտացուցիչ կորուստ է չողոքորթ, քսու մարդու ձեռքով բարի անուն կորցնելը։ Սրա համար էլ հոովմայեցի կայսր Աղեքսանդր Սեվերուսը հրամայեց իւր պալատի բոլոր սեղանների վրայ գրել հետեւալ տողերը։ «Չամենայն դօր մի անգամ կամիջիք, թէ արասցեն ձեզ մարդիկ, այնպէս եւ դուք արարէք նոցա» (Մտթ. է. 12)։ Սկեղեցական հայրերից մինը՝ Օգոստինոսը երբէք չէր թոյլ տալիս, որ իւր տան մէջ վատ խօսին մի մարդու վրայ, որ բացակայ է, ուստի և իւր սեղանի վրայ գրել տուաւ այս խօսքերը. «Ով բացակայ եղող անձի անունը յափշտակել է կամենում, այնպիսին իրաւունք չունի այս սեղանի վրայ նստել»**։

Երբ էք մի լսիք բանսարկուին։ Եթէ բոլորն էլ այս խրատին հետևեն, այն ժամանակ բանսարկուների բաժինը լռութիւնը կլինէր։ Մի կրօնաւոր ասում է—բանսարկուն՝ սատանան լեզուի վրայ ունի, իսկ ունկնդիրը՝ ազանջում։ Բանսարկուն գող է, իսկ ունկնդիրը՝ գողօնքը պահող։ Գողացողը և թաղցնողը մի հաշուում են։ Երբ բանսարկուն ընկերի մասին վատ է խօսում, դու նրա հակառակ լաւ խօսիր։ Եթէ բամբասում են ծնողացդ, ուսուցչիդ, ընկերիդ... այն ժամանակ հարցրու դրանց, արդեօք որ և է բարի կողմն էլ նկատել են այն անձի մէջ, որին չեն հաւանում և այսպէս նրա բարի կողմերը երևան հանելով՝ ամաչացրու քսուներին։ «Լեզու լաւախօս յաճախէ գրարեկամութիւն» (Սիրաք դ. 5)։ «Բաց զերբան քո բանիւ Աստուծոյ, եւ դատան զամենեսեան ողջմտութեամբ» (Առակք Սող. լա. 8)։ Երբ բանսարկուն կեղծ, սխալ վկայութիւն է տալիս ընկերի մասին, դու ուղիղը վկայիր։ Գուցէ դու ես այդ պատճառով արհամարհանքի արժանանաս, բայց աւելի լաւ է անարգարու-

* Այստեղ յարմար է կեղծանուն, անստորագիր նամակների մասին խօսել, որով մեր ժամանակը հարուստ է։

** Օգոստինոսի մօր՝ բարեպաշտ Մօնիկայի օրինակը աւելորդ չէր լինի պատմել աշակերտներին։ Երբ սա լսում էր, որ երկու կին իրար հետ կռուել են, խոսով են, գնում էր մինի մօտ և դիտմամբ խօսք էր ձգում նրա թշնամու մասին։ Նա սկսում էր հարգար ու մի զովասանքներ շտայլել՝ այն աստիճան, որ դժգոհն ինքը եւ մի քանի լաւ կողմեր էր յիշում։ Սրանից յետոյ միւսի մօտն էր գնում՝ և պատմում, որ այս ինչը քո մասին այսպէս զեղեցիկ բաներ էր պատմում։ Այս ձևով յաճախ յաջողում էր նրան երկու կողմին հաշտեցնել։

թիւն կրել՝ քան թէ դործել։ Նրանի որ հալածեալ իցեն վասն արդարութեան, զի նոցա է արքայութիւն երկնից։ Նրանի է ձեզ յորժամ նախատիցեն և հալածեսցեն, եւ ասիցեն զամենայն բան չար զձէնջ սուտ վասն իմ, ցնծացէք եւ ուրախ լիւրուք, զի վարձք ձեր բազում են յերկինս, զի այսպէս հալածեցին զմարդարէսն, որ յառաջ քան զձեզ էին» (Մտթ. ե. 10—12)։ Երբ Քրիստոսին բարձրագոյն ատենի առաջ պիտի դատէին, Նիկողէմոսն ասաց. «Միթէ օրէնքն մեր դատե՞ն զմարդ, եթէ ոչ լսեն ինչ նախ ի նմանէ, կամ զիտեն զինչ գործէ» (Յովհ. է. 51.)։ Թէև ներկայ եղողները «գալիլիացի» ասելով հայհոյեցին Նիկողիմոսին, բայց նա խաղաղ և հանդիստ ձևով պաշտպանեց ճշմարտութիւնը։ Երբէք մի գրգռուելը։ Մի ուրախանար, երբ երկու բարեկամներ իրար հետ ընկնում են, երբ չարութեան սերմը երկու նախկին մտերիմների մէջ սերմանում է։ Աշխատիր խաղաղութիւն սերմանելու. քարոզիր ներողամտութիւն և հաշտութիւն—մի մոռանար այս խօսքը. «Զի սէր ծածկէ զբազմութիւն մեղաց»։ Այս զեղեցիկ խօսքը գրուած է Ի. թ. Պետր. դ. 8. և իրաւացի է կրկին մտքով։ Կարելի է ասել—սէրը շատ յանցանքներ ծածկում է, այսինքն նա բաւականութիւն չի զգում, երբ ընկերի թոյլ կողմերը՝ յանցանքները հրապարակում են, մարդոց զրգուում են, այլ ընդհակառակն՝ նա ուրախանում է, երբ վէճը հեռացւում է, բարկութիւնը մեղմւում է, խաղաղութիւնը վերականգնում է և մեղքերը, սխալները ծածկւում են, չեն տեսնում։ Բայց կարելի է և այսպէս հասկանալ—սէրը բաց է անում, պարզում է մեղքը։ Մարկ. աւետարանի է. 31... Խուլ ու համրի բժշկութեան ժամանակ ասում է. «Եւ առեալ զնա մեկուսի յամբոխէ անտի» այսինքն հիւանդին մեհնուկ վեր առաւ։ Նա Յիսուսի հետն էր։ Յիսուս երկինք նայեց, յոգևոց հանեց և ասաց. «Միփաթա» (այսինքն «բացուիր») և այսպէս բժշկեց նրան իւր ցաւից։ Այժմ դուք հասկանալիս կլինիք, թէ ինչ է նշանակում իմ ասած խօսքը. «Զի սէր ծածկէ (բաց անէ) զբազմութիւն մեղաց»։ Եթէ քո բարեկամներից մինը չար ճանապարհի վրայ է, դու զնա նրա մօտ, պարզիր իւր աչքի առաջ (չորս աչքի առաջ) նրա սխալները և այսպէս նրա յանցանքը ծածկիր (բաց արա՛, բժըլկիր)։ Եթէ դու մի ազնիւ, անկեղծ մարդու չարից ազատել կարող ես, ազատիր—«նրա մեղաց բազմութիւնը սիրով ծածկիր»։ Սէր չէ երևում այնտեղ, ուր ընկերին կոյր զկուրայն փորձութեան մէջ են ձգում և յետեիցն էլ արդարանում են՝ ասելով—ուր ես չկամ, ինչ

ուզում է լինի: Բայց լաւ յիշիր—ա, նրբորդ անձի մասին երբէք խօսք մի արա, երբ դու պատասխանատու պիտի լինիս, երբ դու մի օր նրա երեսին պիտի ասես այս կամ այն—բ, սէրը միշտ ինքն է սկըսում—«Նղբա՛րք, եթէ յանկարծ ըմբռնեսցի ոք ի ձէնջ յինչ եւ իցէ յանցանս... հաստատեցէք զայնպիսին հոգևով հեղութեան, զգոյշ լինի՛րք անձանց, զի մի եւ դուք փորձիցիք» (Թ. ա. Գաղ. գ. 1) ասում է առաքեալը: Այս վերջին յորդորն անհրաժեշտ է: Քանի-քանիսը դուրսը հազարաւոր աչք ունին, իսկ տանը և ոչ մինը: 'Երա համար էլ միշտ քո դռնից դարձիր և օգնիր հարեանիդ: Որքան որ դու ուղղուիս, այնքան էլ ճշմարիտ կլինիս դէպի քեզ, ուրեմն այնքան էլ ճշմարիտ կլինի քո վկայութիւնը ուրիշի վերաբերութեամբ, վասնզի ինչքան սիրտը մաքուր լինի, նոյնքան էլ բերանը կլինի: Սիրտը աղբիւրն է, իսկ բերանը նաւը՝ խողովակը: Մի արհամարհիր, մի չողոքորթիր, մի սուտ խօսիր, բանը ոչ փոքրացրու՛ և ոչ էլ մեծացրու, այլ թող ամեն ինչ այնպէս լինի, ինչպէս որ կայ իրականութեան մէջ: Այն ժամանակ անկեղծութեան մէջ այնքան յառաջ գնացած կլինիս, որ քո մահուանից յետոյ անգամ մարդիկ կվկայեն, ինչպէս երբեմն Յիսուս Նաթանայէիին ասաց—«Ահա արգարիւ իսրայէլացի, յորում նենգութիւն ոչ գոյ» (Յովհ. ա. 47): Սա ամենալաւ վկայութիւնը կլինի, որ դու անկեղծութեամբ ես կատարել Վի սուտ վկայեր պընկերէ քումմէ» պատուիրանը:

ՏԵՄԵՐՈՐԳ ՊԸՏՈՒԻՐԸՆ

«Մի՛ ցանկանար տան ընկերի քո, «եւ մի՛ անդոյ նորա, մի՛ ցանկանար «կնոջ ընկերի քոյ, եւ մի՛ ծառայի նորա, եւ մի՛ աղախնոյ նորա, եւ մի՛ ե«գին նորա, եւ մի՛ իշոյ նորա, եւ մի՛ «ամենայն անասնոյ նորա, եւ մի՛ ամն«նայնի զինչ ընկերի քոյ իցէ»:

Այս պատուիրանը փոքր ինչ հեռուն է գնում—իրերի խորն է թափանցում: «Մի գողանար» խօսքով Աստուած մաքուր ձեռք էր պահանջում, իսկ Վի սուտ վկայեր—«վ՛ մաքուր բերան: Յիշատակեալ երկու պատգամներն ևս պահանջում են մաքուր սիրտ: Վերջին պատուիրանը միանում է առաջինի հետ, այսինքն Աստուած սկսում է սրտով և վերջացնում է սրտով:

Այս պատուիրանի մէջ ասած է—«մի ցանկանար» (II. Մովս. Ի. 17.), չար ցանկութիւնը բաց է ըստ մերժում է: Եւ շատ իրաւացի է, որովհետեւ ցանկութիւնից յառաջանում է ձգտումն, իսկ սրանից գործնական մեղք, որից և ծնում է հոգեկան մահ: Եթէ այս պատուիրանի մէջ չթոյլատրած ձգտումն արգելում է, սրանով ինքն ըստ ինքեան արգելում է և չար ցանկութիւնը*:

Այսպէս ուրեմն հեռի պահիր քեզնից չար ցանկութիւնը: Ով այս ցանկութիւնը սրտումն ունի, ով նրան խնամում և փայփայում է, այնպիսին անցնում է Աստուծո պատուիրանից: Կան մարդիկ, որոնք շատ խիստ են հաճարում այս պատուիրանը. այդպիսիք ասում են—արգելել չար գործողութիւնը, դա հասկանալի է, բայց թէ ես ինչ կմտածեմ՝ չար, թէ բարի, ո՞ւմն ինչ: Չէ որ ես իմ մտածողութիւնով ոչ ոքի չեմ վնասում, ես ազատ եմ կամեցածս մտածելու: Սխալ է, թէ ընկերս վնաս չունի իմ չար մտածմունքից: Ողջ մէկ չէ Աստուծու համար—բարի եմ մտածում թէ չար, տարբերութիւնը մեծ է. քննող աչքով նայիր այն մարդու սիրտը, ուր հազար ու մի մտածմունքներ կան—մինը գանդատում է, միւսը ներողութիւն է խնդրում: Այս տեսակ սիրտը մարդասպանութեան ողջ է, այնտեղ է բնակում նախանձը, որ չի կարող սառն աչքով տեսնել ընկերի երջանկութիւնը—նա դառն ակնարկութեամբ ասում է—«ինչո՞ւ ես այսպէս աղքատ եմ. ինչո՞ւ նա այնպէս հարուստ է: Ինչո՞ւ պիտի նա հանգըստութիւն վայելէ, իսկ ես այսքան դառնութիւն երձաշակեմ: Ինչո՞ւ ես էլ սրա կամ նրա նման երջանիկ չպիտի լինիմ: Անսուբբ սրտի մէջ բնակում է այլև լը է ժխնդրութիւնը: Սրտի մթին անկիւններում նախագծեր է կազմում, թէ մերձաւորին ինչ ձեւով վիրաւորանք հասցնէ—վրէժխնդրութիւնը թուխ է նստած և բուպէ առ բուպէ կրկնապատկում է ատելութիւնը: Այնտեղ է բնակում չարախնդացութիւնը, որ չգիտէ, թէ ինչպէս ուրախանայ ընկերի անբաղդութեան վրայ: Այնտեղ են բնակութիւն հաստատել ցուցամոլութիւնը, մանաւանդ սնափառութիւնը, որ

* Լուսերականները ցանկութեան առարկան երկուսի են բաժանում—չնչաւոր (կին, ծառայ, աղախին և այլն) և անշունչ (տուն, անդ), բայց որն էլ լինի, հաւատարմապէս արգելում է պատուիրանը: Մի կամ երկուսի բաժանելը ոչինչ նշանակութիւն չունի, ողջ մէկ է, մեզ վրայ ոչ մի ձեն էլ բարոյական ազդեցութիւն չի կարող անել: Հարցը նրանում չէ, թէ պատուիրաններն ինչպէս ենք բաժանում, այլ նրանում, թէ ինչպէս ենք պահում:

ձգտում է ամենից բարձր լինել — նա հանգիստ չունի, երբ անհունում է, որ իւր կողքին իրանից մեծը կայ: Այնտեղ են բնակուում մաւրմնական ցանկութիւնները, որոնք անբարոյական պատկերներ են նկարագրում և անառակութեան մէջ որոնում իրանց երջանկութիւնը: Այնտեղ է բնակուում անհաւատութիւնը, թերահաւատութիւնը, որ գիտէ ճշմարտութիւնը անսուրբ գոյներով ներկել և սրբութիւնը արատաւորել: Ասան խնդրեմ, այստեսակ սիրտը մարդասպանութեան որջ չէ: Սրտիցը չեն դուրս գալիս Վորհուրդը չարք, սպանութիւնք, չնութիւնք, պոռնկութիւնք, գողութիւնք, սուտ վկայութիւնք, հայհոյութիւնք» (Մտթ, ԺԵ. 49.): Այս չար խորհուրդները միթէ յանցանք չեն. միթէ այս մտքերը ոչ ոքի համար վնասասակար չպիտի լինին: Մտածիր փոքր ինչ այդ մասին, կտեսնես որ չար խորհուրդները վնասում են ոչ թէ միայն նրան, ով սրանց կերակրում և խնամում է, այլև նրանց, դէպի որոց ուղղած է: Նւան փորձով ճաշակեց, թէ չար խորհուրդն ինչպիսի դառն հետեանք ունեցաւ: Կայէնը չկարողացաւ տեսնել, որ օրհնութիւնը միայն Աբէլն ստանայ: Աստուած նկատեց, թէ որպիսի չար հետեանքներ պիտի ծնին, ուստի և ասաց. «Եթէ բարի լինիս, Աստուծուն հաճելի է, իսկ եթէ բարի չլինիս, յանցանք կգործես: Բայց նրան իւր կամաց միթող, այլ իչպիսի նրա վրայ»: Չար խորհուրդն էր, որ Աբէլին կեանքից զրկեց, իսկ Կայէնից՝ խելց հոգույ հանգստութիւնը: Աքաբան ու Խաբէլը երբէք Նաբոթի չէին սպանի, եթէ չար ցանկութիւնը նրանց մէջ բուն դրած չլինէր: Ուստի ամենայն պահպանութեամբ պահեան զսիրտ քո, զի ի սոցանէ են ելք կենաց» (Առակք դ. 23): Չուից ճուտ է դուրս դալիս, կայծից՝ հրդեհ. այսպէս էլ չար խորհուրդից չար գործն է յառաջ գալիս: Ուրեմն ճանաչիր Աստուծ սէրը, որի նպատակն է քեզ չարից պահպանել, ուստի և ասում է. «մի ցանկանար»:

Չար ցանկութիւնը բնակուում է քո մէջ: Նզիպտոսի անսպասումում ապրող քրիստոնեայ միաբաններից մինը չէր կամենում հաւատալ, որ իւր մէջ չար ցանկութիւն է բնակուում: Նա ապացուցանում էր, որ իւր միաբաններն են յանցաւոր այդ բանում—իրան մէջ բնակուող բարկութեան պատճառը իւր միաբաններն են: «Նա կհեռանամ ձեզնից և ինձ համար մի տաղաւար կլինեմ, ասաց նա միանգամ, այն ժամանակ ես ազատուած կլինիմ բարկութիւնից»: Ասելն ու կատարելը մէկ եղաւ: Մի անգամ, երբ նա մենակ սափորով ջուր էր առնում աղբիւրից, սափորն ընկաւ և ջուրը թափուեց: Բայց երբ

երկրորդ և երրորդ անգամ նոյնը կրկնուեց, նրա ճակատի վրայ եղած բարկութեան երակն ուռաւ, կատաղած վեր առաւ սափորը և փշուր փշուր արաւ: Նրը սափորի բեկորներին նայեց՝ իւր առաջը անշարժ ընկած, իսկոյն զգաց, որ յանցանքը իւր միաբաններին չէ, այլ բարկութեան ոգին հէնց իւր մէջն է: Նա միաբաններին մօտ դարձաւ և աղաչում էր նրանց՝ իրան հետ աղօթելու, որ փորձութեան մէջ չընկնի: Այստեղից այն խրատը քեզ՝ որ Վարաքանչիւր ոք փորձի առ ի յիւրոցն ցանկութեաց ձգեալ ևւ պատրեալ» (Թ. Յակ. ա. 14): Որովհետեւ մարդուս գայթակղեցնողը ցանկութիւնն է, դրա համար էլ յանցանքն ու բիշի վրայ չպիտի ձգել—ոչ իւրեան շրջապատող գայթակղիչների և ոչ էլ չար ոգու, որին մարդիկ սովորութիւն են արել ստատանայ անուանելու: Չար ցանկութիւնը քո մէջն է ծնում. քո սեպհական սիրտն է չար գործերի ծննալայրը, դրա համար էլ ամենայն ոք մենակ ինքն է պատասխանատու իւր յանցանքների համար: Հէնց որ չար ցանկութիւնը մեր մէջ սկիզբն առաւ, իսկոյն, ըստ մեր բացատրութեան, ծնում է յանցանքը: Այսպէս ուրեմն չար ցանկութիւնն է՝ մայր, իսկ յանցանքը՝ նրա որդին: Նրբ յանցանքը կատարեալ է գառնում (այսինքն սիրտը ամբողջովին զբաւում է), այն ժամանակ մահ է ծնում—նա ապականում է հոգին, թլացնում է կամքի ոյժը, զօրութիւնը և թունաւորում է կեանքը՝ այնպէս որ մարդուս մէջ աստուածայինը հետզհետէ մեռնում է և վերջ ի վերջոյ ապականութեան բաժին է դառնում: Մեղքի բոլոր հետեանքները՝ թէ այստեղ և թէ այնտեղ, սուրբ գիրքը մահ բառի մէջ է ամփոփում—այս բառով հասկանում է մեղքից յառաջացած բոլոր դառնութիւնները: Մահուան երեք տեսակը պիտի որոշել իրարից—1, մարմնական մահ—երբ հոգին մարմնուց բաժանուում է, 2. հոգեկան մահ—երբ հոգին Աստուածանից է բաժանուում. 3, յաւիտենական մահ—երբ Աստուած բաժանում է մարդուց: Պարզ է, որ մեր խօսքը մահուան երկրորդ տեսակի մասին է: Թէ ամենայն մի յանցաւոր չար խորհուրդների միջնորդութեամբ վերջ ի վերջոյ հոգեկան մահուան է դատապարտուում, այդ մասին կեանքը հազար և մէկ ապացոյցներ ունի: Նայիր խստապարանոցին—նրա զգացմունքը խուլ է դէպի իրանից ողորմութիւն խնդրող աղքատը: Նայիր արբեցողին—նա չի տեսնում իւր առաջ բացուած անդունդը, իւր ընտանիքի թշուառութիւնը: Նայիր նախանձոտին—չի զգում իւր թշնամու անբաղդութիւնը, չի ուրախանում բարեկամի երջանկութեան վրայ: Ով

չի տեսնում, չի լսում, չի գոում, նա մեռած է, հոգեպէս մահացած է—եթէ նա երկրիս վրայ ծիծղուն երեսով էլ շրջելիս, արտա-
 յայտուելիս լինի: Ուստի մի անգամ ևս կրկնենք Աստծու խօսքը—
 «մի ցանկանար»: Չար ցանկութիւնը՝ մայր է, յանցանքը՝ նրա որդին,
 իսկ սրա վերջը՝ մահ (բարոյական):

Որպէսզի ճիշտ իմանանք, թէ ինչ բան չպիտի ցանկալ, հարժ
 կաւոր է լսել, թէ ինչ է ասում օրէնքը: ա, «Մի ցանկար տան
 ընկերի քոյ»: Սրանով Աստուած արգելում է ցանկութիւն յայտ-
 նելու ընկերի, այսպէս ասած, մեռած սեպհականութեան, նրա ան-
 շարժ կայքի վերաբերմամբ: Շատ մարդիկ կան, որոնք երկար տա-
 րիներ շարունակ աչք են դրել ընկերի, հարեանի տանը, որովհետև
 վերջինս մեծ տարածութիւն, յարմարութիւն, գեղեցիկ գիրք ունի:
 Ոմանք էլ քուն ու դադար չունին ընկերի արտը կամ արօտատեղին
 ձեռք բերելու...: Մինին այս է դուր գալիս, միւսին՝ այն: Եթէ դու
 հաւանում ես հարեանի սեպհականութիւնը, զնա նրա մօտ և առա-
 ջարկի՞ր ծախսի՞ խոստանալով վճարել արժէքը—այդ ցանկութիւնը
 յանցանք չէ: Սակայն մեծամասնութիւնն ուրիշ ձևով է վարւում:
 Ոմանք բարեկամական դիմախօս մերձենում են ընկերին, վատարա-
 նում են նրա կալուածքը...: այս բոլորի նպատակն այն է, որ պըղ-
 տորեն կալուածատիրոջ սիրտը, որպէսզի նա ծախելու կողմը հա-
 կուի: Եւ երբ յաջողում է նրա սիրտը փոխել և վերջինս ցանկու-
 թիւն է յայտնում վաճառելու, այն ժամանակ դիմակաւորեալ բարե-
 կամը ցաւակցութիւն է յայտնում ասելով—«ով պիտի առնի, տեսնենք,
 գուցէ կարողանամ մի գնող գտնել և այլ այսպիսի կեղծ կարեկցու-
 թիւններ: Այս գործողութիւնից յետոյ գտնում է խաբեբայի մինին.
 վերջինս հաճում է մի գին վճարելու և կալուածքը վերջ է վերջոյ
 չնչին գումարով առնում է մեր դիմակաւորը: Քանի-քանիսը գոհ են
 գնացել այսպիսի ստոր խորամանկութեանց, որոնք իրանց արմատը
 չար ցանկութեան մէջ ունին, կորցրել են իրանց սեպհականութիւնը
 և հացի կարօտ դարձել: Այդ խաբեբաները զեռ ծաղրում են էլ,
 որովհետև իշխանութիւնից պատիժ չպիտի ստանան. նոքա գիտեն,
 որ ամեն ինչ իրանց պատրուակի ներքոյ է կատարուել և ոչ մի ձե-
 ւական հիմք չկայ բողոքելու: Արդարև երկրաւոր դատաւորն այդպի-
 սիներին չի պատժում, բայց կայ երկնաւոր դատաւոր, որ հատու-
 ցանում է ամենին իրանց գործքի համաձայն: Աստուած, որ որոմն

արմատիցն է կտմենում հանել, հէնց դրա համար էլ ասում է «մի
 ցանկանար տան ընկերի քո»:

Չար ցանկութեան առարկան ոչ թէ միայն անշունչ առարկաներն
 են, այլև շնչաւոր, բանաւոր: Աստուած արգելում է ցանկանալու
 ուրիշի կենդանի սեպհականութիւնը, ուստի և ասում է բ, «մի ցա-
 կանար կնոջ ընկերի քո, եւ մի ծառայի նորա, եւ մի
 աղախնոյ նորա, եւ մի իշոյ նորա, եւ մի ամենայն
 անասնոյ նորա, եւ մի ամենայնի գինչ ընկերի քոյ
 իցէ»: Ուրեմն ոչ մարդ և ոչ անասուն՝ չար ցանկութեան առարկայ
 չպիտի լինին: Իսրայէլի կանանց համար այս պատուիրանն անհրա-
 ժեշտ էր, որովհետև ամուսնական կապն այն ժամանակ ոչ անլուծա-
 նելի էր և ոչ օրէնքի առաջ պաշտպանուած—մարդը իրաւունք ունէր
 կնոջը արձակման թուղթ տալու—անյայտ գայթակղիչի մինը կարող
 էր կնոջ սէրը յափշտակել և այսպէս իրաւունք տալ օրինաւոր ամուս-
 նուն արձակմանը գրելու: Բայց այս պատուիրանը մեր քրիստոնեայ
 ժամանակի համար ևս անհրաժեշտ է—կան մարդիկ, որոնք սառն
 աչքով չեն կարող տեսնել, թէ ինչպէս իւր ընկերը կնոջ հետ սիրով
 է ապրում և կամ միտք ունի մի երջանիկ ամուսնական դաշը կռե-
 լու: Այդպիսիք աշխատում են ներելի և աններելի միջոցներով խան-
 գարել ամուսնութիւնը, վրդովել ընտանեկան խաղաղութիւնը, իրա-
 իրց բաժանել: Շատ կանայք մարդկանցից բաժանուելուց ետոյ՝ ամուս-
 նանում են իրանց գայթակղեցնողի հետ, բայց երկուսն էլ վերջը
 հնձում են իրանց ցանածը (չատ սակաւ դէպքերում միայն հաւա-
 տարիմ են մնացել իրար)—նոքա, որոնք անհաւատարմութիւն են
 ցանել, անհաւատարմութիւն էլ կհնձեն: Որքան սակաւ լինի չարա-
 խնդացների թիւը, այնքան էլ սակաւաթիւ կլինին անյաջող ամուս-
 նութիւնները: Այն ժամանակ կվերանային թէ մէկի և թէ միւսի ան-
 համար բողոքներն իրար դէմ: Մի կին գանգատում էր ուրիշին իւր
 մարդուց և ասում. «Ի՞նչ էք կարծում, պարոն, ինչ պիտի անեմ ես»:
 «Իմացինը սառը կերպով պատասխանեց. «Իմ կարծիքով դուք պիտի
 տուն դառնաք և ձեր ամուսնու համար աշխատէք լաւ կլին լինել,
 այն ժամանակ նա էլ լաւ մարդ կլինի ձեր վերաբերութեամբ»:

Տասներորդ պատուիրանի մէջ ասած է. «Մի ցանկանար կնոջ
 ընկերի քո... եւ ամենայնի զինչ ընկերի քո իցէ»: Այս տողերը
 պատկանում են և երեխաներին: Հին ժամանակ սովորութիւն

է եղել, որ հրէաները երիւսաներ են յափշտակել. նոյնը կատարում են և այսօր մասմետականները և տանում կրօնափոխ դարձնում: Թէև հրէից այդ տգեղ սովորութիւնը մեր օրերում վերացած է, բայց քանի-քանի զգուելի սովորութիւններ դեռ ևս գոյութիւն ունին մեր մէջ—զորօրինակ նոյն իսկ բարի անուն և հռչակ վայելողները իրանց վարմունքով շատ որդւոց սառեցնում են իրանց ծնողներից: Քանի որ որդիքը փոքր են և կարօտ խնամքի, ոչ ոք օգնութեան ձեռք չի կարկառում, իսկ երբ նրանք մեծանում են և ձեռն աշխատանք է բռնում, չեն ամաչում որդւոց իրանց ծնողաց դէմ յարուցանելու և բարեբարի դիմակ ընդունելով՝ հեռացնել նրանց ընտանեկան օձադից՝ հազար ու մէկ հրապուրանքներով: Ամենից վատ խորթ մայրերն են վատահամբաւում: Աշխարհիս մէջ ոչ ոք այնպէս վատահամբաւում չէ, ինչպէս խորթ մայրերը: Սոքա հարազատ մայրեր չեն, ուստի և հարազատ սէր չեն կարող ունենալ, ուրեմն և չեն արժանանում ճշմարիտ վատահոլութեան (հարցը բացառութեանց մասին չէ): Որքան էլ խորթ մայրը կամ խորթ հայրը բարի լինին դէպի խորթ որդիքը, այնուամենայնիւ վերջինները սակաւ անգամ են ճանաչում նրանց երախտիքը, բարի դիտաւորութիւնքը՝ հէնց այն պատճառով, որ նրանց զխում մտցրել են, թէ խորթ ծնողներ են և դրա համար էլ այդ տեսակ որդիքը ծնողաց կեանքը դառնացնում են: Անշուշտ խորթ որդիներին ճանապարհից հանողները չեն յիշում—մի ցանկանար որդւոց ընկերի քոյն:

Բայց աստուածային պատուիրանը չէ բաւականանում սրանով, նա հետու է գնում—«Մի ցանկանար ծառայի, աղախնոյ ընկորոջ քոյ»: Աշխատասէր ծառան, ջանասէր աղախինը, հաւատարիմ մշակը ոսկու չափ արժէք ունին: Ով լաւ ծառաներ, աղախիններ ունի, երջանիկ կարող է համարուել: Բայց կան ստոր մարդիկ, որոնք նախանձում են, թէ ինչու այս ինչ մարդը լաւ սպասաւորներ ունի, և անձ օձի լեզու են սկսում բռնացնել. մեծ ուճիկ, սակաւ աշխատանք են խոստանում, որպէսզի հեռացնեն նրա տանից և իրանք վարձեն: Այս վարմունքը վնասում է ոչ թէ միայն պարոններին, այլև ծառաներին, որովհետև նրանք վարժում են մի տեղից միւսը գնալուն, նրանց համար սովորութիւն է գաւնում մինի մօտից միւսին անցնելը: Այդպիսիք ծառայում են միայն փողին, կորցնում են իրանց հաւատարմութիւնը՝ այդ անգին յատկութիւնը: Նրբ մի ծառայ կամ աղախին երկար ժամանակ մնում է մինի մօտ, սկսում է յարգել պարոննե-

րին և փոխադարձաբար յարգանք վայելել նրանցից: Բայց մի քանի մարդոց չար ցանկութիւնը չի կարող տանել դրան—փոխանակ յորդորելու նրանց, որ իրանց տեղում մնան և ծառայեն հաւատարմութեամբ, սկսում են գայթակղեցնել: Նախանձը բարեկամի դիմակով է մօտենում և ձգտում է խլել այն՝ ինչ որ ուրիշինն է և կամ եթէ այդ նրան չյաջողեց, գոնէ օտարի ուրախութիւնը խափանել: Այդպիսիք գուցէ ուրիշին աղքատացնեն, բայց իրանք էլ չեն հարստանում, այդպիսիների յաջողութիւնը նրանումն է կայանում, որ իրանց չար ցանկութիւնը բաւարարութիւն ստանայ:


Վերջապէս արգելում է Աստուած. «Մի ցանկանար եզին, իշոյ եւ անասնոյ ընկերի քոյ, եւ մի ամենայնի զինչ ընկերի քոյ իցէ»: Կրթուած անուանեալ մարդիկը քնթները վեր են քաշում՝ ասելով որ վայելուչ չէ յիշել էչ, եզն: Բայց և այնպէս այդպէս ասողները սառն աչքով չեն կարող տեսնել հարևանի կողքի անհպարտի ձիերը, ընկերի արագավազ նժոյգները, սրա մեծաթիւ անդէն, միւսի հարուստ գիւղատնտեսութիւնը... և նախանձի զգացումն չունենալ իրանց սրտում—Ա՛խ, ինչու ես էլ այդպէս չպիտի լինէի: Քանի-քանիսը ոչ թէ հարևանի էչն ու եզը, այլև չունն ու կատուն պատառ հացով զրաւել են և սեպհականել՝ լոկ այն հիմամբ, որ չեն կարող տեսնել, թէ իրանց մերձաւորն ինչպէս ուրախանում է նրանցով:

Այս բոլորը չար ցանկութիւնն էր են. դրանց ընտելութեան տեղը սիրտն է, որին բերանը, աչքը, ձեռքը շարժում է բաւականութիւն տալու համար: Սա չար ցանկութիւն է, որ այնպիսի անմեղ, անկեղծ կերպարանքով մերձենում է քեզ և հանգիստ ու դադար չէ ունենում՝ մինչև որ քեզ իւր ծառան, ստրուկը չէ դարձնում: Քո երջանկութեան այս թշնամուն ամեն իրաւամբ կարող ես մերժել և զոցել այն դռները, որոնցով նա քո սիրտն է սողոսկում: Պատերազմի ժամանակ, երբ մի քաղաք կամենում են առնել, նախ և առաջ կողպում են քաղաքի դռները, կարում են ջուրը: Այսպէս էլ դու պիտի անես—պիտի կտրես չար ցանկութեան բոլոր առիթները, որոնք կարող են քեզ գրգուել և խլել քեզից քո խաղաղութիւնը: Սուրբ զիրքը յորդորելով՝ ասում է քեզ—«մի թոյլ տար չար ցանկութեան քեզ մօտ գալ և քեզ տիրել, ինքդ եղի՛ր նրան տիրողը»:

Գիտէք ինչ պիտի անէք, երբ չար մատճողութիւնները գալիս են:—Նրբ չար ցանկութիւնը անտկնկալ կերպով քեզ հիւր է գալիս,

արհամարհիր և երեսդ դարձրո՛ւ նրանից: Յանկութեան առարկայից չուռ տուր հայեացքդ. գայթակղեցնող էակները համար թող խուլ լինի քո լսելիքը. գերը մի դարձիր նրանց այն ցանկութիւններին, որոնք դիմակով են երևան դալիս: Հաւաքիր ուժերդ, աշխատանքի մէջ որոնիր քո պաշտպանութիւնը. բարի մարդոց շըջանում փնտրիր քո օգնութիւնը. աղօթիր, մի հանգստացիր՝ մինչև որ ինորոյ ինքնիշխան դառնաս: Ի՞նչ տեսս որ չի կարող մարդը՝ միայն թէ կամեսայ: Հսկիր և աղօթիր: Նրբ առաջին անգամ անառակ որդին կատարեալ կամքով ասաց. «Նրթայց առ հայր», հէնց նոյն բողբոջից էլ նրա ողին ազատութիւն ստացաւ: Ուրեմն մի անգամ էլ կրկնենք, մի թոյլ տուր, որ կամքը քեզ տիրէ, այլ ինքդ նրա տէրը եղիր: Մարդս ստեղծուած է տիրելու համար. (Մ. Մովս. բ.), բայց ամենից առաջ ինքն իրան պիտի տիրէ, մեղացը պիտի իշխէ և ոչ նրա ստրուկը լինի — մարդս տէր և ոչ թէ ստրուկ պիտի լինի: — Ամենայն որ առնէ զմեզս, ծառայ է մեզաց». (Յովհ. Ը. 34.): Նրբ դու քեզ տկար զգաս, դու էլ վարուիր այն մուրացկան տղայի նման, որ իջևանել էր մինի տանը, ուր ժամացոյցի ճկճնկոցը նրա մէջ չար մտքեր էին ծնեցում — յափշտակել ժամացոյցը, ծախել և նրանով ծածկել իր մերկութիւնը: Նրբ նրա մէջ չար ցանկութիւնն այնքան զօրացաւ, որ տկար էր զգում գիմաղրել իրան, տեղից վեր կացաւ. առաւ իւր պարկը. զիչերով փախաւ տանից և այնքան ժամանակ պտըտում էր զուրսը՝ մինչև որ գայթակղիչ մտքերը կորցրին իրանց ոյժն ու զօրութիւնը: Գնա և դու էլ նոյնն արա՛. բայց վաղ՝ քանի որ ջահ էլ ես: Ինչպէս որ փոքր հասակումդ կսովորես, նոյնպէս էլ կշարունակես: Մասի ճիւղը կարելի է ճկել՝ քանի որ դալար է: Ով երկնչում է պատերազմից, երբէք յաղթող չի լինի: Ուստի «մարտիւր զբարւոք մարտն հաւատոյ, եւ բուռն հարդկենացն յաւիտենականաց յոր կոչեցարն». (Մ. թ. Տմթ. Կ. 12.): Մեծ է այն թշնամին, որի հետ պիտի պատերազմիս. այդ թշնամին քո սեպհական կրծքումն է, դա անձնասիրութիւնն է, դա յանցանքն է, որին մենք ճանաչում ենք: Այս թշնամին երբեմն այնպիսի շողորթով կերպարանքով է մօտենում մեզ, որ մենք մոռանում ենք զինուորուել նրա դէմ — նա պաշտպանուած է: Այս թշնամին շատ յամու է՝ չնայելով որ նա քանիցս յաղթում է, բայց և այնպէս նորից միշտ և միշտ փորձեր է անում ոտի կանգնելու: Ով դանակը չար ցանկութեան վզին չէ դնում, նա միշտ կոր-

ծանուծ է: Բարի նախաբաններ ընդունելով շատ բան չի կարելի անել (գժոխքի ճանապարհն էլ բարի նախաբաններով է սալայտաւկած), անհրաժեշտ է զինուել նրա դէմ արդարութեամբ, ոգեկան զէնքերով — Այսուհետև զօրացարձք Տէրամբ եւ կարողութեամբ նորա . . . և զուսեր Հոգւոյն, որ է բանն Աստուծոյ: Այստեղ զիջում, համակերպութիւն չկայ, այստեղ հարցը պարզ է — բաց է ի բաց հեռի: Մեր տէր Աստուածն մաքուր սիրտ է պահանջում, ուստի և ասում է. «Մի ցանկանար»: Մեր տէր Աստուածն ուզում է որ անձնասիրութիւնը՝ բոլոր յանցանքների աղբիւրը ընկճենք և պահենք նրա խօսքը. «Միրեսցես զտէր Աստուած քո յամենայն սրտէ քումմէ եւ զընկեր քո նման սմին»:



Աստուածային տասն պատգամները վերջացրինք, այժմ մի հայեացք ձգենք մեր անցած ճանապարհի վրայ:

Այս ամենից պարզ և որոշ կերպով երևում է, որ Աստուած պահանջում է մեզից («Պատմեցաւ քեզ, ո՞վ մարդ, զի՞նչ է բարի, կամ զի՞նչ խնդրէ իբէն տէր, բայց առնել զիրաւունս, եւ սիրել զոգորմութիւն, և պատրաստ լինել երթալոյ զկնի Տեսառն Աստուծոյ քո») մաքուր ձեռք, իստակ բերան և սուրբ սիրտ: Մենք տեսանք, որ տասն պատուիրանները պարունակում են իրանց մէջ այն ամենը, ինչ պարտաւորութիւն որ մարդս ունի դէպի Աստուած, դէպի ընկերը և դէպի իւր անձը: Ուր այս պատուիրանները զանց են առնուած, այնտեղ յանցանք է գործուել, իսկ յանցանքին յաղթել հնարաւոր է եղել սուրբ սիրոյ զօրութեամբ: Ուր սէրն առ Աստուած («սիրեսցես զտէր Աստուած քո յամենայն սրտէ քումմէ») և առ ընկեր («եւ զընկեր քո իբրեւ զանձն քո») տիրապետել են մեր մտքին և զեկավարել մեր գործերը, այնտեղ ամեն ինչ կանոնաւոր է եղել և՛ ընտանիքի, և՛ դպրոցի, և՛ եկեղեցւոյ, և՛ տէրութեան, և՛ ժողովրդի, և՛ իւրաքանչիւր անհատի համար: Ուր չքանում է այս սէրը, ուր մարդս ապրում է առանց սիրոյ՝ հետևաբար և առանց Աստուծու, այնտեղ կանոնաւորութիւնը վտանգւում է, իսպաղովութիւնը վերանում է, էլ երջանկութեան մասին խօսք չի կարող լինել:

Որպէսզի Աստուած մեզ առաջնորդէ դէպի պատուիրանների կատարումն, տասն պատուիրանների վերջը մի անգամ ևս յայտնուեց և սպառնալիքի հետ իւր խոստումն ևս արաւ մեզ, որպէսզի ճանա-

չենք և իմանանք, որ նա միմիայն մեր բարին և ընդ սմին մեր երջանկութիւնն է կամենում: Աւստի և մի փոքր իմօտոյ ծանօթանանք այս սպառնալիքի և խոստման հետ:

Ա. Սպառնալիքն այս է. «Նա եմ տէր Աստուած քո՝ Աստուած նախանձոտ, որ հատուցանեմ զմեզս հարանց՝ որդւոց, յերիս եւ ի չորս ազգս ատելեաց իմոց: Աստուած անուանում է իրան նախանձոտ՝ յանցանքն արդարութեամբ պատժող Աստուած: Նա հատուցանում է նախահայրերին ըստ գործոց նոցա և պատժում է անարդարութիւնը: Անարդար վարմունքը հաճելի չէ նրան. նա թոյլ չէ տալիս, որ անարդեն իրան: ձիշտ է, նա ողորմած է, զթած է, համբերող է և վերին աստիճանի բարի, բայց նրա բարութիւնը թուլութիւն չպիտի համարել, նրա ողորմածութիւնը չարերին անպատիժ թողնելու գրաւական չպիտի լինի: «Արդար է տէր. զարդարութիւն սիրէ»: Աստուած ամենին էլ իրանց գործի համաձայն է հատուցանում: Թող ոչ որ չկարծէ, թէ ինչ կամենայ՝ այն կանէ: Ով վստահանում է արդարադատ օրէնստուի պատուիրաններինցն անցնել, այնպիսին փորձով գիտէ, որ մարդս իւր վարմունքով Աստու օր է նքը չի կարող փոխել, ընդհակառակն՝ յանցաւորը զանցաւորութիւն անելով՝ իրան (մարդուն) ոչընչացնում, ի կորուստ է մատնում: Ով չի կամենայ աստուածային պատուիրանների առաջ խոնարհել, կատպուր նրա տակ խորտակուել:

Ոչ թէ միայն յանցանք գործողն է տուժում իւր արարմունքի համար, այլև նոբա յաջորդները վայելում են ծնողների արարմանց հետևանքները—որովհետև Աստուած հատուցանէ զմեզս հարանց որդւոց: Այս խնդիրը շատերին է զարհուրանք պատճառել—որդիքն ինչու պիտի պատասխանատու լինին հայրերի յանցանքին: Բայց սժմը յայտնի չէ. «Հարք կերին զազոխ եւ որդւոցն առան ատամունք»: Չարութեան նգովքն էլ հէնց նրանումն է, որ շարունակաբար չար բան պիտի ծնի նրանից: Ահա սա է յանցանքի զարհուրելի կողմը. նա ամեն ինչ սպաւանելով մի սերնդից միւսն է անցնում: Մի րոպէ աչքդ դարձրու և տես թէ կեանքի մէջ ինչպէս է կատարում սպառնալիքի հետևանքները: Միթէ արբեցողների, թուղթ խաղացողների... որդիքը չէն վայելում հայրերի վարմանց պտուղները: Այսպէս ամենուրեք չարը՝ չար հետևանքից անբաժան է: Ուրեմն ամենայն մի հայր պիտի լաւ մտածէ, որ իւր սխալանքի պտուղները իւր որդիքը պիտի վայելեն: Պէտք է զարհուրին ծնողները, երբ իմանան, որ

ծնողների յանցանքը որդիքը պիտի քաւեն: Հայրերի յանցանքը ոչ թէ միայն որդիքն են քաւում, այլև թոռները, ծոռները...: Չափահասներից անչափահասներն են սովորում սիրել յանցանքը և ատել աստուածային պատգամները: Նրկրորդներն առաջիններից սովորում են սուտ խօսել, զողութիւն, քսութիւն...: Պտուղը ծառի բնից հեռի չէ ընկնում: Ապա ուրեմն աշխարհիս կարգն է, որ հայրերի յանցանքը որդիքը պիտի քաւեն:

Իայց չմոռանանք սպառնալիքի մէջ. «Նա եմ Տէր Աստուած քո, Աստուած նախանձոտ, որ հատուցանեմ զմեզս հարանց որդւոց՝ յերիս եւ ի չորս ազգս *ստելեաց իմոց*»: Այս ատղերը իրանց միութեաւական կողմը ևս ունին—որովհետև եթէ որդիքը բարեպաշտ են, այդպիսեաց համար Նգեկիէլ մարգարէի խօսքը մխիթարական է. «Անձն որ մեղիցէ, նոյն եւ մեռցի. եւ որդի զհօր մեզս մի առցէ, եւ մի հայր առցէ զանիրաւութիւնս որդւոյ իւրոյ»: Որովհետև եթէ որդիքը հայրերի յանցաւոր օրինակին չեն հետևում, ուրեմն եւ պատժի էլ չպիտի արժանանան: Թէև այս այսպէս է, բայց և այնպէս կան յանցանքներ, որոց հետևանքը՝ բնութեան օրէնքին համաձայն, պէտք է որդիքը կրեն, զորօրինակ վատնող, շուայ հօր գուակը ստիպուած է աղքատ լինել: Այն ժամանակ Աստու դատաստանը այդպիսի բարի զաւակների համար պատիժ չէ, այլ փրկարար խաչ, որոյ (խաչի) միջնորդութեամբ Աստուած հեռի է սպասանում որդւոց՝ ծնողաց յանցանքից և առաջնորդում է գէպի յաւիտեանական կեանք—այն կրակի մէջ, ուր յարդն անհետ այրւում է, ոսկին փառաւորապէս փայլում է: Քանի-Քանիսը հիւանդութեան, կարիքի ժամանակ ճանաչել են Աստու, որ «տէր յաւիտեանական սիրեցի զքեզ, վասն այսորիկ ձգեցի զքեզ ի զթութիւն»: Միայն անաստուածներին է ուղարկում Աստուած պատիժը, իսկ իրան սիրողներին հայրական սիրով է սիրում:

Այսպէս ուրեմն Աստուած թշնամիների համար կ'անարկու է կ'սիրող է. նա ոչ թէ միայն նախանձոտ է պատժելում, այլև՝ բարի անեղում: Այս կէտը տանում է մեզ մասնաւորապէս գէպի

Բ. *Մոստումս*, ուր ասած է՝ «Նա առնեմ զողորմութիւն ի հազար ազգս սիրելեաց իմոց, եւ ոյք պահեն զհրամանս իմ: Սպառնալիքի մէջ Աստուած երևում է որպէս «տէր», որից ամբողջ աշխարհը պիտի սոսկայ, իսկ խոստման մէջ ներկայանում է որպէս Աստուած քո», որին մարդիկ անձնատուր պիտի լի-

նին՝ դրզած նրա անհուն սիրուց: Եթէ կամենում ես Աստծուն ճանաչել, սպառնալիքն ու խոստումը մէկ մէկու կողքին դիր—պատիժը մինչև երրորդ, չորրորդ սերունդը, իսկ շնորհը՝ Վի հազար ազգա: Երբ այսպէս վարուես, կտեսնես, որ քո Աստուածը մեծ է պատժի ժամանակ, բայց աւելի մեծ է օրհնութեան ժամանակ—նա չի սիրում անասուածներին, այլ ցանկանում է Վղառնալ ամբարշտին ի չար ճանապարհէն իւրմէ եւ կեալ:

Մեր օրերումը եւ թէ սպառնալիքը եւ թէ խոստումն ապացուցած է գործով: Այսօր եւ բարի գործը բարի հետեանք ունի: Այսօր եւ վկայած է Վի օրհնութիւնն հօր հաստատէ գտունս որդւոց: Բարեպաշտ որդիքը, որոնց համար բարի ծնողները ձեռները կարկառած աղօթիլ են, վարձատրուել են ասուածային շնորհով: Լնչպէս որ Աստուած Աբրահամի սերունդն օրհնեց՝ նրա բարեպաշտ ծնողների պատճառով, այսպէս էլ ցօրս Աստուած օրհնում է շատ մանուկներին՝ իրանց հօր եւ մօր պատճառով: Աստուծորմածութիւնն անցնում է որդւոց՝ թոռներին—այսինքն ամենի վրայ: Աստուծո ողորմածութիւնն ի հարկէ միշտ նրանում չի կայանում, որ իրան սիրողներին արտաքուստ վարձատրէ—հարստութիւն կամ առատ շտեմարաններ պարգեէ, վասնզի հարստութիւնը միշտ երջանկացուցիչ չէ: Աստուած պարգևում է նաև հոգեկան խաղաղութիւն, հանդիստ խիղճ, որ մարդու դարձնում է հարուստ՝ աղքատութեան ժամանակ, մխիթարում է տրտմութեան մէջ: Շատերի կեանքը թւում է մեզ վշտալից, զուրկ ուրախութիւնից, բայց հարցրէք բարեպաշտին, թէ նա իւր աղքատ կարծեցեալ կեանքը կփոխէ արդեօք այն անասուած հարստի հետ, որ լողում է առատութեան մէջ, ե դուք ամենուրեք կտեսնէք, որ յանցանքի հետ անէծքը, իսկ աստուածպաշտութեան հետ օրհնութիւնն է կապուած: «Ոչ զոյ ուրախութիւն ամբարշտաց» (Նսայի խը. 22.), ասում է սուրբ գիրքը, իսկ «աստուածպաշտութիւն առ ամենայն ինչ օգտակար է, եւ զաւետիս կենաց ունի՝ զարգիս եւ զհանգերձելոցն»: (Ի.թ. Տմ. թ. դ. 8):



925

925

0027632

925

« Ազգային գրադարան



NL0027632

